





HAG 1079.





JACOBI JOSEPHI
LABBE
SELENOPOLITANI
DE DEO
HEROICA.

Carmen Deo nostro.

Psf. 39. v. 4.




V E N E T I I S,

APUD FRANCISCUM PITTERI.



MDCCLXXIII.

SUPERIORUM PERMISSU, AC PRIVILEGIO.



PRÆLOQUIUM.



E DEO, ac Divinis dicere, Lector Benevole, quàm sit operosum, & arduum, agnoverunt illi ipsi Philosophi, qui cæteroquinus dignè de DEO cogitabant.

(a) Ipsamet Divinitatis amplitudo, & incomprehensibilis excellentia humanæ mentis aciem fulgore suo perstringit : adeoque tenebras facit impenetrabiles, & venerabilem circum caliginem offundit. Nihilosciscius, in hoc nimirum nati sumus, tantum ut DEUM nostrum cognoscere, & amare, & laudare etiam, pro virili annitamur. Quod ut rite, atque ordine, & ut par erat, facere possemus; lucem, qua regeremur

a 2

(a) Roges me : Quid, aut qualis sit DEUS ? Audire utar Simonide : de quo cum quævisset hoc idem tyrannus Hiero ; deliberandi causa sibi unum diem postulavit. Cum idem ex eo postridie quæreret, biduum petivit. Cum sæpius duplicaret numerum dierum, admiransque Hiero quæreret : cur ita faceret ? Quia quantum, inquit, diutius considero ; tantò mihi res videtur obscurior. Cic. de nat. Deor. L. 2.

mur accendit, & quasi facem quamdam, præ manu nobis dedit, in divinis Libris, benignissimus DEUS. Et verò

a *quid dignius omni
Et cura, & studio, & nostra conamine mentis
Quàm rem infinitam brevibus comprehendere chartis?
Rem, causam rerum, veram Rem.*

Et tamen vidi ego neminem, qui de DEO, & *Attributis*, ut ajunt, singillatim, heroica scripserit. Quod propterea ego fieri desiderabam, quia carmina illa pondere suomet, & quasi ingenita magniloquentia, rebus divinis tractandis accommodatissima mihi esse videbantur:

b *Laudate eum in sano tuba. Benè psallite ei in
(vociferatione.)*

De DEI Filio, & Servatore nostro JESUXPTO scripserunt heroica multi. Præ cæteris autem merito suo, & communi eruditorum suffragio palmam tulerunt Marcus

a *Antilucr. L. 1. v. 3.*

b *Pf. 150. v. 3. Pf. 32. v. 3.*

cus Hieronymus Vida, & Actius Syncerus Sannazarius : quibus nihil est ad veterum Poetarum, nominatim Virgilij majestatem proximius. Scio quæ passim nuperi, & severiores Critici, in ipsis reprehendunt. Neque excuso omnia. Sed tamen laudandos magis, quàm reprehendendos esse existimo Viros præclarissimos, qui primi omnium Latinam elegantiam, Religioni ut famularetur, arcessere, & ea canere aggressi sunt,

*Castalijs quæ nunquam audita sub antris
c Musarumve choris celebrata, aut cognita Phæbo.
d Nulla erat ante via: prærupta, atque aspera saxa,
Et densi latè obducebant omnia vepres.*

Neque verò tam sumego temerarius, & excors, qui crediderim posse de penu meo exhibere meliora, & par Poetarum, quos post literarum instaurationem tulit Italia nobilissimum, ingenij mei (quod profecto sentio quàm sit exiguum) viribus superare. Sed (ut semel omnem consilij mei rationem aperiàm) cùm sublimitatem incom-

a 3 pa-

c Sannaz. Lib. 2. de Partu Virg. v. 301.

d Vida. Hymn. 11 v. 13.

parabilem, & in dicendo vim prorsus divinam Scripturarum tacitus mecum meditarer; existimavi rerum divinarum tractationem successuram felicius, si quis divinis libris, quoad fieri posset, inhærendo; non tam sua, quàm divina carmine loqueretur. Et huic nimirum ego proposito exsequendo totus incubui, & nervis omnibus contendi. Ac de verborum cultu, & elegantia (quam si minus assequutus; certè ubilibet cōsectatus sum) suo quisque iudicio liberè utatur, nihil enim impedio. Quod autem ad sententiarum dignitatem spectat, cùm ferè omnia e divino Scripturarum penu deprompserim; videor mihi habere cur diffidam minus.

Et nunquid Poetæ necessaria fictio? Audi, quid sentiat Palingenius (apud Saint Aubin tractatu de opinione L. I. c. 5.) agens de his, qui

*Solas tribuunt fabellas Vatribus, ac si
Vera loqui sædumque foret, vetitumque Poetis.
Horum ego iudicium falsum, ac damnabile duco.
Nilque mihi melius, nil dulcius esse videtur
Quam verum amplecti: vetulis, puerisque relinquo*
Has

*Has nugas ... Pudet ab! pudet esse Poetam,
Si nugis opus est puerilibus inservire,
Et jucunda sequi, spreto mendacia recto.*

Qui contrà sentiunt, illud præcipuè oggerunt: Poetis nomen factum a Græco verbo ποιῆω, quod facere & effingere significat. Quibus bene respondetur: Poetas quidè a fingendo dictos, non jam, quod tanquam jurati veritatis hostes essent, debeant semper commenta inania, & meras fabulas crepare; sed propterea quod tam ad vivum naturam imitentur, ut res non tam dici, quàm coram fieri, & cerni oculis videantur.

*e Non tantum ut dici videantur; sed fieri res,
Unde ipsis nomen Graij fecere Poetis.*

Nihilominus ut communi opinioni morem gererem, fictionem induco simplicissimam, affinemque ijs, quas identidem Ovidius in Metamorphosi: Poësim acerbius flentem, captivam se, & servitio profano addictam: cui videlicet consolandæ, & quasi

a 4 in

e Vida. Lib. 2. Poet.

in dignitatem pristinam restituendæ; carmina omnia destinata sint.

Neque ego video ecquod aliud fictionis genus ordiri possit quis; quin Sanctissimæ nostræ Religionis mysteria deterat. Exemplo, & documento mihi sunt iidemmet Poetæ duo præstantissimi, de quibus superius. Quorum alter Mythologiæ ridicularijs plus justo delectatus; sacra profanis fœdè miscuit: alter Sanctos Josephum & Joannem totis libris tertio, & quarto Christiados, introducit narrantes Pilatæ mysteria altissima Conceptionis, Nativitatis, ac Vitæ JESUCHRISTI, ut mortem illi deprecarentur. Quod nescio, an ulli justo rerum æstimatori placere queat.

Quocirca fictionem optavi ego, quæ in hæc, aut his affinia non impingeret: in id præcipua quadam, & eminentiore cura intentus, ut veritatem divinam ne læderem; sed ut pro mea tenuitate adornarem: utque solatium aliquod, ut ita dicam, Religioni procurarem, nunquam fortasse magis, quam ætate hac nostra libris execrabilibus audacissimè impetitæ.

Quanta potui adhibita diligentia, Latini-

nitatis Patres, Auctores ætatis, ut Eruditi loquuntur, aureæ, & argenteæ sequutus sum, quos triginta jam annos in delicijs habeo. Sicui vox aliqua, aut vis, & significatio, quam voci attribuo, aut constructio, & orationis ductus aliquis scrupulum moverit; id primum peto, ut ne temerè, & sine discussione sententiam ferat, deinde ut erroris certò deprehensi me admoneat. Siquidem ego & amicè admonenti gratiam habeo, & errorem agnoscam, & emendabo libentissimè. Postremò, ut ante etiam, quàm te, Lector humanissime, lectioni accingas; ad typorum mendas, quæ postrema pagina emendantur, animadvertas. Et hæc habui quæ præloqui operæpretium, & necessarium existimaverim.

ER-

E R C I L I I ACADEMICI ROBORETANI J U D I C I U M .



Scui suum iudicium sincerè exponere,
 ac libere unquam licuit, mibi nunc
 certè licet. Cùm enim rogatus sum,
 ut Cl. Labbei opus legerem, & quid
 in eo placeret, quid displiceret, candidè aperi-
 rem; nihil dum Autoris videram, nihil de illo
 audiveram; sic ut ignotus mibi plane esset. Ut
 igitur librum in manus sumpsi, majestatem quidem
 argumenti, & dignitatem non potui non admi-
 rari. At verebar, ut hoc nostro in seculo, etsi
 erudito, esset Poeta ullus, qui tanto, & tam
 divino argumento par esse posset. Itaque cœpi at-
 tente opus evolvere, & prima carmina sic legi,
 ut nonnihil diffiderem de felici ignoti mibi Au-
 toris successu. At nescio quomodo fiebat, ut quo
 magis, & attentius legerem, ita carminis suavi-
 tas, vis, gratia me magis, ac magis alliceret;
 donec paullatim in admirationem divini, poema-
 tis (nihil affingo veritati) totum raperet. Quid
 plu-

plura? Tam avidè totum poema percurri, ut librum è manibus non deposuerim, donec ad finem illius devenirem. Tum verò, quin gaudium meum possem diutius continere; illud cum amicis communicare, Poetam in cælum ferre, opus absolutissimum, & hac præsertim tempestate valde necessarium prædicare. Tentaverant quidè antea nonnulli, ijdemque Clarissimi Poetæ ejusdem argumenti partem, & si navi aliquot illis condonentur, jure optimo probandi. At qui totum tam prudenter animo conceperit, tam eleganter explicaverit, tam modesto, eoque qui rem tantam decebat cultu ornaverit, ego quidè vidi neminem. Nihil hic Poeta alienum, nihil profanum, nihil ineptum permiscet; & ut qui Musas colat severiores, omnia sacra, ac pene divina, & ex ipso Scripturarum divino penu, sive è Theologia Sacrarario depromit. Verbo: Si ipsa Pietas suo ore loqui vellet, vix alijs verbis, ac sententijs uteretur. Nec puto, rem me lectoribus ingratam facturum, si ipsam Pietatem, qualis mihi inter legendum identidem ante oculos obversari videbatur, loquentem induxero. An satis eleganter, nescio; at planè ex vero me illam inducere, totum poema, ut mihi videtur, vere elegans, pium, divinum testimonio erit. Versiculi
an-

autem, quibus Pietatem loquentem inducere placuit, sunt hi

Labbei Pietas legens libellos
 Pios, & faciles, & elegantes,
 Sed & grandiloquos, & eruditos,
 Piarum mera mella Gratiarum;
 Suas delicias, suos amores
 Admirans; ter ut ore basiauit,
 Dixit: vos eritis mei calores,
 Suaves, melliflui, pij calores,
 Quos divinus Amor suos vocarit;
 Illorum similes, quasi & gemelli,
 Queis ussit nova corda Apostolorum
 Tum cum rusticulosque, simplicesque
 Lex amoris haberet ut magistros,
 Disertos facere, & pios volebat.
 Digni, quos recinant Chori beati
 Illi, vertice; qui in sacro Sionis
 Cantantes cytharis, sequuntur Agnum.
 Et mox alma suo in sinu recondens,
 Vos pro lacteolis mihi papillis
 Este, o nectarei, novi libelli,
 Seu quid dulcius est, suaviusque.
 Felices satis, oh! satis beati,
 Qui vos mente pia, & pijs oculis
 Le-

Legent, & relegent, piosque sensus
 Milleno capient litos sapore;
 Qualem de pluvio ante Solis ortum
 Cœli rore legebat illa quondam
 Gens electa, Deo parum fidelis.
 Hæc, & talia mille dixit alma,
 Labbei Pietas legens libellos
 Pios, & faciles, & elegantes,
 Sed & grandiloquos, & eruditos,
 Piarum mera mella Gratiarum.



A R-

A R G U M E N T A

CARMINUM SINGULORUM

D E D E O.



Arg. Primi.



*P*oesis Origo, finis, luctus. a v. 1. ad 27.
 Propositio. a 28. ad 30.
 Invocatio. a 31. ad 43.
 Deum esse manifestum fit ex ipsa rerum
 creaturarum structura, harmonia, ordine,
 & ex unanimi gentium omnium consensu. a 44. ad 61.
 Polytheismi, præsertim Romani irrisio. a 62. ad 90.
 DEUS est unus. Imo si unus non est : nullus est. a
 91. ad 115.
 DEUS est Qui est, Ab semet, nullius indigens, o-
 mnifariam perfectissimus. a 116. ad 131.
 DEUS est Trinus. a 132. ad fin.

Arg. Secundi.

Seraphim ter Sanctum cantu prædicant Deum : &
 unam hanc iterant, & ingeminant; laudes alias præ-
 tereunt. a v. 1. ad 16.
 DEUS in se Sanctus omnimodè. a 17. ad 30.
 Lex DEI sancta, ubi de conscientia terroribus. a
 31. ad 44.

Do.

Domus DEI sancta, neque fas illam ingredi ei, qui aliquomodo est inquinatus. a 45. ad 52.

DEUS nos ab origine inquinatos mundat, & sanctos efficit, & infirmis, & imbecillibus dat vires. a 53. ad 80.

Sanctos coronat Gloria. a 80. ad fin.

Arg. Tertij.

Rerum omnium, quæ sub Luna sunt, Solisque etiam inconstantia, & vicissitudo. a v. 1. ad 18.

Solus DEUS est Immutabilis, & Aternus. a 19. ad 40.

Homines, & humana, caduca omnia. a 41. ad 68.

DEUS etiam Mente immutabilis, a 69. ad fin.

Arg. Quarti.

Amare absentem miserabile, & tristissimum est. a v. 1. ad 14.

Amare DEUM, qui abesse non potest, dulcissimum. a 15. ad 34.

Nihil est, quod nos possit separare a Deo. Non Arma. Non Damones conjurati. Non Calum irarum plenum, & fulminans. Non Terra concussa imo. Non denique Mors ipsa. Nunquam nos deserit DEUS, neque in Vita, neque in Morte. a 35. ad fin.

Arg.

Arg. Quinti.

Amare vehementer hominem tormentum est. a v. 1.
ad 18.

Nusquam requies Cordi nostro, nisi in Deo. a 19.
ad 24.

*DEUS unus amat nos. Quod sumus, quod vivimus
quod spiramus, ab Deo est.* a 25. ad 34.

*Beneficia in nos Dei magis obvia, in Aere, Sole,
Mari.* a 35. ad 49.

*Dominatio in creata omnia ab DEO Homini attri-
buita.* a 50. ad 101.

*Terra medio aere pendula, & bono nostro divitijs
innumeris ditata.* a 102. ad 132.

*Beneficia potiora: Humani generis reparatio per
CHRISTI mortem. Eucharistia.* a 133. ad fin.

Arg. Sexti.

Die

1. *Creatio Abyssi, & Lucis, & Angelorum.* a v.
1. ad 11.

2. *Creat. Calorum.* a 12. ad 15.

3. *Aquarum congregatio. Terræ undis prominentis
subitanea ubertas.* a 16. ad 32.

4. *Solis, ac Lune & stellarum creatio.* a 33. ad 54.

5. *Creatio Avium, & Piscium ex aqua; catero-
rum Animantium è terra.* a 55. ad 75.

6. *Creatio Hominis, & ipsius in creata omnia in
statu innocentiae imperium.* a 76. ad fin.

Arg.

Arg. Septimi.

Omnia in Sapiencia fecit DEUS. a v. 1. ad 8.

Philosophia, & sapientia humana imbecillitas, & audacia. Terra modò stans; modò errans; modo rotunda; modò instar ovi; modò instar capæ, mutans habitus, quasi luderet bacchanalia. a v. 8. ad 56.

Nihil scimus, ne quidem stellarum vera nomina, & ne quidem ea, quæ pedibus conculcamus. Descriptio Culicis communioris, & Cicindela Mexicana. a 57. ad fin.

Arg. Octavi.

DEUS omnium est & Pater, & Dominus. Omnia curat; nihil negligit. a v. 1. ad 21.

Homines autem præcipua quadam, & magis paternæ providentiæ complectitur. a 22. ad 44.

Futura, præterita, præsentia omnia prospicit, & pro nutu temperat, & disponit. Et Vindex Piorum est, & eversor impiorum. a 45. ad 73.

Sinit interdum Pios affligi; prosperari impios. Cur hoc? a 74. ad fin.

Arg. Noni.

Angelos, tanto nobis excellentiores; mira dignatione, Custodes, & Pedagagos nostros constituit DEUS: a v. 1. ad 8.

Quàm sit nobis salutaris, & benefica custodia, &
b
tutela

tutela hac, & quantis nos periculis ignaros eximat.
a 9. ad 47.

Officia Tobia juniore exhibita ab Raphael Archangelo. a 48. ad 70.

Officia Angeli Custodis, hora mortis postrema, & decretoria. a 71. ad fin.

Arg. Decimi.

Flagitiorum, quibus DEUM homines ad iracundiam provocamus, compendiarie recensio. a v. 1. ad 47.

Indignatio. a 48. ad 50.

Infinita DEI Patientia. Cunctatio ad puniendum. Facilitas ad ignoscendum. a 51. ad 75.

Et tamen, ex quo DEUS Homo factus est, tardior est ad puniendum, facilius ad ignoscendum. a 76. ad fin.

Arg. Undecimi.

DEUS est verax, & Justus. Neque fas illi palpum obtrudere; neque respicit personas, sed merita: & pro meritis premia, aut supplicia dispensat. a v. 1. ad 25.

Quò tardior est ad puniendum, eò est terribilior. a 26. ad 38.

Carceris inferni supplicio damnatorum destinati descriptio. Pœnæ, quæ ibi exercentur. a 39. ad 71.

Pœna, quam Theologi damni vocant acerbior omnibus. a 72. ad 86.

Gloria, & premia parata Pijs. ab 86. ad fin.

Arg.

Arg. Duodecimi.

Exsibilaremus eum, qui non jam formosum hominem, sed illius umbram deperiret; & reptando sequeretur. Nos autem plerumque idem facimus. Dominum obliviscimur, umbras sectamur. Femina ruina generis humani. a v. 1. ad 37.

Pulchritudo corporis ab Anima est. Quanta sit Anima pulchritudo. Et tamen, quasi stilla quædam est divina pulchritudinis. a 37. ad 64.

Hæc tanta est, ut beatos faciat eos, qui intuentur eam, & vel sola spe aliquando videndi rapiat. a 65. ad fin.

Arg. Decimi tertij.

Plendo nascimur, plendo morimur omnes. Mortalium nemo est felix. Divitiæ, honores, imperia perstringunt oculos vulgi, admirationemque, & invidiam populis excitant; at verò quietem animi, & veram felicitatem non afferunt. a v. 1. ad 39.

Obruimur malis, quasi fluctibus. Neque possumus quin angamur, & contristemur. a 40. ad 59.

Refugium in solo DEO est. Potest ille ventis & fluctibus tranquillitatem verbo facere: & per medias undas iter tutum, & siccum præbere: & de ventre Cete incolumem repræsentare. Potest Leonibus nativam ferocitatem adimere. Potest in fornacem ardentem coniectum refrigerare, & oblectare. a 60. ad 93.

Potest vires addere, quibus, & flammæ, & mortem contemnamus. a 94. ad fin.

b 2

Arg.

Arg. Decimi quarti.

Urbs, quam Dominus non tuebitur, corruct; quam tuebitur perennabit tuta. a v. 1. ad 10.

Exercitus Affyriorum deletus sub Ezechia. ab 11. ad 41.

Jael. Judith. David puer inermis triumphans de Philisthæo. a 43. ad 61.

Neque rarum, sed usu frequentissimum est fortiores vinci ab infirmioribus. a 62. ad 92.

Præclarissima victoria Joannis Austriaci de Turcis ad Naupactum. a 93. ad fin.

Arg. Decimi quinti.

Latebra humani cordis impenetrabiles hominibus, imò & Angelis. a v. 1. ad 24.

Uni DEO manifesta sunt arcana cordium, etiam ea, quæ celeritate, & ambiguitate sua nosmet ipsos præpediunt, & fugiunt. a 25. ad 45.

Solus DEUS legem indixit cordibus, quia solus ea intuetur. a 46. ad 67.

In die temporum postrema, secreta cordium denudanda omnia, & orbi universo palam facienda sunt. a 68. ad fin.

Arg. Decimi sexti.

Quia portentis, quæ cælum & terra quotidie ante oculos nostros ponunt, continuatione assuevimus, & nihil

bit movemur; miraculis interdum; quasi tonitru quodam, socordiam nostram excitat DEUS, & vocat ad sui cognitionem, & admirationem. a v. 1. ad 17.

Virga Mosis portentorum feracissima conversa in colubrum. a 18. ad 31.

Plaga Ægypti 1. Nilus versus in sanguinem. 2. Ranæ. 3. Sciniphes. 4. Musca. 5. Pestis pecorum. a 32. ad 74.

Plaga 6. Ulcera. 7. Tonitrua, grando, fulgura. 8. Locusta. 9. Tenebræ densissima. 10. Clades Primogenitorum. a 75. ad 136.

Pharao cum immenso exercitu Israelitas persequens submersus. a 137. ad fin.



I N D E X

C A R M I N U M

I. Unus est Deus.	pag. 4
II. Sanctitas.	11
III. Æternitas.	17
IV. Præsentia.	22
V. Beneficentia.	27
VI. Omnipotentia.	36
VII. Sapientia.	42
VIII. Providentia.	48
IX. Custos.	55
X. Patientia.	61
XI. Justitia.	67
XII. Pulchritudo.	75
XIII. Refugium.	80
XIV. Dominus Exercituum.	87
XV. Scrutans Cor.	94
XVI. Qui facit mirabilia solus.	101
XVII.	

XVII. Deus Homo.	123
XVIII. Princeps Pacis.	130
XIX. Super omne nomen.	138
XX. Rex Gentium.	144
XXI. Signum cui contradicetur.	150
XXII. Subditus illis.	158
XXIII. Lux Mundi.	163
XXIV. Rex Mansuetus.	173
XXV. Bonus Pastor.	181
XXVI. Triumphus.	187
XXVII. Deus Absconditus.	194
XXVIII. Mœror.	200
XXIX. Opprobrium hominum.	206
XXX. Excessus.	220
XXXI. Sopor Excussus.	226
XXXII. Rex Gloriæ.	232
XXXIII. Virtus ex alto.	239

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. *Filippo Rosa Lanzi* Inquisitor General del Santo Officio di Venezia nel Libro intitolato; *Jacobi Josephi Labbe Selenopolitani De Deo Heroica etc. MS.* non v'esser cosa alcuna contro la Santa Fede Cattolica, e parimente per attestato del Segretario Nostro, niente contro Principi, e buoni costumi, concediamo Licenza a *Francesco Pitteri* Stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia, e di Padova.

Dat. li 25. Luglio 1773.

(*Andrea Querini* Rif.(*Alvise Vallarezzo* Rif.(*Francesco Morosini* 2. Kav. Proc. Rif.

Registrato in Libro a Carte 130. al Num. 1088.

Davidde Marchesini Segr.

Adi 2. Agosto 1773. Registr. al Magistr. contro
la Bestemmia in Libro a carte 53.

Andrea Grattarol Segr.

CAR-

C A R M E N

DEO NOSTRO.



Ero, unique Deo laudando nata Poësis
Lamentabatur, sese ad vilissima quæque
Captivam, invitamque trahi, dicique
(parentem

Esse sibi, illacrymans indignabatur Homerum.

Divina sese jurabat origine natam

Ante, suas mendax pareret quàm Græcia Musas,

Anteque quàm Græcus foret ulli auditus Apollo.

De cælo ad Mosem delapsam se esse ferebat

^a Tum, cùm magnificum Maris ille in littore carmen

Prorupit, cecinitque Deo, quo vindice, jamjam ¹⁰

Terga premens Pharaon, fluctuque, iraque frementes

Et currus, & equi, tantusque exercitus, instar

^b Plumbi, abiere deorsum, & subsedere profundo.

^c So-

^a Moyse Homero prior est annis 567.

Tunc cecinit Moyse & filii Israël carmen hoc Domino.

Ex. 15. v. 1. Et hæc omnino est quæ prima in Scripturis de *Carminibus* mentio fit. Ideoque primam Poësis Originem ad Mosem refero.

^b *Submersi sunt quasi plumbum in aquis vehementibus.*

Ibid. v. 10.

A

- c Soli nempe Deo natam se incendere odores,
Thuraque, & humanas in cælum tollere mentes. 15
Captivam prorsus, contrectatamque profanis
d Jam manibus, temerare ausis cælestia dona,
Traductam sese insana ad deliria amantum,
Ad confata meris mendacia anilia nugis,
Ad portentosa, & vanissima somnia. Falsis 20
Ex illo se numinibus, fœdisque subinde
Sordibus incassum obnixam servire coactam.
Hæc memorans; flebat sine fine : & fusa pudore
Vultum avertebat retro, manibusque tegebat
Conspectum fugiens hominum, averfataque lucem 25
Invisam dudum sibi jam, mortemque præoptans:
Usque & acerbabat flendo, urgebatque dolorem.
Siqua ego lugenti possem solatia ferre;
Vellem mendaces ad vera reducere Musas,
Rursus & imbuere alma Religione Poesim. 30
Tu mihi ades, tu conanti Deus, infere sanctum
Carmen, tu dignos possim fac rumpere cantus.
Tu modò quæ sanctis arcana oracula libris
Obsignasti; aperi, septenaque solve sigilla.
De te dicturus, divinos hos mihi fontes 35

Opta-

- c *Ut cantem gloriam tuam, tota die magnitudinem tuam.*
Ps. 70. v. 8.
d *Dei nostri gratiam transferentes in luxuriam.* Judæ. v. 4.

- Optarim. Nam tu solus te digna loquutus.
 Nec niti huc omnes potuere Aganippidos undæ,
 Quas & Romani, Græcique/bibere Poetæ.
 Incute Carminibus vim tu his: Veluti imber in herbam,
 e Ut rosin gramen, descendant Carmina in aures, 40
 Quæ te ubivis, nomenque tuum, laudesque sonabunt,
 Unigenæque tui, quem tu mortalibus ægris
 Misisti natum de Virgine JESUM CHRISTUM.
- e Fluat ut ros eloquium meum: quasi imber super herbam,
 & quasi stillæ super gramina: quia nomen Domini invo-
 cabo. Deut. 32, v. 2.



UNUS EST DEUS.

Ad Rom. 3. v. 3.

**Pater, Verbum, & Spiritus Sanctus
Et hi tres unum sunt.**

1. Joan. 5. v. 8.

CARMEN I.



Artificem magnum esse aliquem, qui sy-
(dera, cælum,
Qui Mare, qui terras, totumque voca-
(verit orbem 45

E nihilo, tantaque aptaverit, ac regat arte,
f Sponte sua res nos ipsæ informantque, docentque,
Vel detrectanti & fugienti occurrit ubique,
Et se sistit ubique Deus. Jumenta docebunt
g Hoc te, si nescis, narrabunt hoc tibi muti, 50
Et stolidi pisces. Nulla unquam hoc ausa negare
Gens, vel inaccessa septem subjecta trioni;
Quam-

f A magnitudine enim speciei & creaturæ poterit cognosci-
biliter creator horum videri. Sap. 13. v. 5. Ita ut sint
inexcusabiles. Ad Rom. 3. v. 20.
g Interroga jumenta, & docebunt te ... & narrabunt pi-
sces maris. Job. 12. v. 7. & 8.

Quamlibet averſo Sole illac, ſegnius atræ
 Incumbunt ſuper, & regnant lugubrius umbræ.
 Vel quægens ignota diu, malè credita quondam 55
 b Torrerî; nullos æſtus nec frigora ſentit;
 Vereque perpetuo, multo & ſpectabilis auro
 Eſt: & erat quondam medio ſub Sole tenebris
 Obruta; nunc totis & luce, & Sole fruuntur.
 Non homo, ſed ſtipes, ſed dura, & inhospita rupes, 60
 Qui nullum ſentit, nullum qui Numen adorat.

Peccarunt homines contrà, nec mitius. Unum
 & Diviſere Deum in plures, deliria quæque,
 Fabellasque anuum pro relligione ſequuti.
 Non tot, cùm fluctus tollit Mare ſubrigit algas: 65
 Nec tot in immenſo exiguæ ſunt littore arenæ:
 Nec totidem viles herbæ naſcuntur in agris,
 Quot ſibi ſtulti homines fecerunt numina, quotque
 Ridiculoſos invexere deoſque, deaſque,
 Queis deridendis nulli ſatis eſſe cächinni. 70
 Ipſe Pater divum, qui fulmina librat ab aure,
 Infames paſſim rixas, & jurgia miſcet.
 Ut miſcere ſolent multa vi cornua tauri;

A 3

Quis

h Mexicanos indicat.

i Omnes homines vident eum. Job. 36. v. 23.

k Mutaverunt gloriam incorruptibilis Dei in ſimilitudinem
 imaginis corruptibilis hominis & volucrum, & quadru-
 pedum, & ſerpentum. Ad Rom. 1. v. 23.

- Quis nemori imperitet, quem bucula pulchra sequatur.
 Taurus & interdum, interdum fit Jupiter imber 75
 Aureus : incassumque eadem conjuxque, sororque
 Anxia circumfert sese, perque omnia versat.
 Ingeniosa Viro (fas hoc dixisse) libido est,
 Nataque adulterio Jovis est bona turba deorum.
 Tu quoque mutaris torvo, Neptune, juvenco, 80
 Virginis Æoliæ malefano captus amore.
 Et te Phœbe palam citharamque, deumque professum
 Casta magis fugiens horret Peneia Daphne.
 Quid Venus, & genitus Maja, & redimite corymbis
 Bacche tu? At huic cœno piget ultra hære, pudetque.
 Hæccine propudia, exsecrandaque monstra colebat 85
 Roma? Ah probrosa humanæ deliria mentis!
 Et quorum pupos bimos, pupasque puderet.
 Usque adeo nisi sancta Deus sua lumina porgat;
 m Nos homines super his miserè insanimus, & ipsum
 Naturæ ingentum tardamur cernere lumen. 90
 Nonne dij plures altercarentur utrinque
 (Quandoquidem non mens una est, non una voluntas)
 Utro posset uter plus? Qui non omnia possit;
 Non
 l Quomodo ergo æstimandum est, aut dicendum est illos
 esse deos? Bar. 6. v. 39.
 m Nam & si quis consummatus fuerit inter filios hominum,
 si ab illo abfuerit sapientia tua, in nihilum computabi-
 tur, Sap. 9. v. 6.

- Non erit ille Deus. Fac omnia possit uterque :
 Este pares omnes. Pejus tum viribus æquis 95
 Concurrent, luctabuntur, poteruntque vicissim
 Alternas rapere, & raptas avertere prædas.
 Consiectu hinc, atque hinc tanto malè diditus orbis
 Debuerat vastam dudum traxisse ruinam.
 Ceu Troja in cineres abiit fundo eruta, tum cum 100
Mulciber in Trojam, pro Troja stabat Apollo.
 Mimica sunt isthæc. Et qui fecere gregales
 Ridiculos fecere deos. Unus sit oportet
 Rex, Auctor rerum, quo præside cuncta gerantur :
 Omnia cui subsint cælo, terraque, marique : 105
 Quique regat solus quæ fecerit omnia solus.
 Si plures; nullus Deus est. Similemve, paremve
 Haud patitur. Nullum est, duo si sint numina, numen,
 Nescia quò rueret, cùm plures extulit; omnes
 Cæca superstitio temeraria subruit aras. 110
 Non secus ac nauta interdum malè providus urget
 Ad scopulum proram, quem tota mente cavebat
 Sollicitus. Gemit abruptis compagibus alvus

A 4

Un-

- n *Dominus Deus noster Dominus unus est. Deut. 6. v. 4.*
In manu tua virtus, & potentia: in manu tua magni-
tudo, & imperium omnium. 1. Par. 29. v. 12.
 o *Non est similis tui Deus in cælo desuper, & super ter-*
ram deorsum. 3. Reg. 8. v. 23.

Undique, & errori insultans ruit undique pontus
Fervidus, absorbetque una navemque, virosque. 115

Mens mera, sublimis, supremaque, *Spiritus* inquam
p Est Deus: haud ullo, veluti nos, corpore cretus,
Quod queat aut manibus contingi, oculisve videri
Humanis: neque fas illum comprehendere mente.

Non plus,quàm parva mare circumscribere concha 120
Immensum, aut stellas digito deducere cælo.

q Magnificum hoc illi nomen *Qui est*. Scilicet ille
Ab sese est, & erat jam tum quando omnia quotquot
Sant, nihili tenebroso, intricatoque profundo

Obruta erant, unusque est, qui non cœperit unquam 125

Esse, & qui fuerit retro, æternumque sine ullo

r Principio, semperque erit idemmet sine fine.

Unus sufficiens sibi prorsus, seque beatus;

Mirè autem Bonus erga nos, ultroque benignus.

Nil aut optare, aut poteris confingere majus, 130

Nil simile: estque adeo, quoniam ille est Optimus, Unus.

f Sed

p *Spiritus est Deus*. Joa. 4. v. 24. *Quem nemo hominum
vidit, sed nec videre potest*. 1. ad Timot. 6. v. 16. *In-
comprehensibilis cogitatu*. Jer. 32. v. 19.

q *Sic dices filiis Israel: Qui est misit me ad vos*. Ex. 3.
v. 14.

r *Neque initium dierum, neque finem vitæ habens*. Ad
Hebr. 7. v. 3. *Habitans æternitatem*. Isa. 57. v. 15.

- f* Sed non propterea est Deus infœcandus, & orbis.
 Non ita. Quippe Pater Deus est, & compare gaudet
 Progenie: estque iterum compar Genitoque, Patrique
 Quod sanctum spirant Flamen Genitusq;, Paterq. 135
 Arcanum o! Myſterium inenarrabile linguis!
 Cum non ſint plures, ſit cum Deus unus, & idem;
 Eſt Pater, eſt Genitus, Sanctus quoque Spiritus ipſe eſt.
 Suntque hi tres unum, & numero Deus impare gaudet.
 Omnino Ingenitus Pater eſt, & originis expers. 140
- g* Filius æternum genitus, genitusque hodie dum
 A Patre eſt, alta dum ſemet mente tuetur:
 Proptereaque Patris Verbum eſt, & vivida imago:
 Proſumque eſt Patri æqualis, Patrique cœvus,
 Deque Deo. verus Deus, ac de Lumine Lumen: 145
- h* Eſt uterque æquè Omnipotens, Æternus uterque.
 Omnipotens Æternus item eſt qui Spiritus almus
- i* A Patre, & Verbo procedit tanquam ab eodem
 Principio ſine principio. Non filius ille,
 Nec genitus; Deus eſt tamen, & ſpirabile Numen, 150

Et

- f* Si ego, qui generationem cæteris tribuo ſterilis ero, ait.
 Dominus Deus tuus? Iſa. 66. v. 9.
- g* Egreſſus ejus ab initio a diebus æternitatis. Mich. 5. v.
 2. Ego hodie genui te.
- h* Omnia quæcumque habet Pater mea ſunt. Joa. 16. v. 15.
- i* Spiritum veritatis, qui a Patre procedit. Joa. 15.

Et Patris, & Gnati dia Aura, reciprocus ardor.
 Nec tres Dij, tresve æterni, rerumque potentes
 Sunt, aut tres Domini. Quin contrà, est ut Deus unus;
 Una est Majestas, eademque potentia & unus,
 Quotquot sunt rerum, celsi & Moderator Olympi. 155
 Sed quid ego hæc balbutire impurissimus ore?
 Aligeri Juvenes, celeres sine corpore mentes,
 Qui te, Trine Deus, tremebundi, & cernui adorant;
 Cantu concelebrant ter sanctum, plura nec audent.



San-

Sanctus Sanctus Sanctus Dominus Deus.

Isa. 6. v. 3.

Apoc. 4. v. 8.

C A R M E N II.



Udiit Esaias sacrum hunc pæana canentes
Cælestes illos Genios, quibus undique
(sensæ

, Surgebant alæ: velabant ora duabus
Velabantque pedes binis, binisque volabant.

- Audiit ingeminatum ipsum hunc pæana Joannes, 5
Alternans cælo exilium, Pathmoque beatus.

Et quamvis alias sibi tum sumpserunt figuras
Aligeri, speciemque aliam, vultusque ferebant
Hic Hominis, Bovis, atque Aquilæ illi, atq; ille Leonis;
Carmen idem, sanctumque melos simul ore sonabant. 10

z Hoc indefessi ingeminant noctesque, diesque,
Et nunquam cantu cessant nec voce quiescunt.

Cum

y Seraphim stabant super illud; sex alæ uni, & sex alæ
alteri: duabus velabant faciem ejus, & duabus velabant
pedes ejus, & duabus volabant, Isa. 6. v. 2.

z Et requiem non habebant die, ac nocte dicentia Sanctus,
Sanctus, Sanctus. Apoc. 4. v. 8.

- Cùm sint innumeræ, quas possint dicere laudes,
b Prætereunt alias, placet hanc iterare canendo.
 Scilicet hæc tua Sancte Deus divina voluptas, 15
 Carmen & hoc, hunc & præna libentius audis.
 Sanctus es, & *Sanctus* rursusque, iterumque vocari
 Mavis quam Sapiens, Immensus, quidquid & omne es.
 Quin malles non esse Deus, Sanctusque manere,
c Siquis non sanctus, siquis Deus improbus esset, 20
 Quales mentita est, & quales esse volebat
 Fæda superstitio, stultaque adolebat acerra.
 Ante superfusæ genialia fœdera jungant,
 Cumque intermixtis habitent simul ignibus undæ :
 Ante superfedant odiis, seseque vicissim 25
 Pellere dediscant lucem nox, luxque tenebras;
 Ante suis & cardinibus, suo & axe revulsum
 Præcipitabit in ima ferens se Tartara Cælum;
 Quàm te, Sancte Deus tangant contagia culpæ,
 Quàm tu non fueris, veluties nunc, undique Sanctus. 30
 Sanctus es, & cæli coram te sydera sordent,
d Nec sunt munda satis, prope sunt & sordida vultu.
e Ne-

- b* *Psallite Domino sancti ejus : & confitemini memoriae Sanctitatis ejus.* Pl. 29. v. 5. *Magnificentiam gloriæ Sanctitatis tuæ loquentur.* Pl. 144. v. 5.
c *Quoniam non Deus volens iniquitatem tu es.* Pl. 5. v. 5.
d *Stellæ non sunt munda in conspectu ejus.* Job. 25. v. 5.

- e Nemo ut tu sanctus. Sancti tu regula prima,
 f Et norma es. Tua Lex sancta indelebilis hæret
 Usque infixæ animis nostris, damnatque nocentes 35
 g Vociferans, quatiensque altè, intentansque flagellum.
 Siquid peccamus, siquid committimus; ipsa
 Supplicium sibi mens est pravi conscia facti.
 h Nam te sentimus præsentem, teque veremur,
 Et tua nimirum tua nos præsentia terret; 40
 i Quantumvis latebras sceleriquæramus, & umbras,
 Sitque sine humano teste ullo, & iudice crimen.
 Indeprensa etiam, obscurisque obducta latebris;
 Formidant tamen, & coram te crimina pallent.
 Sæcta quoque est tua magna Domus, nec limina adire 45
 Fas ulli; sancto nisi vitæ sine quierit,
 Elueritque omnes, siquas dum vita manebat
 Admisit sordes. Quod si nondum eluit omnes,
 Si qua inolefcit adhuc, superestve; arcebitur exul
 Ille Domo, regnoque tuo, & cælestibus oris, 50
 & Exi-

- e Nemo sanctus ut est Dominus. 1. Reg. 2. v. 2.
 f Lex Domini immaculata convertens animas. Ps. 18. v. 8.
 g Semper enim præsumit sæva perturbata conscientia. Sap.
 17. v. 10.
 h Terrores tui conturbaverunt me. Ps. 87. v. 17.
 i Non sunt tenebræ, & non est umbra mortis, ut abscon-
 dantur ibi, qui operantur iniquitatem. Job. 34. v. 22.

k Exiguam donec maculam longò igne piarit, 55
 Fœdaque jam culpæ vestigia nulla supersint.

Quam nobis labem primi aspersere Parentes,
 Tu carnē humanā indutus, moribundaque membra

l Sanguine lavisti: nam sic infederat altè,
 Ut nisi divino non posset sanguine tolli. 60

Nunc paucis verbis, modicisque absumitur undis
 Quæ macula Heroas veteres, sanctumque Senatum,

Mille alios, alios ter mille, atque amplius annos
 Post mortem, extorres patria, regnisque beatis

Carcere detinuit mœsto, & nigrantibus umbris. 65
 Quin etiam maculis, quas ultro admisimus ipsi

Abluimur rursus verbo: dant verba salutem,
 Quæ prope divino Iudex tonat ore Sacerdos.

Atqui confcclerari olim semel Angelus ausus;
 m Supplicia exhaustit, neque fas resipiscere: cælo 70

Præceps, in rictus mutatus, & ora draconis,
 Cauda stellarum magnam vim uno impetu secum

Contorquens, nunquam extinguendis ignibus ardet.
 Ast homini infandis temerari sæpius auso

Sor.

k *Quis habitabit in tabernaculo tuo, aut quis requiescet in monte sancto tuo? Qui ingreditur sine macula. Pl. 14. v. 1.*

l *Lavit nos a peccatis nostris in sanguine suo. Apoc. 1. v. 5.*
 m *Angelis peccantibus non pepercit, sed rudentibus inferni detractos in tartarum tradidit cruciandos, 2. Pet. 2. v. 4.*

Sordibus, & stygiis se ultro intinxisse venenis; 75
Sanari satis est voluisse: parata medella est.

Hæc tua, Sancte Deus, sunt munera: tu potes unus

n Quamlibet infectos ab origine reddere mundos,
Sanctosque efficere. Idem tu mortalibus ægris
Auxiliator opem sanctam, viresque ministras: 80
Queis nixi, quamvis gradimur per lubrica plantis
Infirmis; uncti luctari, stareque firmi

Possimus: mediasque acies, mediosque per hostes;

o Ire tamen, vimque inferre, atque irrumpere cælo.

p Millia Sanctorum palmis, variisque coronis 85

Insignita implent quæ plura sedilia cæli

Seditiosa phalanx ad tartara, ad ima, per auras

Exturbata, sua liquere vaciva ruina.

Concolor Auroræ, surgentis luce diei

Candidior cunctos vestit fulgorque, nitorque: 90

q Occisi Agni omnes lavere in sanguine vestes.

Ut varios carne induti peperere triumphos;

Sic-

n *Quis potest facere mundum de impundo conceptum semine? Nonne tu, qui solus es. Job. 14. v. 4.*

o *Violenti rapiunt illud. Matth. 11. v. 12.*

p *Cum eo Sanctorum millia. Deut. 33. v. 2. Amicti stolis albis, & palmæ in manibus eorum, Apoc. 7. v. 9.*

q *Laverunt stolas suas, & dealbaverunt eas in sanguine Agni. Ibid. v. 14.*

Sic palmæ in manibus variant, variantque coronæ.
 Queis depingendis nulli satis esse colores,
 Nulla manus, vox nulla. Silet stupefacta Poesis, 95
 Castaliæ arefcunt rivis languentibus undæ.
 Omnibus in vultu est quæ pectore fusa redundat
 Læticia: exsultant omnes, Agnumque sequuntur.
 Et Sanctum, Sanctum, Sanctum ingeminantque, ca-
 (nuntque.

r *Exaltabunt Sancti in gloria ... Exaltationis Dei in gut-
 ture eorum. Pl. 149. v. 5. & 6.*



ÆTER.

Æ T E R N I T A S.

Apud quem non est transmutatio, nec vicissitudinis obumbratio.

Jac. I. v. 17.

C A R M E N III.



Spice ut inconstās est, & mutatur in horas,
Et nunquam Lunæ est nec vultus, nec
(color idem.

Æmula nunc fratris toto, & pleno ore
refulget

Candida: nunc languet, medioque atrata nigrescit

Orbe: modò obtusis, modò acutis cornibus ardet;

Vix: nunc obruitur, penitusque immergitur umbris:

Illius in cælo vestigia nulla supersunt.

Hæc it. dem cunctas res inconstantia versat

Humanas: sic apparent, surguntque caduntque:

Sic & mutantur quæ subsunt omnia Lunæ.

f Occidit, atque oritur repetito funere & ortu

In-

f Oritur Sol, & occidit, & ad locum suum revertitur, ibique renascens gyrat per Meridiem, & flexitur ad Aquilonem ... & in circulos suos revertitur. Eccle. I. v. 5, & 6.

B

- Inconstans etiam Sol, & sordescit opacis
 Obscœnus maculis. Turpant sua lumina nigræ
 Densatæ circum fumo, ac fuligine crustæ;
 Et mutat, vertitque locum, interdumque Bootæ;
 Obvertit sese; dein contrà obvertitur Austro,
 Retrorsumque trahit gyrum, & consistere nescit.
 Omnia mutantur cælo, terraque, marique.
 Unus mutari, maculasque, vicesque subire
 Duntaxat nescit Deus. Immutabilis idem 20
 Qui nunc est, fuit æternum, æternumque manebit.
 Nondû Tēpus erat, neq; Sol, neque Luna, neq; Astra,
 Quæ metirentur revoluto tempora cursu:
 Necdum cælestes orbes, necdum Mare, Tellus
 Extulerant caput e nihilo: necdumque profundas;
 Umbrabant valles nebulosa cacumina Montes;
 At Deus idem & erat qui nunc est, quantus & est nunc.
 u Tempus erit, cū Sol totus noctescet, & alto
 Præcipitata ruent e cælo sydera: tristi

Squal-

- t Priusquam montes fierent, aut formaretur terra, & or-
 bis; a sæculo, & usque in sæculum tu es Deus. Ps. 89.
 v. 2.
 u Sol convertetur in tenebras, & Luna in sanguinem. Joel.
 2. v. 21. Et stellæ cadent de cælo. Matth. 24. v. 29. Tu
 autem idem ipse es, & anni tui non deficient. Ps. 101.
 v. 28.

- Squallore, & putri tabescet sanguine Luna. 30
 Et turbata suis hæc Machina fundamentis
 Ibit in exiguos cineres, tenuisque favillas;
 At Deus idem & erit, qui nunc est, quantus & est nunc.
 Utunque huc illuc paleæ volvantur inanes,
 Et nebulae circum; tamen est immotus, & hæret 35
 Mole sua, & multum nubes excedit Olympus.
 Non, ut homo, angusto fugitivi temporis orbe
 Arctatur Deus, annisvè; aut ætate senescit.
 x Mille anni nihil illi omnino, suntque perinde
 Tanquam hesternæ dies, quæ jam nunc tota recessit. 40
 Contrà homines sumus instar fumi, instarque vaporis
 y Qui fugit ex oculis, evanescitque repente.
 Tantisper sumus; at mora nulla est; fumus abibit.
 Quanto, qui vivunt, plures vixere, neque ultra
 Jam sunt? Discussus vapor ille est, transiit umbra. 45
 Quot sunt vel Reges, quorum vel nomina novit
 z Nemo, & vix docti an fuerint meminisse laborant?
 Nec jam soli homines; Populiquoq; Regnaque, & Urbes
 Instabiles, ut homo sunt, intereuntque, caduntque.

B 2

Quæ

- x Mille anni ante oculos tuos tamquam dies hesternæ, quæ
 præterit. Pl. 89. v. 4.
 y Defecerunt sicut fumus dies mei. Pl. 101. v. 4.
 z Non est priorum memoria; sed nec eorum quidem quæ
 postea futura sunt: eris recordatio. Eccle. 1. v. 11.

- Quæ fera Carthago Romanis desuper altis 50
 Mœnibus insonuit victrix, Cannisque superba
 Ex Aniène ipso Tibri insultavit, & Urbi;
 Jam nihil est: Mutum, quod passim littus aratur
 Hoc superest, disceptaturque & opinio vix est
 Nunc, ubinam fuerint tandem Carthaginis arces. 55
 Quid Tyrus, & Sidon? Quid quæ miracula Mundi
 Tot sola enixa est Babylon? mera nomina jam sunt.
 a Ah Babylon, Babylon! Ubi nunc miracula, & horti
 Acrij, turres, contermina mœnia cælo?
 Nusquam. Restabant quæ rudera, tesquaque Pardis 60
 Jam non sunt: etiam hæc periire, & nomina sola
 E tantis ægrè & vix emersere ruinis.
 Humanum nihil est firmum. Absumuntur ab annis
 Omnia. Suntque etiam lapides, & saxa caduca.
 Parietibus, muris, Regnisque, atque Urbibus ipsis 65
 Mors instat, brevis est, volucris & pede volvitur ætas.
 Omnia prætereunt, dilabunturque, perinde
 Ac refugio transit fluvio revolubilis unda.
 b Unum immortale est, unum immutabile semper
 Numen, quod longo intervallo tempora cuncta 70
 Antistans, nunquam incepit, neque desinet unquam,
 c Nec
 a Subito cecidit Babylon, & contrita est. Jer. 51. v. 8.
 b Solus habet immortalitatem. 1. ad Tim. 6. v. 16. Ego De-
 winus, & non mutor. Mala. 3. v. 6.

- c Nec variat, neque præteritum, quidquamque futurum
 Illi est. Perpetuò presens semper sibi constat.
 Omnia complectens, simul omnia conspicit uno
 Intuitu, nec transcurrit, neque mente movetur. 75
 Divinæ Mentis nulla aut conceptio transit,
- d Aut amor, aut odium nunc est, quod non erit olim,
 Aut quod non fuerit semper sine fine per ævum.
 Non hoc, deinde aliud, fluxa, ut nos mente revolvit:
 Non animus sese studia in contraria scindit 80
 Mobilis, aut varius nunc huc, nunc volvitur illuc.
 Mens immota manet, manet æquè immota voluntas,
 Et solus Dominus sic Immutabilis ipse est.
 Omnino Deus ille est, qui non cœperit esse,
 Immotaque queat simul amplecti omnia mente. 85
- c *Qui est ante sæculum, & usque in sæculum, neque adje-*
ctum est. Eccli. 42. v. 21.
- d *Cogitationes cordis ejus in generatione, & generationem.*
Pl. 38. v. 11. Cogitationibus tuis non est qui similis sit ti-
bi. Pl. 39. v. 6.



Undique, & errori insultans ruit undique pontus
Fervidus, absorbetque una navemque, viroſque. 115

Mens mera, ſublimis, ſupremaque, *Spiritus* inquam
p Eſt Deus: haud ullo, veluti nos, corpore cretus,
Quod queat aut manibus contingi, oculiſve videri
Humanis: neque fas illum comprehendere mente.

Non plus,quàm parva mare circumſcribere conchar 120
Immenſum, aut ſtellas digito deducere cælo.

q Magnificum hoc illi nomen *Qui eſt*. Scilicet ille
Ab ſeſe eſt, & erat jam tum quando omnia quotquot
Sant, nihili tenebroſo, intricatoque profundo

Obruta erant,unusque eſt,qui non cœperit unquam 125
Eſſe, & qui fuerit retro, æternumque ſine ullo

r Principio, ſemperque erit idemmet ſine fine.

Unus ſufficiens ſibi proſus, ſeque beatus;

Mirè autem Bonus erga nos, ultroque benignus.

Nil aut optare, aut poteris conſingere majus, 130

Nil ſimile: eſtque adeo, quoniam ille eſt Optimus, Unus.

f Sed

p *Spiritus eſt Deus*. Joa. 4. v. 24. *Quem nemo hominum
vidit, ſed nec videre poteſt*. 1. ad Timot. 6. v. 16. *In-
comprehenſibilis cogitatu*. Jer. 32. v. 19.

q *Sic dices filiis Iſrael: Qui eſt miſit me ad vos*. Ex. 3.
v. 14.

r *Neque initium dierum, neque finem vitæ habens*. Ad
Hebr. 7. v. 3. *Habitans æternitatem*. Iſa. 57. v. 15.

- f Sed non propterea est Deus infœcandus, & orbis.
Non ita. Quippe Pater Deus est, & compare gaudet
Progenie: estque iterum compar Genitoque, Patrique
Quod sanctum spirant Flamen Genitusq;, Paterq;. 135
Arcanum o! Myſterium inenarrabile linguis!
Cum non ſint plures, ſit cum Deus unus, & idem;
Eſt Pater, eſt Genitus, Sanctus quoque Spiritus ipſe eſt.
Suntque hi tres unum, & numero Deus impare gaudet.
Omnino Ingenitus Pater eſt, & originis expers. 140
- z Filius æternum genitus, genitusque hodie dum
A Patre eſt, alta dum ſemet mente tuetur:
Proptereaque Patris Verbum eſt, & vivida imago:
Proſumque eſt Patri æqualis, Patrique cœvus,
Deque Deo. verus Deus, ac de Lumine Lumen: 145
- u Eſt ut uterque æquè Omnipotens, Æternus uterque.
Omnipotens Æternus item eſt qui Spiritus almus
- x A Patre, & Verbo procedit tanquam ab eodem
Principio ſine principio. Non filius ille,
Nec genitus; Deus eſt tamen, & ſpirabile Numen, 150

Et

- f Si ego, qui generationem cæteris tribuo ſterilis ero, ait.
Dominus Deus tuus? Iſa. 66. v. 9.
- t Egreſſus ejus ab initio a diebus æternitatis. Mich. 5. v.
2. Ego hodie genui te.
- u Omnia quæcumque habet Pater mea ſunt. Joa. 16. v. 15.
- x Spiritum veritatis, qui a Patre procedit. Joa. 15.

Et Patris, & Gnati dia Aura, reciprocus ardor.
Nec tres Dij, tresve æterni, rerumque potentes
Sunt, aut tres Domini. Quin contrà, est ut Deus unus;
Una est Majestas, eademque potentia & unus,
Quotquot sunt rerum, celsi & Moderator Olympi. 155
Sed quid ego hæc balbutire impurissimus ore?
Aligeri Juvenes, celeres sine corpore mentes,
Qui te, Trine Deus, tremebundi, & cernui adorant;
Cantu concelebrant ter sanctum, plura nec audent.



Sanctus Sanctus Sanctus Dominus Deus.

*Isa. 6. v. 3.**Apoc. 4. v. 8.*

CARMEN II.



Udiit Esaias sacrum hunc pæana canentes
 Cælestes illos Genios, quibus undique
 (senæ

Surgebant alæ: velabant ora duabus
 Velabantque pedes binis, binisque volabant.

Audiit ingeminatum ipsum hunc pæana Joannes, s
 Alternans cælo exilium, Pathmoque beatus.

Et quamvis alias sibi tum sumpsere figuras
 Aligeri, speciemque aliam, vultusque ferebant
 Hic Hominis, Bovis, atque Aquilæ illi, atq; ille Leonis;
 Carmen idem, sanctumque melos simul ore sonabant. 10

Hoc indefessi ingeminant noctesque, diesque,
 Et nunquam cantu cessant nec voce quiescunt.

Cum

y Seraphim stabant super illud; sex alæ uni, & sex alæ
 alteri: duabus velabant faciem ejus, & duabus velabant
 pedes ejus, & duabus volabant, *Isa. 6. v. 2.*

z Et requiem non habebant die, ac nocte dicentia Sanctus,
 Sanctus, Sanctus. *Apoc. 4. v. 8.*

- Cùm sint innumeræ, quas possint dicere laudes,
 b Prætereunt alias, placet hanc iterare canendo.
 Scilicet hæc tua Sancte Deus divina voluptas, 15
 Carmen & hoc, hunc & præana libentius audis.
 Sanctus es, & *Sanctus* rursusque, iterumque vocari
 Mavis quam Sapiens, Immensus, quidquid & omne es.
 Quin malles non esse Deus, Sanctusque manere,
 c Siquis non sanctus, siquis Deus improbus esset, 20
 Quales mentita est, & quales esse volebat
 Fœda superstitio, stultaque adolebat acerra.
 Ante superfusæ genialia fœdera jungant,
 Cumque intermixtis habitent simul ignibus undæ :
 Ante supersedeant odiis, seseque vicissim 25
 Pellere dediscant lucem nox, luxque tenebras;
 Ante suis & cardinibus, suo & axe revulsum
 Præcipitabit in ima ferens se Tartara Cælum;
 Quàm te, Sancte Deus tangant contagia culpæ,
 Quàm tu non fueris, veluties nunc, undique Sanctus. 30
 Sanctus es, & cæli coram te sydera sordent,
 d Nec sunt munda satis, prope sunt & sordida vultu.
 e Ne-

- b *Psallite Domino sancti ejus : & confitemini memoriæ Sanctitatis ejus . Pl. 29. v. 5. Magnificentiam gloriæ Sanctitatis tuæ loquentur . Pl. 144. v. 5.*
 c *Quoniam non Deus volens iniquitatem tu es . Pl. 5. v. 5.*
 d *Stellæ non sunt munda in conspectu ejus . Job. 25. v. 5.*

- e Nemo ut tu sanctus. Sancti tu regula prima,
 f Et norma es. Tua Lex sancta indelebilis hæret
 Usque infixæ animis nostris, damnatque nocentes 35
 g Vociferans, quatiensque altè, intentansque flagellum.
 Siquid peccamus, siquid committimus; ipsa
 Supplicium sibi mens est pravi conscia facti.
 h Nam te sentimus præsentem, teque veremur,
 Et tua nimirum tua nos præsentia terret; 40
 i Quantumvis latebras sceleriquæramus, & umbras,
 Sitque sine humano teste ullo, & iudice crimen.
 Indeprensa etiam, obscurisque obducta latebris;
 Formidant tamen, & coram te crimina pallent.
 Sancta quoque est tua magna Domus, nec limina adire 45
 Fas ulli; sancto nisi vitæ sine quierit,
 Elueritque omnes, siquas dum vita manebat
 Admisit sordes: Quod si nondum eluit omnes,
 Si qua inolescit adhuc, superestve; arcebitur exul
 Ille Domo, regnoque tuo, & cælestibus oris, 50
 k Exi

- e Nemo sanctus ut est Dominus. 1. Reg. 3. v. 2.
 f Lex Domini immaculata convertens animas. Pl. 18. v. 8.
 g Semper enim præsumit sæva perturbata conscientia. Sap.
 17. v. 10.
 h Terrores tui conturbaverunt me. Pl. 87. v. 17.
 i Non sunt tenebræ, & non est umbra mortis, ut abscon-
 dantur ibi, qui operantur iniquitatem. Job. 34. v. 22.

k Exiguam donec maculam longo igne piarit, 55
Fœdæque jam culpæ vestigia nulla supersint.

Quam nobis labem primi aspersere Parentes,
Tu carnē humanā indutus, moribundæque membra

l Sanguine lavisti: nam sic infederat altè,
Ut nisi divino non posset sanguine tolli. 60

Nunc paucis verbis, modicisque absimitur undis
Quæ macula Heroas veteres, sanctumque Senatum,
Mille alios, alios ter mille, atque amplius annos
Post mortem, extorres patria, regnisque beatis
Carcere detinuit mœsto, & nigrantibus umbris. 65

Quin etiam maculis, quas ultro admisimus ipsi
Abluimur rursus verbo: dant verba salutem,
Quæ prope divino Judex tonat ore Sacerdos.

Atqui confcclerari olim semel Angelus ausus;
m Supplicia exhaustit, neque fas resipiscere: cælo 70
Præceps, in rictus mutatus, & ora draconis,
Cauda stellarum magnam vim uno impetu secum
Contorquens, nunquam extinguendis ignibus ardet.
Ast homini infandis temerari sæpius auso

Sor-

k *Quis habitabit in tabernaculo tuo, aut quis requiescet in monte sancto tuo? Qui ingreditur sine macula. Pl. 14. v. 1.*

l *Lavit nos a peccatis nostris in sanguine suo. Apoc. 1. v. 5.*

m *Angelis peccantibus non pepercit, sed rudentibus inferni detractos in tartarum tradidit cruciandos, 2. Pet. 2. v. 4.*

Sordibus, & stygiis se ultro intinxisse venenis; 75
Sanari satis est voluisse: parata medella est.

Hæc tua, Sancte Deus, sunt munera: tu potes unus

n Quamlibet infectos ab origine reddere mundos,

Sanctosque efficere. Idem tu mortalibus ægris

Auxiliator opem sanctam, viresque ministras: 80

Queis nixi, quamvis gradimur per lubrica plantis

Infirmis; uncti luctari, stareque firmi

Possimus: mediasque acies, mediosque per hostes;

o Ire tamen, vimque inferre, atque irrumpere cælo.

p Millia Sanctorum palmis, variisque coronis 85

Insignita implent quæ plura sedilia cæli

Seditiosa phalanx ad tartara, ad ima, per auras

Exturbata, sua liquere vaciva ruina.

Concolor Auroræ, surgentis luce diei

Candidior cunctos vestit fulgorque, nitorque: 90

q Occisi Agni omnes lavere in sanguine vestes.

Ut varios carne induti peperere triumphos;

Sic-

n *Quis potest facere mundum de impundo conceptum semine? Nonne tu, qui solus es. Job. 14. v. 4.*

o *Violenti rapiunt illud. Matth. 11. v. 12.*

p *Cum eo Sanctorum millia. Deut. 33. v. 2. Amicti stolis albis, & palmæ in manibus eorum, Apoc. 7. v. 9.*

q *Laverunt stolas suas, & dealbaverunt eas in sanguine Agni. Ibid. v. 14.*

Sic palmæ in manibus variant , variantque coronæ .
 Queis depingendis nulli satis esse colores ,
 Nulla manus , vox nulla . Silet stupefacta Poësis , 95
 Castaliæ arescunt rivis languentibus undæ .
 Omnibus in vultu est quæ pectore fusa redundat
 † Lætitia : exsultant omnes , Agnumque sequuntur .
 Et Sanctum , Sanctum , Sanctum ingeminantque , ca-
 (nuntque .

† *Exaltabunt Sancti in gloria ... Exaltationis Dei in gut-
 ture eorum . Pl. 149. v. 5. & 6.*



ÆTER.

Æ T E R N I T A S.

Apud quem non est transmutatio, nec vicissitudinis obumbratio.

Jac. i. v. 17.

C A R M E N III.



Spice ut inconstās est, & mutatur in horas,
Et nunquam Lunæ est nec vultus, nec
(color idem.

Æmula nunc fratris toto, & pleno ore
refulget

Candida: nunc languet, medioque atrata nigrescit

Orbe: modò obtusis, modò acutis cornibus ardet ;

Vix: nunc obruitur, penitusque immergitur umbris:

Illius in cælo vestigia nulla supersunt.

Hæc it. dem cunctas res inconstantia versat

Humanas: sic apparent, surguntque caduntque:

Sic & mutantur quæ subsunt omnia Lunæ. 10

f Occidit, atque oritur repetito funere & ortu

In-

f Oritur Sol, & occidit, & ad locum suum revertitur, ibique renascens gyrat per Meridiem, & flexitur ad Aquilonem ... & in circulos suos revertitur. Eccle. i. v. 3, & 6.

B

Inconstans etiam Sol, & sordefcit opacis
 Obscœnus maculis. Turpant sua lumina nigræ
 Densatæ circum fumo, ac fuligine crustæ,
 Et mutat, vertitque locum, interdumque Bootæ;
 Obvertit sese; dein contrà obvertitur Austro,
 Retrorsumque trahit gyrum, & consistere nescit.
 Omnia mutantur cælo, terraque, marique.
 Unus mutari, maculasque, vicesque subire
 Duntaxat nescit Deus. Immutabilis idem 20
 Qui nunc est, fuit æternum, æternumque manebit.
 Nondû Têpus erat, neq; Sol, neque Luna, neq; Astra,
 Quæ metirentur revoluto tempora cursu:
 Necdum cælestes orbes, necdum Mare, Tellus
 Extulerant caput e nihilo: necdumque profundas
 Umbrabant valles nebulosa cacumina Montes;
 At Deus idem & erat qui nunc est, quantus & est nunc.
 Tempus erit, cùm Sol totus noctescet, & alto
 Præcipitata, ruent e cælo sydera: tristi

Squal:

- i Priusquam montes fierent, aut formaretur terra, & or-
 bis; a sæculo, & usque in sæculum tu es Deus. Ps. 89.
 v. 2.
 ii Sol convertetur in tenebras, & Luna in sanguinem. Joël.
 2. v. 21. Et stellæ cadent de cælo. Matth. 24. v. 29. Tu
 autem idem ipse es, & anni tui non deficient. Ps. 101.
 v. 28.

- Squallore, & putri tabescet sanguine Luna. 30
 Et turbata suis hæc Machina fundamentis
 Ibit in exiguos cineres, tenuesque favillas;
 At Deus idem & erit, qui nunc est, quantus & est tunc.
 Utcunque huc illuc paleæ volvantur inanes,
 Et nebulae circum; tamen est immotus, & hæret 35
 Mole sua, & multum nubes excedit Olympus.
 Non, ut homo, angusto fugitivi temporis orbe
 Arctatur Deus, anihile; aut ætate senescit.
 * Mille anni nihil illi omnino, suntque periade
 Tanquam hesternæ dies, quæ jam nunc tota recessit. 40
 Contrà homines fumus instar fumi, instarque vaporis
 , Qui fugit ex oculis, evanescitque repente.
 Tantisper fumus; at mora nulla est; fumus abibit.
 Quanto, qui vivunt, plures vixere, neque ultra
 Jam sunt? Discussus vapor ille est, transiit umbra. 45
 Quot sunt vel Reges, quorum vel nomina novit
 z Nemo, & vix docti an fuerint meminisse laborant?
 Nec jam soli homines; Populiquoq; Regnaque, & Urbes
 Instabiles, ut homo sunt, intereuntque, caduntque.

B 2

Quæ

- * Mille anni ante oculos tuos tamquam dies hesternæ, quæ
 præterit. Pl. 89. v. 4.
 y Defecerunt sicut fumus dies mei. Pl. 101. v. 4.
 z Non est priorum memoria; sed nec eorum quidem quæ
 postea futura sunt erit recordatio. Eccle. 1. v. 11.

- Quæ fera Carthago Romanis desuper altis 30
 Mœnibus intonuit victrix, Cannisque superba
 Ex Aniene ipso Tibri insultavit, & Urbi;
 Jam nihil est. Mutum, quod passim littus aratur
 Hoc superest, disceptaturque & opinio vix est
 Nunc, ubinam fuerint tandem Carthaginis arces. 35
 Quid Tyrus, & Sidon? Quid quæ miracula Mundi
 Tot sola enixa est Babylon? mera nomina jam sunt.
 a Ah Babylon, Babylon! Ubi nunc miracula, & horti
 Aerij, turres, contermina mœnia cælo?
 Nusquam. Restabant quæ rudera, tesquaque Pardis 60
 Jam non sunt: etiam hæc perire, & nomina sola
 E tantis ægrè & vix emergere ruinis.
 Humanum nihilest firmum. Absumuntur ab annis
 Omnia. Suntque etiam lapides, & saxa caduca.
 Parietibus, muris, Regnisque, atque Urbibus ipsis 65
 Mors instat, brevis est, volucris & pede volvitur ætas.
 Omnia prætereunt, dilabunturque, perinde
 Ac refugo transit fluvio revolubilis unda.
 b Unum immortale est, unum immutabile semper
 Numen, quod longo intervallo tempora cuncta 70
 Antistans, nunquam incepit, neque desinet unquam,
 c Nec
 a Subito cecidit Babylon, & contrita est. Jer. 51. v. 8.
 b Solus habet immortalitatem. 1. ad Tim. 6. v. 16. Ego De-
 minus, & non mutor. Mala. 3. v. 6.

- c Nec variat, neque præteritum, quidquamque futurum
 Illi est. Perpetuò presens semper sibi constat.
 Omnia complectens, simul omnia conspicit uno
 Intuitu, nec transcurrit, neque mente movetur. 75
 Divinæ Mentis nulla aut conceptio transit,
- d Aut amor, aut odium nunc est, quod non erit olim,
 Aut quod non fuerit semper sine fine per ævum.
 Non hoc, deinde aliud, fluxa, ut nos mente revolvit:
 Non animus sese studia in contraria scindit 80
 Mobilis, aut varius nunc huc, nunc volvitur illuc.
 Mens immota manet, manet æquè immota voluntas,
 Et solus Dominus sic Immutabilis ipse est.
 Omnino Deus ille est, qui non cœperit esse,
 Immotaque queat simul amplecti omnia mente. 85
- c *Qui est ante sæculum, & usque in sæculum, neque adje-*
ctum est. Eccli. 42. v. 21.
- d *Cogitationes cordis ejus in generatione, & generationem.*
Ps. 32. v. 11. Cogitationibus tuis non est qui similis sit ti-
bi. Ps. 39. v. 6.



P R Æ S E N T I A,

Quis nos separabit?

Ad Rom. 8. v. 3.

C A R M E N IV.



Ubinam es ? Plus dimidio divellimur
(orbe,

Et jacet immensum Mare me , teque
(inter, Alexi,

O ubinam es ? titubata inter suspiria rursus
Ingemino. At nec respondet, neque me audit Alexis,
Et perdo lacrymas frustra, & suspiria perdo. 5
Ergo abiisti, & me potuisti linquere solum
Crudelis ? Sed nec fuit o ! crudelis Alexis,
Nec potuit : nolens ille , atque invitus abivit.
Esto ; abiit sed enim procul ille , avulsus & a me est ;
Et neque in amplexus ruere , & nec jungere dextras : 10
Possum, nec dulces audire & reddere voces.
Ad Solem plerumque amens convertor, & : O tu
Sol felix ! Videas tu nunc fortassis Alexim.

Atque erat infanum mœsti hoc solamen amoris,
Este mihi & tu , o Sol , & Cæli, & Sydera testes : 15
Nunquam ego jam demens, nunquã dein stultus amabo
Mor-

- Mortalem, qui, me invito, a me possit abire.
 O Deus! o ubinam non es tu? Numine complex
 Cuncta tuo. Tu semper ades, tu semper ubiques.
 Omnia cum possis; tamen ipse a me procul esse
 Non potes; atque etiam nolles, etsi hoc quoque posses.
 Nam memini cum delicias mecum esse solebas
 f Ipse vocare tuas. Quanta indulgentia amoris!
 Qui te amat, alme Deus, quando ad te fletve, gemitve;
 Audis. Non lacrymas ille, aut suspiria mittit
 Incassum, surdis quæ sint ludibria ventis.
 Tumet pectoribus te nostris inseris, inque
 Nostro corde sedens, lacrymas in origine prima
 g Inspicis, & pendis, numerasque, sinuque recondis
 Ipse tuo, & recreas, & consolaris amantem.
 Quin gemitus necdum natos, arcanaque sensa,
 Quæ mens concepit necdum sibi conscia, & alto
 Pectore, clam nobis obvolvunturque, silentque;
 B 4 b Tu

- c Numquid non cælum & terram ego impleo dicit Domi-
 nus. Jer. 23. v. 24. Excelsior calo est . . . profundior in-
 ferno. Job. 11. v. 8. Plena est omnis terra gloria ejus.
 Isa. 6. v. 3.
 f. Deliciae meae esse cum filiis hominum. Proverb. 8.
 v. 35.
 g Posuisti lacrymas meas in conspectu tuo. Ps. 55. v. 9.
 Marentes erigit sospitate. Job. 5. v. 11.

- b* Tu sentis prior, & prævertis vota benignus.
 Quis me, o dulcis Amor, Deus alme, avellere possit 35
 A te? Circumstent me enses, avidæque secures
 Sanguinis intentent jugulo, exitiumque minentur
 Quæ nova Mars cudit priscis incognita sæclis
 Cum tonitru horrendum tormenta imitantia fulmen.
i Ridebo. Non ista Deum a me avellere possunt. 40
 Conjurent imis excitæ ab sedibus umbræ
 Tartaræ: intortos pro crinibus exserat angues
 Siqua est Tisiphone, siquis morsu appetit umbras,
 Oreque tergemino sævit canis, omnia, fursum.
 Cocyti erumpant quot sunt crudelia monstra. 45
k *Exsurgat Deus* exclamabo, & nomine tantum
c Te compellando, Deus alme, hæc monstra fugabo.
 Ecce autem & cælum proh quantas aggerat iras!
 Eripuere diem nubes: nox atra repente
 Incubuit: lux præterquam dant fulmina, nulla est.
 Et fremit, atque excussa suo prope cardine tellus 50
 Subsultat, reboansque intus furiosa fatiscit

Un-

- h* *Præparationem cordis eorum audivit auris tua.* Pl. 10.
 sec. Hebr. v. 17.
i *Si consistant adversum me castra, non timebit cor meum.*
 Pl. 26. v. 3.
k *Exsurgat Deus, & dissipentur inimici ejus: & fugiant*
qui oderunt eum a facie ejus. Pl. 67. v. 2.

Undique, & undique hiat: turreſque, urbeſque minantur,
Præcipitant: montes volvuntur, corruiſit orbis.

Stabo ego; nec tanto movear, trepidemve tumultu:

Quandoquidem non iſta Deum a me avellere poſſunt. 55

Pallida Mors en armata arcu, armataque falce,

Et tenebris adoperta caput, truculentaque vultu,

Horriſonum totis intendens viribus arcum,

Irruit, & certam torquet, celeremque ſagittam.

Ridebo placidus multum, irrideboque Mortem: 60

Nam neque tu, Mors dira, Deum a me tollere poſſis.

Pigra venis, pigra & eſt tibi falx, pigræque ſagittæ.

O quoties te ſuſpiravi, teque vocavi!

O bene quod tandem veniſti! vincula rumpe

Corporis, ut poſſim tristi hoc e carcere miſſus, 65

Uſque meum contemplari Dominumque, Deumque,

Et coram aſpicere, & coram placidiſſimo amore

Uſque frui, & ſanctos propius bibere ebrius ignes.

m Alme Deus, ſolus tu me non deſeris unquam,

n Nec

l *Non timebimus dum turbabitur terra, & transferentur
montes in cor maris. Pl. 45. v. 3.*

*Eſt ambulare vero in medio umbræ mortis, non timebo ma-
la; quoniam tu mecum es. Pl. 22. v. 4.*

m *Ipe enim dixit: Non te deſeram, neque derelinquam.*


Ad Hebr. 13. v. 5.

- * Nec procules. Nam si vivo, in te vivo, fruorque 70
 Lumine, & abs te habeo quod sum, quod sensibus uter,
 Menteque, quod nutu & tacitus vix impèro, & ultro
 Moxque pedes, & sponte manus mea iussa sequuntur.
 In te nempe sumus, per teque, in teque movemur.
 Nā neq; ego scio, cū moveor, quæ nā organa motus 75
 Sint, neque cognosco, quamam sint arte regendi.
 Tu solus nosti, regis omnia, & omnia præstas.
 • Si cælum conscendero, ades: si abscondero me umbris
 Infernis, ibi ades quoque tu: si sumpsero pennas,
 Perque iter insuetum totas Maris arduus undas 80
 Tranaro; tua me manus, & tua dextera ducet
 Illuc, atque ubivis dextram mihi porgis amicam.
 Denique quæ nodos nullos non rumpit, & uno
 Dimidium quandoque mei Mors dividet ictu
 A me; qui tecum mihi sunt, qui me tibi jungunt, 85
 Nulla vi dulces potis est Mors rumpere nexus.
 Tu solus mihi semper ades, tu solus abesse

Non

- n *In ipso enim vivimus, & movemur, & sumus. A&. 17. v. 18.*
 o *Si ascendero in cælum tu illic es: si descendero in infernum ades. Si sumpsero pennas meas diluculo, & habitavero in extremis maris: etenim illuc manus tua deducet me, & tenebit me dextera tua. Pl. 138. a v. 8. ad 10.*

Non potes, & solus non me ipsa in morte relinquis:
Proptereaque mihi dein jam tu es solus amandus.



BENEFICENTIA.

Omnia subjecisti sub pedibus ejus:

Psal. 8. v. 8.

CARMEN V.



Rgo meos, fateor tandem, malè perdi-
(di amores.

Pœnitet ah! quamvis mihi nec crude-
(lis Alexis,

Nec fuit infidus. Bene respondebat amori

Siquid in humanis tale unquam, si bene cuicumque

Respondit quisquam: nam me redamabat Alexis, &

Parque pari referens, erat & mea casta voluptas,

Solamenque meum. Neque plus optare videbar

Posse, & conabar me fallere, & esse beatus

p Ipse mihi. Interea tamen impatientia fisti

Pe-

p *Exspectavimus pacem, & non erat. Jer. 8. v. 15. Ibi
quoque non erit requies tibi. Isa. 23. v. 12.*

- Pectore rumpebant pectus suspiria multa, 10
 Perque oculos fusus lacrymis dolor ibat obortis.
 Nescio quos grandes in corde expertus hiatus,
 Nescio quod vacuum grande, impatiensque repleti;
 Flebam, nec poteram, quidquid conarer, amorem
 q Solari ipse meum, aut lacrymas sopire: fluebant 15
 Nescio cur lacrymæ invito, cruciabar & ultro.
 Nempe hominem tandem, fuit hoc & crimen, amabam
 Impetuosus, & humano absorbebar amore.
 Tu Deus, alme Deus, solus tu dignus amari:
 r Solus tu implere, & tu tranquillare profundum
 Cor. Pro te factum, quantumlibet omnia tenet; 20
 Nusquam fas illi sine te requiescere. Nostri
 Solus tu es cordis sincera, & plena voluptas.
 Cætera tormenti genus, & ludibria amoris.
 Tu me solus amas. Nam quis Pulcherrime rerum
 Quis nisi tu me unquam, quis me, te præter, amavit? 25
 Tu sine me felix & eras, semperque fuisses;
 Alta ego & horrenda nihili caligine mergus
 f Totus eram. Grandi mergus tu voce vocasti,

Au-

q Renuit consolari anima mea:

r Memor fui Dei, & delectatus sum. Pl. 76. v. 3. Major
 est Deus corde nostro. 1. Joa. 3. 20. In eo latabitur cor
 nostrum. Pl. 32. v. 21.

(Vocat ea quæ non sunt tanquam ea quæ sunt. Ad Rom.
 4. v. 17.

Audivique tuam vocem, emerisque vocatus
 E nihilo: hoc ego eram sine te, semperque fuisset. 30
 Tu mihi quod vivo, quod sum, Deus almae, dedisti,
 Et das nunc: nisi enim tua me pia dextra teneret;
 Protinus in nihilum rursus revolutus abirem.

Quocunque aspicio, ecce tuis sunt omnia plena
 Muneribus. Qui me involvit circumfluus aer 35
 Præsto est, & mitis sese pulmonibus infert,
 Sanguis ut inde novis auctus vitalibus auris
 Ire redire queat, facilisque subire meatus
 Angustos, quibus it subtus, circumque, supraque
 Magnum jussisti Solem hunc mihi fundere lucem, 40
 Perque vices, veluti intentum ad mea commoda, nasci,
 Atque mori: & tunc cælo alios accendier ignes,
 Qui mulcere oculos, possintque reducere somnos,
 Dulcia portantes curarum obliviam menti.
 Quin ad arenam etiâ tumidos Mare frangere fluctus 45
 Ipse coegisti imperio, & præbere carinis

* Ter-

- * Sol in aspectu annuntians in exitu vas admirabile, opus
 excelsi ... Magnus Dominus qui fecit illum, & in sermo-
 nibus ejus festinavit iter. Eccli. 43. v. 2. & 5.
 * Usque huc venies, & non procedes amplius, & hic con-
 fringes tumentes fluctus tuos. Job. 38. v. 11.

- u Terga, atque ingentes ad littora volvere pisces,
 Esca mihi impliciti laqueis, verubusque futuri.
 Quin subjecisti mihi tu quæcunque creasti.
 Idcirco, & docilis supponit terga Elephantus, 30
 Sit licet & tanta mole, atque armatus obunco
 Dente, & gibbosus clinat se in genua Camelus:
 Et vexanda jugo dat inermia cornua Taurus,
 Incurvoque gemens altos mihi pandit aratro,
 Queis possim tutò committere semina sulcos. 35
 * Et se subdit Equus mihi, collectosque superbus
 Naribus eructans ignes, pedibusque trementem
 Concutiens terram, quamvis ultro ipse coruscum
 Infilat in ferrum, truditque in vulnera pectus
 Impavidus morti occurrens; tamen audit habenas. 60
 Me quoque ceu Dominum revereri, & vincula subire
 , Sævi ipsi didicere Tigres, didicere Leones.
 Nec potuere meo se subterducere pennis

Im.

- u *Dedisti & in mari viam, & inter fluxus semitam fir-*
missimam. Sap. 14. v. 3. Omnes pisces maris manui ve-
stræ traditi sunt. Gen. 9. v. 2.
 x *Gloria harum ejus terror. Terram ungula fodit, exul-*
tat audacter, in occursum pergit armatis. Contemnit pa-
vorem, nec cedit gladio. Job. 38. a v. 20. ad 22.
 y *Terror vester, ac tremor sit super cuncta animalia terræ,*
& super omnes volucres cæli. Gen. 9. v. 2.

Imperio Alituum volucris, fugitivaque turba.
Namque veteranos nido prætere fumes, 65
Et laqueo didici captare, & fallere visco:
Insidiarumque immemores, ramoque sedentes,
Expansisque etiam plumis per inane volantes
Deficere aut arcu, aut ignita sulphure glande.
Nil præ me possunt animalia cætera. Ludus 70
Est mihi de silice excutere, & dein fomite flammam
Excipere, & tenebras longè, noctemque fugare.
Ast nullo hanc pecudes conamine vincere, nullo
Pennatæ poterunt nisu exturbare volucres.
Sed sperare diem nido, lucemque tenentur, 75
Interdumque pigram nimium, longoque sepultam
Auroram somno cantu, gemituque vocare.
Præterea de cælo ipsum deducere solem
Lente quæo, & sylvas, totosque exurere montes.
Plantis, Arboribusque novas imponere leges 80
Quandocunque lubet possum, & mea iussa facessunt,
Ignotasque ferunt frondes, & non sua poma.
Vulnifico armatus chalybe, armatusque bipenni
Excelsas valeo detrudere montibus ornos,
Annosasque ictu momento sternere cedros, 85
Tigna futura domus. Diffindo marmora ferra,
Quamque volo scalp pro do invitis, indoque formam,
Sum-

Summaque templorum facile ad fastigia vecto.

- z Intima quin etiam telluris viscera possum
 Scrutari ferro, latebrosisque abdita venis 90
 Æs, Aurum, Argentū exerere, atque efferre sub auras.
 Et fluviorum aliò possum traducere cursus,
 Torpentesque agitare imo, & siccare paludes:
 Mansurasque Mari obicere, atque opponere moles.
 Et temone sedens nolenti infundere sulcos 95
 Oceano, obliquisque antennis pergere, & ire
 Illac, quà venti, tempestatesque negabant.

- a Sic mihi tu aptasti ingenium, digitosque, manusque,
 Ut tanquam Domino, tanquam Regi omnia subsint.
 Terra mihi magna, & propria est domus. Hanc
 (tua dextra. 100

- b Condidit, & nullis nixam, sultamve columnis
 Suspensam medio libravit in aere firmam.
 Arida erat: jussisti & cogitur humidus aer

- c In nubes, ingens cælo venit agmen aquarum:

d Nec

- z *Repleta est terra argento, & auro: & non est finis thesaurorum ejus. Isa. 2. v. 7.*

- a *Constituisi hominem, ut dominaretur creaturæ, quæ a te facta est. Sap. 9. v. 3.*

- b *Appendit terram super nihilum. Job. 26. v. 7.*

- c *Ad vocem suam dat multitudinem aquarum in cælo. Jer. 20. v. 13.*

- d Nec cadit uno ictu , nec vortice , & impete cæco ; 105
 Sed quasi per cribrum cunctando , atque ordine longo
 Funditur , & stillat filatim e nubibus imber ,
 Dein quæ nuper aquæ cecidere , & viscera terræ
 Intrarunt ima , & caveis latuere profundis 110
 Bullire incipiunt , doctæque repente subire
- e Ardua quæque , scatent interdum in vertice montis ,
 Inde cadunt , fiunt ditissima flumina , & orbem
 Instar venarum amnes circumeuntque , rigantque .
- f Undique luxurians ridet lætissima tellus ,
 Graminaq; & frutices viridantesq; explicat herbas . 115
 Multimodo vestiti ostro , pompaque superbi
 Magnifice incedunt flores , & aromata circum
 Suavia , & effundunt pretiosos prodigi odores .
 Curvantur pandæ , fœtuque gravantur aristæ ,
 Messoresq; vocant , falcesq; , atq; horrea poscunt . 120
 Plena mero turgens calcari postulat uva :
 Crassaque socordes hortatur oliva trapetes .

Ma-

- d *Ligat aquas in nubibus suis , ut non erumpant pariter
 deorsum . Job. 26. v. 8.*
- e *Rigans montes de superioribus suis : de fructu operum
 tuorum satiabitur terra . Pl. 103. v. 13.*
- f *Vistasti terram , & inebriasti eam : multiplicasti locupleta-
 re eam . Pl. 64. v. 10.*

C

Matura ultro alta clinantur ab arbore poma,
 Quosque exquisitos subigunt, miscentque saporēs
 Offendant: vario assentantur odore, colore. 125
 Siquid avis furtim rostro libavit; & illa
 Admonet ecquodnam possim jam carpere pomum.
 Rursus quidquid Avis cantat dulcis, mihi cantat:
 Nam nisi ego ad cantus Avium sunt omnia surda.
 Magna quidē; sed parva tūc hęc sūt munera dextrę 30
 Omnipotentis, & en multo majora supersunt.

Debueras, nam peccavi, me trudere ad umbras
 Lugubres umbras Erebi, flammāsque tremendas:
 Vinc̃tus ubi immensas, immortalesque catenas
 Mordendo, arderem, & nunquā consumerer igne. 135
 Iustum erat, & merui. Tu, clementissime rerum,
 Quid faceres? Neque enim fas impunita relinqui
 Crimina. Debentur pœnæ, solvique necesse est.
 O infiniti ingeniosa industria amoris!
 Quas ego debebam pœnas, tu corpore sumpto 140
 Factus homo, pro me ingrato, indignissimo amari
 g Exsolvis, pro meque manus in vīncla dedisti:
 Pro me verberibus, clavis, cruce, sanguine, spinis

Qui

g *Dilexit nos, & tradidit semetipsum pro nobis. Ad Ephes.
 5. v. 2. Vulneratus est propter iniquitates nostras, attri-
 tus est propter scelera nostra: disciplina pacis nostrę super
 eum, & livore ejus sanati sumus. 1Ia. 53. v. 5.*

Qui solus potestas mea tu commissâ piasti.

Et tandem expirasti inter tormenta, latronesque, 145

Attonito; & lugente; & nequid tale videret,

Sole repentinis caput obnubente tenebris.

Nec tamen his contentus adhuc, sub imagine panis

b Exigui involvens totum te Hominemque Deumque;

Dissimulas majestatem, quam non capit orbis: 150

Et dulces quærens latebras, cibus esse videris,

Irrepisque cibi specie, & mea pectora tentas,

Sollicitusque meos urges, & quæris amores.

i Languet amore Deus. Succurrite. Languet amore.

k Quisquis es, ah! redama quoq; tu, lingueq; vicissim. 155

h Ego sum panis vivus, qui de celo descendi. Joa. 6. v. 51.

i Amore langueo. Cant. 2. v. 5.

k Ama itaque Dominum Deum tuum. Deut. 11. v. 1. Incubriantem te ab omnibus bonis suis. Eccli. 32. v. 17.

OMNIPOTENTIA.

Ipse dixit, & facta sunt, ipse mandavit,
& creata sunt.

Psal. 32. v. 9.

CARMEN VI.

Incipio Cælum traxit, terramque pro-
(fundo
E nihilo Deus. Et nox ambitiosa tegebat
m Omnia. Divinus gradiebatur super undas
Spiritus, & segnis tellus, & mœsta jacebat.

n *Fiat Lux*, tacite dixit Deus; illa repente 5
Risit, & e tenebris nitidum caput extulit alma:
Lætitiâque ferens pennis, risusque jocosque,
Exsultat primogenita, & pulcherrima rerum.
Tum quoque & alatae, & secretæ a corpore mentes,
Si modo Sanctorum sancta est doctrina Parentum, 10
Tunc, inquam, mentes illæ cum Luce creatæ.

o Et
l *In principio creavit Deus cælum, & terram.* Gen. 1.
v. 1.

m *Terra autem erat inanis, & vacua, & tenebræ erant
super faciem abyssi: & Spiritus Dei ferebatur super a-
quas.* v. 2.

n *Dixitque Deus: fiat lux, & facta est lux.* v. 3.

- Et fiant cæli, dixit Deus, inter aquarum
Moles, quæ sursum fusæ sunt, quæque deorsum.
• Dixit, & immensa explicuere volumina cæli
Inter aquas hinc inde alias subtusque supraque. 15
p Quotquot aquæ sub cælo estis, dixit Deus, atveo
Cogite vos uno, atque appareat arida tellus.
Continuo Mare subsidit, panduntur hiatus
Immensi, immensæ subtus cavæque, sinusque.
• Certant præcipites illac descendere glauci 20
Undique collecti spumoso gurgite fluctus.
Extollit frontem subito, undisque eruta tellus
Eminet, undique adhuc mærens tamen, undique inanis.
q Et Deus: erumpat tellus, herbasque virentes.
Grataque poma suis frondosis pendula ramis 25
Germinet: ipsa ferant simul & sua semina secum.
Et tulit extemplo fegetes, & pascua tellus,

C 3

Po

- Dixit quoque Deus: fiat firmamentum in medio aquarum, & dividat aquas ab aquis. Et fecit Deus firmamentum, divisitque aquas quæ erant sub firmamento ab his, quæ erant super firmamentum. v. 6. & 7.
p Dixit vero Deus: congregentur aquæ quæ sub cælo sunt in locum unum, & appareat arida. Et factum est ita. v. 9.
q Et ait: germinet terra herbam virentem, & facientem semen, & lignum pomiferum faciens fructum juxta genus suum ... Et factum est ita. v. 11.

Pomiferasque tulit cælo capita alta ferentes
 Frondes: & secum sua semina quæque tulere.
 Extiterat vix e terra, & procera repente 30
 Arbos intumuit trunco, ramosque tetendit,
 Fœtaque maturis facta est extempore pomis.
 Et dixit Deus: exoriantur lumina magna
 In cælo, & certas nocti, certasque diei
 Constituant metas, sint & certissima signa, 35
 Queis partiri homines possint, & tempora, & annos.
 Illicet astrorum Rex Sol prorupit, & illum
 Nascentem stupuit tanta luce ebrius orbis.
 Luna quoque obstupuit, torique obnoxia Soli,
 Admirans ipsum, luce alterna ipsa refulsit: 40
 Præsidet hæc nocti; sed præsidet ille diei.
 Tunc & quinque alii cælestibus orbibus ignes
 Ab Sole accensi taciti fulsere Planetæ:
 Mercuriusque, Venusque, & Mars, & Juppiter alte
 Incedens, lunis hinc inde minoribus auctus 45
 Quatuor: & quinis cinctus, cinctusque corona
 Sa-

† *Dixit autem Deus; fiant luminaria in firmamento cæli,
 & dividant diem; ac noctem, & sint in signa, & tem-
 pora, & dies, & annos ... Fecit itaque Deus duo lumi-
 naria magna: luminare majus, ut præset diei, & lu-
 minare minus ut præset nocti, & stellat. vv. 14. 15.,
 & 16.*

Saturnus, lassamque via, fessamque labore
 Multiplici lucem reparans, augensque repulso.
 Tum quoque sydereæ cæli ipso in vertice flammæ,
 Inter sese alio, atque alio varioque colore 50
 Innumeræ erupere, nihil jam Solis egentes,
 Nam totidem magni sunt, quot sunt sydera, Soles:

f. Omnia facta tamen præstare vicaria terris
 Lumina, & ut terræ inservirent omnia facta.
 † Dixit item Deus: e gremio nascantur aquarum 55
 Reptantes pisces, simul & genus omne volucrum.
 Et subsultabant toto mox æquore pisces,
 Fluminibusque: & respirare, & vivere in undis
 Edidicere ipsi; contra emergere, & ab undis
 Remigio alarum capita exseruere volucres: 60
 Quemque reluctantem sibi subjecere volatu
 Mulcebant dulces, hilarabantque aera cantu.

u Dixit item Deus: e terra virentia bruta
 In lucem erumpant: quorum pars repere tantum

C 4

Per

f Et posuit eas in firmamento cæli, ut lucerent super terram. v. 17.

† Dixit etiam Deus: producant aquæ reptile animæ viventis, & volatile super terram sub firmamento: v. 20.

u Dixit quoque Deus: producat terra animam viventem in genere suo; jumenta, & reptilia, & bestias terræ secundum species suas. Factumque est ita. v. 24.

- Per terram; pars quadrupedes incedere possint. 65
 Nec mora, reprobant jam mox animalia multa;
 Multaque per campos cursu, saltuque micabant.
 Illac agnoscens Leo, Regem se esse ferarum,
 Arduus incedit, rugituque imperat arvis:
 Hac exsultat Equus, modoq; huc, modo subilit illuc, 70
 Lascivitque toris, animosum & murmurat ignem:
 Illuc aeris pendens in vertice rupis,
 Ramosa excelsa cælo infert cornua cervus.
 Balantumque greges passim, caprique petulci
 Ludicra bella gerunt, saliantq;, micantq; per agros. 75
- ¶ Tunc: Hominem faciamus, ait Deus almus, & ille
 Instar sit nostri, nostrique simillima imago:
 Sit Rex, & magno imperio premat omnia sub se,
 Quaque patet, toto late dominetur in orbe.
- γ Ipse suis manibus limum informavit, & ore 80
 Inspirans, immortalem Deus indidit auram,
 Arcanoque animam nodo, corpusque jugavit.
 Factus homo, cujus pars immortalis imago

Viva

- α Et ait: faciamus hominem ad imaginem, & similitudinem
 nostram, & præsit piscibus maris, & volatilibus cæli,
 & bestiis, universæque terræ, omnique reptili, quod mo-
 vetur in terra. Gen. 1. v. 26.
- γ Formavit igitur Dominus Deus hominem de limo terræ,
 & inspiravit in faciem ejus spiraculum vitæ. Gen. 2. v. 7.

Viva Dei est. Una est, & trina: potentia triplex
 Uni est, Auctorisque sui alte impressa sigilla 85
 z Magna ferebat Homo. Ceu Regi illi undique flores,
 Undique prægnautes tellus fundebat aristas,
 Sponteque pendebant matura sub arbore poma:
 Blandi aderant hominem cauda mulcere Leones:
 Cumque jubebatur, saltabat ab æquore piscis: 90
 Cogebantque alas, descendebantque vocatæ
 Sublimi e cælo volucres, fremituque jocosæ
 Ludebant humeros circùm, circùmque sedebant,
 Certatimque dabant suaves e gutture cantus.
 Continù ut voluit, verbo Deus omnia fecit, 95
 a Omnia & aspiciens quæ fecerat, ipse probavit.
 Fiat dixit, olli satis est: hoc scilicet uno
 Quàm magna est orbis surrexit fabrica verbo.

z *Signatum est super nos lumen vultus tui. Pl. 4. v. 7.*


a *Viditque Deus cuncta quæ fecerat, & erant valde bona -*
 Gen. 1. v. ult.

S A P I E N T I A.

Omnia in Sapientia fecisti.

Pf. 103. v. 24.

C A R M E N VII.

b  Mnipotenti olim, cùm de nihilo extu-
 (dit orbem,
 Adstitit infinita quidẽm; at non sola
 (potestas;

Adfuit indivisa comes Sapiaentia, & illa
 Artificis quasi dextra manus fuit omnipotentis.

c Omnia secreto libravit pondere utrinque, 5
 Mensuraque Deus iusta, numeroque pependit.
 Mentis, & artis opus divinæ est orbis: & unus
 Ipse Auctor novit quì facta est machina mundi.

Admirari homines fabricã hanc bene possumus. Ultra
 d Vix quidquam. Tenebras in luce offendimus ipsa. 10

Quàm
 b Et tecum Sapiaentia tua, quæ novit opera tua, quæ &
 adfuit tunc cùm orbem terrarum faceres. Sap. 9. v. 9.
 c Omnia in mensura, numero, & pondere disposuisti. Sap.
 11. v. 21.

d Indica mibi, si nosci omnia, in qua via lux habitat. Job:
 38. v. 18. & 19.

Quàm solet in bustis, aut celsi in culmine templi
 Caligare oculis imbellibus, & rude carmen
 Obstrepere absurda, importunaque noctua cantu.
 Nil formidamus tamen, & cunabula mundi
 Ipsamet, & primarum arcana exordia rerum 15
 Tentare audemus: ruimusque in prælia ritu
 Andabatarum, & quisque suas vult figere leges
 Imperiosus; & objurgat diversa sequentes:
 Ridemusque alios, irridemurque vicissim.

In Mundi centro terra, olim immobilis hærens, 20
 Pigra quiescebat. Sibi nasci, & surgere Solem,
 Atque mori, inque vices alternam surgere, Lunam,
 Et totos cælorum orbes, & sydera volvi
 Circùm se in gyrum stans ipsa immota videbat.
 Nunc jam tellurem placuit de sede moveri 25
 Antiqua, Veneremque inter, Martemque rotari,
 Quà proavis olim nostris Sol ire solebat.
 Officiosus, & auricomas agitare quadrigas.
 Nunc sopor, & tristis miserum socordia Solem
 Invasit. Segnis torpet, languetque quietus 30
 In centro, tellus ubi desidioſa jacebat.
 Vix super axe suo, viginti & quinque diebus,
 Convolvitur sese paullatim, ægrèque: perinde
 Ac fessum mutat latus, insistens & eidem

Uf.

Usque loco, & cubito innixus, vix volvitur æger. 35

Nec verò fugitiva semel, contenta vagari

Tellus est. Quin ut solitæ plerumque puellæ

Consuetas nuper vestes, cultusque superbæ

Fastidire, novosque sibi prurire paratus:

Sic itidem, quædam quasi bacchanalia ludens, 40

Sic habitus, sic & tellus mutare figuras.

Sphæra fuit quondam, tota undique, tota rotunda;

Ovi instar deinceps facta est, quâ desinit axis

Oblonga, & medium versûs vacuata dehiscens.

Contrà est nunc, instar cæpæ compressa fatiscit 45

Qua finit cardo, vertexque Aquilonis, & Austri

Extremus; medio prægnans elata tumescit

Ventre. Invertuntur sic pro nostro omnia nutu,

Ad libitumque novas leges imponimus orbi.

O bene, quod nunquam nostra hæc mandata facessit, 50

Et surdas nostris opponit legibus aures!

Quantumcumque bonis, nostris si legibus irer

Orbis, jam fessus pridem, fractusque ruiisset.

e Divina omnino est, qua stat, sapientia Mundus:

Qua ratione illum Omnipotens compegerit olim, 55

Quave illum rerum serie, nexuque gubernet;

Caligo alta est, nosque latet, semperque latebit.

f Quan-

e Præparavit orbem in sapientia sua. Jer. 51. v. 25.

f Quanto plus homines insudent, plusque laborent;
 Tanto equidem minus invenient, pejusque lababunt
 Tum, cūm plaudentes sibi confidentius ibunt, 60
 Et titubare minus sua jam vestigia credent.

En cælo (nam stellarum nec nomina scimus)
 Urfas intulimus, Taurosque, Caprosque bicornes,
 Atque Leonem, & Delphinum, Cygnumque, Gruemq;
 Atq; Aquilā, geminosq; Canes, Leporemq; Lupumq; 65
 Et vix non totidem quot sunt animalia terris.
 Sic balbutimus, sic & blateramus inepti.

g Nec quot sint cælo stellæ numerare valemus;
 b At numerat folio fidens Deus, & sua stellæ
 Nomina cuique vocat, singillatimque recenset; 70
 Illæ autem subito auscultant, adsuntque vocanti.
 Illicet, Auctorique suo plauduntque, micantque.

Vel

f *Et intellexi quod omnium operum Dei nullam possit homo
 invenire rationem eorum quæ fiunt sub Sole. Et quanto
 plus laboraverit ad quærendum, tanto minus inveniat:
 etiamsi dixerit Sapiens se nosse cum non poterit reperire.*
 Eccle. 3. v. 17.

g *Numenta stellas, si potes. Gen. 15. v. 5.*

h *Qui numerat multitudinem stellarum, & omnibus eis no-
 mina vocat. Ps. 146. v. 4. Vocatæ sunt, & dixerunt:
 Adsumus, & luxerunt ei cum jucunditate qui fecit illas.*
 Bar. 3. v. 35.

Vel quæ calcamus pedibus, manibusque tenemus
 Haudquaquam capimus. Mens, ars divina refulget
 In minimis etiam, quæ nos prætervolat omnes. 75
 Abjectis etiam in rebus sapientia prorsus
 Digna Deo est, nullaque humana imitabilis arte.
 En parvum culicem. Quid toto vilis orbe est?
 Ast Elephas, quanta mole est, haud organa vitæ
 Plura regat; quin plura culex animatque, regitque, 80
 Majoresque animos contracto in corpore versat.
 Bellator galea assurgit, cristisque, tubamque
 Horrisonam irarum plenis concentibus implet.
 Sex, octove pedes insunt, si forte libebit
 Ire pedes; sed multivagis quatit æra pennis, 85
 Audet & adversos contra ire, laceßere ventos
 Arduus: arma etiam, stimulumque proboscide gestat,
 Quem trux infigat totum, totumque cruentet,
 Si quis ab exiguo sibi non bene caverit hoste.
 Mole culex minor est alius (tibi, Mexice, surgit 90
 Vere novo passim) non Martem accendere cantu,
 Non inflare tubam, stimulumve infigere novit
 Sanguineum: volat innocuus, solisque tenebris
 Indicit bellum. Prope se increbrescere noctem
 Haud

i Culices hos Cicindelas vocarunt Latini; Lampyrides Græci. Multimodi sunt. Illam ego describo quem vidi, & observavi sæpius.

Haud patitur. Simul umbras nox explicat alas; 95
 Flammigeram (mirum!) quam parva continet alvo
 Explicat ille facem, tenebrosūque aera tæda
 Dimoveret alata, & nigrantes territat umbras.
 Abscondit lucem interdum; dein rursus eandem
 Accendit, regeritque ignes, & lampada quassat 100
 Vivam. Nec multum pennis sese erigit: ætas
 Impubes passim ruit, & quam lumine signat
 Insistitque, premitque viam, manibusque prehensum
 Mirantur sine fine, & cum clamore, triumpho
 Captum deportant culicem: ac modò vita superfit; 105
 Non illum fulgore Adamas, æqueve Pyropus.
 k Ludit in orbe Deus. Sed quanta in lusibus ipsi
 Ars est! Artificis summi sapientia summa est.

k *Ludens in orbe serrarum.* Prov. 8. v. 31.

P R O V I D E N T I A.

Vestri autem capilli capitis omnes numerati sunt.

Matth. 10. v. 30.

C A R M E N VIII.



ET Pater, & Dominus Deus est. Sublimis olympo,
Et circumspiciens terras inde arduus
(omnes;

Se circum effundit, cœu Sol, & humillima quæque
Respicit ac nutrit, recreatque, fovetque calore.

Omnituens, uno, lucis ritu omnia lustrat

Intuitu, & regit imperio, nutuque coercet.

Omnia sunt illi curæ: vendendus & asse

Captivus, captiva etiam cum prole gemella

Haud cadit in laqueum illius sine numine passer.

Aspice quàm vacui curis, plaudentibus alis

Lu-

De preparato habitaculo suo respexit super omnes qui habitant terram. Ps. 32.

Puillum, & magnum ipse fecit, & æqualiter cura est illi de omnibus. Sap. 6. v. 8.

Nonne duo passeris asse vaneunt, & unus ex illis non cadet super terram sine Patre vestro; Matth. 10. v. 29.

Ludunt per sudum crocitantés aëra corvi

Venturi immemores. Non illi semina fulcis

o Committunt, non proventus, messesque repostas
Agglomerant, nec congesta Cerere horrea rumpunt
Solliciti; Deus interea, Deus implet edaces. 15

p Aspice qua pompa in cælum erumpentia surgunt
Lilia! Nec Salomon vestitu æquaverit unum
Ex his: illa tamen neque norunt ducere fuso
Fila, neque arguto percurrere pectine telas.
Cælestis prorsus Pater est, qui lilia campi 20
Cingit odorifero, niveoque decorat amictu.

q Atqui nos pluris sumus illi. Utcunque pusillæ,
Quàm libet exiguæ res sint, si nos modò tangunt
r Sollicitant illum, sumus & sua maxima cura.

f In manibus nos ipse suis descripsit, habetque, 25

Et

o Considerate corvos, qui non seminant, neque metunt, quibus non est cellarium, neque horreum, & Deus pascit illos. Luc. 12. v. 24.

p Considerate lilia agri quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est sicut unum ex istis. Matt. 6. v. 28., & 29.

q Quanto magis vos pluris estis illis? Luc. 12. v. 24.

r Dominus sollicitus est mei. Pl. 39. v. 18.

f Ecce in manibus meis descripsi te. Isa. 49. v. 11.

D

- Et tenet assidue intentos, fixosque benignè
 † In nobis oculos; nec delassabitur unquam.
 * Num teneri infantis capientne oblivia Matrem?
 Fac capiant. Pueri fuerit fac immemor illa.
 At non ulla tui mihi par oblivio repetit: 30
 Cura tui nostro nunquam de pectore abibit.
 Hæc Deus. At quænam puerum sic Mater amavit
 Sollicita, ut viles velit aut numerare capillos,
 Aut curare etiam, puerone an decidat ullus?
 Ergone tanta Deum nostri hæc quoque cura subire? 35
 Tanta quidem. Tanto plus nos quàm Mater amavit.
 * Ut Gallina suos ad se vocat anxia pullos;
 Amplexuque fovet blando, & circumtegit alis,
 Sic Deus (exemplum Deus hoc nos ipse docebat)
 Errantes licet usque vocat, gemituque requirit 40
 Anxius, ut veniant, extentaque tegmina pandit
 Alarum circum, materna & protegit umbra.

, Ut

- † *Videns omnes sine intermissione.* Sap. 15. v. 19.
 u *Numquid oblivisci potest mulier infantem suum, ut non
 misereatur filio uteri sui? Etsi illa oblita fuerit; ego
 non obliviscar tui.* Isa. 49. v. 15.
 * *Quoties volui congregare filios tuos quemadmodum galli-
 na congregat pullos suos sub alas, & noluisti?* Matt. 23.
 v. 37.

- y Ut pupillam oculi circumtegit undique, nequid
Lædere nos, nequís temere contingere possit.
- z Quæ sint, quæ fuerint, & quæ ventura sequentur, 45
Quæque forent etiam, paullum si verteret ordo
Qui nunc est rerum, videt unus, & omnia miro
Consilio, miro & regit ordine, dispensatque.
- a Dissimulat tamen, atque adeo nescire videtur
Ecquid agant homines? Nec confestim irruit ultor 50
Impatiens: videt aufuros, nec vincula nectit,
- b Nec libertati sceleratos impedit usus.
- c Sed tamen ille hominum ridet molimina, & unus
Omnia componit, placido & regit omnia nutu;
Quidquid contrà homines tēdāt, contràq; repugnent. 55
Net fila ipse manu, stamen subtemine texit
Arcano: & quamvis rumpi, invertique videntur

D Fila,

- y Custodivit quasi pupillam oculi sui. Deut. 32. v. 10.
- z Scit præterita, & de futuris æstimat, & signa, & mon-
stra scit antequam fiant, & eventus temporum, & sa-
culorum. Sap. 8. v. 8.
- a Et dixerunt: quomodo scit Deus, & si est scientia in ex-
celso? Ps. 72. v. 11.
- b Apposuit tibi ignem, & aquam: ad quod volueris porri-
ge manum tuam. Eccli. 15. v. 17.
- c Qui habitat in celis irridebit eos, & Dominus subsanna-
bit eos. Ps. 2. v. 4. Non est sapientia, non est prudentia,
non est consilium contra Dominum. Prov. 21. v. 30.

Fila, sed incepto nunquam de tramite aberrant.

- En juvenem Ifacidem probroso e carcere raptum
 Evehit ad solium: tota illum Ægyptus, & ipsi 60
 Invidi, & immites trepidanti poplite adorant
d Fratres, quem puerum infontem, & nihil tale merentem,
 Post intentatam crudeli funere mortem;
 Nil veriti, tanquam vilem venundare, vernam.
 En rursus quàm sublimis diademate cinctus 65
 Regifico incedit, cui crux infanda parata
 Nuper erat. Sed momento Deus omnia retro
 Egit, & immani trabe, qui præstruxerat illam
e Infanti, pendet scelerum fabricator Amanus.
 Nec semel aut iterum tantū hoc. Nulla extitit ætas, 70
 Quæ non his paria, aut certè his affinia passim.
f Nempe humana regit Deus: & subvertit iniquos
 Plerumque, & vindex sæpe est, ultorque piorum.

Ast etiam finit interdum se extollere fontes
 Impunè, & fastu, & pompa, & circumdat honore, 75

Di-

- d* Et incurvati adoraverunt eum. Gen. 43. v. 28.
e Suspensus est itaque Aman in patibulo quod paraverat
 Mardocheo. Esth. 7. v. ult. Non nobis, sed Deo reddente
 ei quod meruit. Esth. 16. v. 18.
f Qui malignantur exterminabuntur: sustinentes autem Do-
 minum ipsi hæreditabunt terram. Pl. 36. v. 9. Non vidi
 justum derelictum; Ibid. v. 25.

Divitiisque onerat multis, & prosperat auro.

Interea sinit in vinclis, luctuque jacere,

Traducique odiis, rerumque esse omnium egenos,

Vexatque pios. Hoc tu miraris; & audes:

g Cur hoc tam lentus patiatur poscere causas? 80

b Tu quis, homo, es? Numquidne Deo sapientior es tu?

Dic mihi, si nosti, quanam ex parte æra rupit

Quod te te afflavit vibratum fulmen ab alto?

Quamve viam tenuit volitans nervo acta sagitta?

Quosve maris fluctus veniens fidit uncta carina? 85

Ergo age, fume tibi mundi rectoris habenas:

Aude, inferque Deo lucem, ferto inclyte leges,

Queis melius deinceps regat, & sapientius orbem.

i Nescis, heu! nescis, quæ pœnæ fontibus instant

A tergo, nec quanta pios spectantque, manentque 90

Præmia, quanta ferent abituri gaudia luctus.

Nigra albis passim confundimus, albaque nigris.

D 3

k An-

g Quare ergo impii vivunt, sublevati sunt, confortatique divitiis? Job. 21. v. 7. & taces devorante impio justiorum se? Habac. 1. v. 13.

h Numquid consilium Dei audisti, & inferior te erit ejus sapientia? Job. 15. v. 8.

i Commovebit illos a fundamentis, & usque ad supremum desolabuntur. Sap. 4. v. 19. Justi autem in perpetuum vivent, & apud Dominum est merces eorum. Sap. 5. v. 16.

- k Annuit iratus quædam Deus: & bona sæpe
 l Futilia, ambigua hæc negat, avertitque benignus.
 m Et tacet interdum idcirco quia grandior ira est. 95
 Quæ bona, quæque mala ad fugitivæ tempora vitæ
 Circumscribuntur, nihili sunt, somnia quædam
 n Sunt. Experrecti somno, ridebimus ista
 Attonitis, potuisse unquam tam ludicra, tamque
 Exigua hæc nobis delusis magna videri. 100
 Tempus erit, magno cùm optaverit impius emptos
 Luctus, pauperiemque, ignominiamque piorum
 Sanctam: cùm vitæ illecebras, fastusque superbos
 o Oderit. Interea, neque enim mora longa, quiesce:
 Define, qui fecit regat ipse, & temperet orbem. 105
 C U.

- k *Prosperitas flutorum perdet illos.* Prov. 1. v. 32. *Tradidit illos Deus in desideria cordis eorum.* Ad Rom. 1. v. 24.
 l *Ne fictio deciperet animam illius.* Sap. 4. v. 11.
 m *Secundum multitudinem iræ suæ non quæret.* Ps. 10. secund. Hebr. v. 4.
 n *Velut somnium avolans non invenietur, transiet sicut visio nocturna.* Job. 20. v. 8.
 o *Quid nobis profuit superbia, aut divitiarum jactantia quid contulit nobis?* Sap. 5. v. 8. *Adbuc pusillum, & non erit peccator, & quæres locum ejus, & non invenies.* Ps. 36. v. 10. *Hodie extollitur, & cras non invenietur.* 1. Mach. 2. v. 63.

C U S T O S.

Angelis suis mandavit de te, ut custodiant
te in omnibus viis tuis.

Pf. 90. v. 11.

C A R M E N IX.



OC quoque providit Deus, & de gen-
(te beata,
De primis cæli indigenis, manuumque
(suarum

Primitijs, facie insignes, pulchros mage luce
Alatos juvenes tergo, ad soliumque propinquos
p Stare Dei solitos, ad nos descendere fidos
Custodes jubet, atque infirmis corpore, mente
q Esse dedit comitesque viæ, comitesque salutis.
Quis tantum sperare unquam? Quis poscere tantum?
Unus amabilior mortalibus omnibus, unus
Duntaxat stabilis, solusque fidelis amicus
Perpetua invigilans cura noctesque diesque

D 4 Of.

p Omnes Angeli stabant in circuitu throni. Apoc. 7. v. 11.
q Missi propter eos qui hereditatem capiunt salutis. Ad
Hebr. 1. v. ult.

Officiosus adest nobis pulcherrimus Ales.
 Nec dedignatur (quamvis virtute, manuque
 Et regere imperio; & poterat moderarier unus
 Terrasque, & maria, & cæli septemplex orbes) 15
 Unius, immemorisque hominis vigilare saluti
 Totus, & assiduo famulatu hæreret, & adesse
 Quamlibet ingrato, & nil prorsus tale merenti.
 r Quacumque incedis, tecum it, tibi obambulat ante
 Indefessus, & in manibus te fertque, tenetque; 20
 f Necubi in obstantem lapidem, vepresve cruentes,
 Offendasve pedem. Dormis tu; sed vigil ille
 Semper adest: nec discedit, nec deserit unquam
 Incomitatum. Et si in cælum peccare rebellis,
 Insanusque audes; necdum tamen ille relinquit, 25
 i Necdum destituit, necdum aspernatur album.
 Quin vocat errantem, dextraque reducere tentat:
 u Interdumque etiam nolentem cogit amicum
 Ne pereat, neve infando miser ardeat igne.

Si
 r Ecce ego mitto Angelum meum, qui præcedat te. Exod.
 23. v. 20.

f In manibus portabunt te, ne forte offendas ad lapidem
 pedem tuum. Pl. 90. v. 12.

t Non dimittet cum peccaveris. Ex. 23. v. 21.

u Cogebant eum Angeli dicentes: surge, tolle uxorem tuam,
 & duas filias, quas habes: ne & tu peras in scelere ci-
 vitatis. Gen. 19. v. 15.

- Si scires quantis ignatum te ille periclis 30
 Eripuit! Quoties te expansis abdidit alis!
 Et quot, quàm sævos ultro obviuægide, & ense,
 Circumfrendentes præcul arcuit ictibus hostes.
 Nam qui sydereæ ruit exturbatus ab arce
 Lucifer, æterna invidia, infandoque furore 35
 Accensus, quod nimirum nos viderit illuc,
 Unde ruit præceps, unde excidit ille, vocari;
 * Perfurit, & lanienæ inhians, instarque Leonis
 Circumiens, & rugitum dans ore; minaces
 Irritat dentes, rabidosque exasperat ungues. 40
 Hoc ille, hoc tentant quas secum prornit uno
 Impete, millenæ; conjuratæque cohortes.
 Et saturavissent rabiem, explessentque dolorem,
 , Et tenebroso obvolvissent jam gutture vivos
 Nos; nisi cælestis nobis custodia adesset, 45
 Fulmineo contrà gladio stans. Nam quis, homo, tu es,
 Ut solus tantis posses te opponere monstris?
 Aspice Tobiam juvenem. Comes additus illi
 Angelus, humana specie, humano ore latebat.

z Ef.

- x *Adversarius vester diabolus tanquam Leo rugiens circuit
 quærens quem devoret. 1. Pet. 5. v. 8.*
 y *Nisi quia Dominus erat in nobis... forte vivos deglu-
 tissent nos. Pl. 123. v. 1. & 2.*

- z Esse putabatur juvenis quoque, & esse Anania; 50
Filius. Audistin quàm grandia munera, quanta
Officia exhibuit, benefactaque, & ut mala cuncta
Verterit in melius? Juveni connubia sancta
- a Afferuit, deque infans felicia fecit,
Lucifugum geniuni, septem qui morte virorum, 55
Funestas totidem tædas, totidemque hymenæos
- b Fecerat; exegit procul, adstrinxitque catenis.
Cæco etiam lucem Patri reparavit ademptam,
Cumque oculis extincta diu solatia vitæ.
- c Nam quænam cæli communi luminis usu 60
Orbato, tenebrisque immerso gaudia surgant?
Gnato adventanti, ut poterat, pedibusque subinde
- d Offendens, puero innixus, baculoque, ruebat

To-

- z Unde te habemus bone juvenis? Tob. 5. v. 6. Ego sum
Azarias Ananiæ magni filius. Ibid. v. 18.
- a Tradita fuerat septem viris, & dæmonium nomine As-
modæus occiderat eos mox ut ingressi fuissent ad eam.
Tob. 3. v. 8.
- b Tunc Raphael Angelus apprehendit dæmonium, & reli-
gavit illud in deserto superioris Ægypti. Tob. 8. v. 3.
- c Quale gaudium mihi erit, qui in tenebris sedeo, & lu-
men cæli non video? Tob. 5. v. 12.
- d Et consurgens cæcus Pater ejus, capit offendens pedibus
currere, & data manu puero occurrit obviam filio suo.
Tob. 11. v. 10.

Totus in amplexum; neque erat spes ulla videndi.

At vidit: siquidem hæc etiam Raphaelis alumnus 65

Attulit edoctus charo nova gaudia Patri,

Felle linens oculos; qui vix non fecerat orbem

Patrem, qui juvenem piscis jam penè vorarat.

Usque adeo custos divinus tristia quæque;

Et cuncta in melius, vertitque in gaudia luctus. 70

Cùm vitæ, mortisque inter confinia, & inter

Temporis, æternique vias versabimur ævi;

Tum verò fama est, oculis se sistere coram

Corporeis iras acuentem sævius hostem,

Et quantas habet exsertantem in prælia vires: 75

Nam postrema quidè jam, decretoriaque hora est.

Horror ubique animum: circum præcordia sanguis

Stabit iners: oculi exstantes, crinesque rigeunt

Hispidi: anhelabit moribundo murmure pectus.

Ast dabitur, tanta hæc si vera est fama, videre 80

Tum quoque te lateri adstantem, fidiſſime Custos,

Et quæ fas, quæ facta sinant, certamine tanto

f Sci-

e Tunc sumens Tobias de felle piscis linivit oculos patris
sui ... statimque visum recepit. Ibid. v. 13. & 15. Exi-
vit ut lavaret pedes suos, Et ecce piscis immunis exivit
ad devorandum eum. Tob. 6. v. 1. & 2.

f Scilicet afflictum pennis, parmaque tegentem,
 Ac propulsantem vim vi, & victricibus armis.
 Quàm vellent siqui te posthabuere, tuique 8;
 Vixere immemores, tum te coluisse, nec aures
 Tam surdas vocique tuæ, monitisque dedisse!
 Sera nimis miseris, desesque, & manca voluntas.
 Nunc o sancte rege, & dubios tu dirige gressus
 Ad meliora meos, quò possim temnere sævos 90
 Hostes, impavidusque tua defendier umbra,
 Teque duce, exutus mortalia, sumere pennas,
 Adscribique choris vestris, adscribier astris.

f *Scapulis suis obumbrabit tibi, & sub pennis ejus sperabis. Ps. 20. v. 4.*




P A T I E N T I A.

Tu Deus clemens, & misericors, & pa-
tiens, & multæ miserationis, &
ignoscens super malitia.

Jonæ 4. v. 2.

C A R M E N X.

g  Uis furor o ! Jam flagitiorum pondere
(fessus
Nostrorum, sese malè sustinet, & ge-
(mit orbis.

b En plerique hominum, ceu prona animalia, terris
Hærent, immeniores prorsus cælique, Deique.
Quot passim horrenda indomitæ perjuræ linguæ ?
Quot dein, quot strages malè sana Superbia, quotque
Lurida tabifico clam rodens omnia dente
Invidia, & frendens semper rabida ore cruento
Ira ?

g *Delicta nostra creverunt usque ad cælum. 1. Eld. 9. v. 6.*
h *Omnia commissa sunt, sanguis, homicidium, furtum, &
filiis, corruptio, & infidelitas, turbatio, & perjurium,
tumultus bonorum, Dei immemoratio, animarum inqui-
natio, natiuitatis immutatio, nuptiarum inconstancia,
inordinatio mœchiæ, & impudicitia. Sap. 14. v. 25. & 26.*

- Ira? Hæ sunt furiaæ tres, tartareæque sorores;
 Quæ simul erupere, errantque licentiùs inter 10
 Nos. Superat tamen, & multo imperiosior effert
 Probrosus caput exsecranda, insana libido
 Auri. Aurum Pluton est, tartareusque tyrannus.
 Hunc homines tamen invitum; tenebrisque vocatum
 Infernis, fecere sibi numenque, deumque. 15
 Parte alia furiosa magis, magis improba sævit
 Bruta Libido, sibi malè adaptans nomen amoris.
 Hæc Sphinx est, corpusque Canis, caudamque Draconis
 Callida dissimulans, facie illecebrosa puella
 Regnat, & huic Pluton, huic servit, obedit & aurum. 20
 Avertò hinc oculos aliò. Bella horrida cerno,
 Seminecesque viros nantes in sanguine multo,
 Inter equos, inter confusa cadavera, & arma.
 Huc caput, illuc it truncum, & sine nomine corpus,
 Sanguineum spirans flumen, fluitansque cruore 25
 It manus: avulsa est, & adhuc audax rotat ensem.
 Heu quorsum fugiam? Ibo domum penetralia, ibique
 Cæde fatigatos oculos recreabo, videbo
 Quid? Cædes etiam, atque armis pejora venena.
 Nusquam tuta fides. Clam toxica diluit uxor 30
 Perfida; nec solæ norunt aconita nevercæ.
 Hic struit insidias frater fratri, ille Parenti
 Impius, extremumque audet, cumulatque furorem.
 Quin

Quin didicere ipsæ gnatorum sanguine Matres
Fœdari, suametque effundere viscera ferro. 35

Et superesse malum, & scelus his crudelius ullum?
At superest. Qui Philosophos se nomine dicunt,
Mirum quò jam prorumpant. Sanctissima quæque
i Eradicare, & convellere dogmata tentant

Infanti: novi & Enceladi, novi ubique Typhæi 40
Sacrilegos armant calamos in sancta, Deumque.
En dejecta oculos, vultus dejecta decoros,

Nuda pedes, trahitur manibus post terga revinctis
Relligio, portans immania vincula collo,
Inter clamores sceleratos. Impia turba 45

It circum captæ insultans, iteransque cachinnos,
Nec sinit audiri gemitus, luctusque piorum.

Siccine? Et hæc ausa impietas impune triumphet?

O ubinam Deus est? Ultiores Numinis este

Vos, Montes, cadite o! Mare tu superobruere, vosque 50

Densa cætervatim obruite orbem fulmina, flammæ.

Hæc ego; & interea ridet mitissimus iras

k Has Deus. Et solem nasci discrimine nullo

Son-

i Ecce inimici tui sonuerunt, & qui oderunt te extulerunt
caput. Ps. 82. v. 3. Promittunt se violare sancta tua,
& polluere tabernaculum nominis tui, & deicere gladio
suo cornu altaris tui. Judith. 9. v. 11.

k Solem suum oriri facis super bonos & malos, & pluit
super justos, & injustos. Matt. 5. v. 45.

- Sontibus, & pluvias jūbet, & descendere rorem
 l De cælo. Exsurge, ingemino, exsurge, exsereq; ensē ;
 Fulmineum, vindexque esto, caussamque tuere
 Ipse tuam. Quare obdormis? Dormire videtur.
 Tanta Deo est mansuetudo, patientia tanta!
 m Non hominum ritu Omnipotens irascitur. Ille
 Quandocumque volet meritas infligere pœnas; 60
 n Nusquam illum reus effugiet, nusquamque latebit
 Abditus. Exiguas vires violentior ira
 Arguit. Ingenio Clemens Deus est, quia nempe
 o Quæ vult cumque potest. Vel cū jam plectere fontes
 Cogitur; horrendos strepitus ciet antè, minaxque 65
 Fulgurat, & vacuo tonitru sine fulminè terret.
 p Ardentem vibrat gladium, multumque, diuque
 Cunctando, & coram circumsonat, obstrepat arcu.
 Terror is elicit gemitum, expressitque dolorem:

Pæ-

- l *Exsurge DEUS judica causam tuam.* Ps. 73. v. 22. *Exsurge, quare obdormis Domine.* Ps. 43. v. 23.
 m *Numquid oculi carnei tibi sunt: aut sicut videt homo & tu videbis?* Job. 10. v. 4.
 n *Tuam manum effugere impossibile est.* Sap. 16. v. 15.
 o *Misereris omnium quia omnia potes.* Sap. 11. v. 24. *Cum tranquillitate judicas; & cum magna reverentia disponis nos: subest enim tibi cum volueris posse.* Sap. 12. v. 18.
 p *Nisi conversi fueritis gladium suum vibravit, arcum tendis, & paravit illum.* Ps. 7. v. 13.

Pœnitet ab! tibimet vix, necdum voce, sed imo 70

Pectore, inauditus dixisti; ast audiit ille;

Et satis hoc fuit: omnipotens elanguit arcus

q Illicet: imbelles manibus cecidere sagittæ:

Pacifica inclusus vagina obmutuit ensis.

Tanta Deo nostro est bonitas, clementia tanta! 75

r Et tamen eluvione olim pessumdedit orbem

Totum: vorticibus flammaram absorbit urbes

f Quatuor, & fumant etiamnum: femina retro

t Penè inconsultò aspiciens sal facta repente est.

u Obtrectatores Moïsis tres ima dehiscens 80

Sub pedibus, vivos tellus, & Tartarus hausit.

x Quadrupedem inter quadrupedes incedere Regem

Fecit, & immundas ad pastum quærere glandes.

Non ita nunc; silet usque Deus, dormire videtur

Altiùs ac olim. Puer est, & prorsus inermis 85

In

*q Agam & ego pœnitentiam super malo, quod cogitavi ut
facerem ei. Jer. 18. v. 8.*

r Gen. 7.

f Gen. 19. Vide interpr. ibi.

t Versa est in statuam salis. Ibid. v. 26.

*u Dirupta est terra sub pedibus eorum... Descenderuntque
vivi in infernum. Num. 16. v. 31. & 33.*

*x Ex hominibus abjectus est, & fœnum ut bos comedit.
Dán. 4. v. 30.*

E

In Matris gremio, pendens & ab ubere dormit,
 Qui Leo terribilis quondam; nunc mitior agnis
 y Agnus, pacificans quas irritavimus iras
 Patris; sanguineas mactatur victima ad aras.
 Non, ut erant olim, in manibus sunt arcus, & ensis. 90
 Hærent infixi clavi, immani, atque profundo
 Vulnere, & omnipotens clavis tribus e cruce pendet,
 z Concilians iterum Mundum Patrique, sibi que.
 a Divina idcirco major Patientia nunc est.

y *Pacificans per sanguinem crucis ejus sive quæ in terris,
 sive quæ in calis sunt. Ad Coloss. 1. v. 20. Quasi A-
 gnus mansuetus qui portatur ad victimam. Jer. 11. v. 19.*
 z *Deus erat in XPIO mundum reconcilians sibi. 2. ad
 Cor. 5. v. 19.*
 a *Secundum altitudinem cali a terra, corroboravit miseri-
 cordiam suam. Pl. 102. v. 11. Quæ superabundavit in
 nobis. Ad Ephes. 1. v. 8.*



J U S T I T I A.

Deus Fidelis , & absque ulla iniquitate
Justus, & Rectus.

Deut. 32. v. 4.

C A R M E N XI.



Redite, Mortales, atque huc adverti-
(te mentes,
Verax, & Justus Deus est, & falle-
(re nescit,

Nec verò falli. Adjecit promissa, minasque

b Magna illa; horrendas verò has: implebit utrumque.
Volventur stellæ in præceps, compagine, cæli;
Rupta solventur, cælumque & terra peribunt;
Verba Dei stabunt. Nullas hinc necere fraudes,
Nullos mercari, aut emptos obtrudere testes
Insanumve forum, falsa aut tabularia possis.

E 2

c Non

b *Vigilabo ego super verbo meo, ut faciam illud. Jer. 1. v.*
et Cælum, & terra transibunt; verba autem mea non
transibunt. Lucæ 21. v. 33.

- c Non ille aut damnare Pios, aut solvere fontes 10
 Ignorans quid agat, temerè delusus iniquis
 Testibus. Humanus nempe hic, & pessimus error
 Deinde odium nullum, nulla illum gratia flectit.
 Non patitur quemquam peccare impune; perinde
 Illi est quidquid eris, seu Rex, five infima plebes. 15
- d Quidquid sint homines; coram illo nil sumus omnes.
 Non quid quis fuerit; sed quid quisque egerit unus,
 Expendit, libransque æquato examine lances
- e Præmia pro meritis, aut pœnas cuique rependit.
 Fert equidem dextra palmas, ensèque sinistra; 20
 Omnipotens sed utraque manu est, multoque cruore
- f Ebrius; ardet adhuc, sitiensque est sanguinis ensis.
- g Illius ad nutum volat atra, & iussa facessit
 Mors: idcirco homines æquo pede proterit omnes:

Et

- c Vere enim DEUS non condemnabit frustra, neque omnipotens subvertet iudicium. Job. 34. v. 12.
 Non enim subtrahet personam cuiusquam Deus, nec verbitur magnitudinem cuiusquam. Sap. 6. v. 8.
- d Omnes gentes quasi non sint, sic sunt coram eo, & quasi nihilum, & inane reputatæ sunt ei. Isa. 40. v. 17.
- e Reddet unicuique secundum opera ejus. Ad Rom. 2. v. 6.
- f Inebriatus est in cælo gladius meus... gladius Domini repletus est sanguine, incrassatus est adipe. Isa. 34. v. 5. & 6.
- g Ante faciem ejus ibit mors. Habac. 3. v. 5.

Et nihil Heroas, Reges nihil illa veretur. 25

b Non equidem abripitur, non exandescit in horas,
More hominum Deus. Exspectat, procrastinat ultro
Tardus vindictam. Sed enim implacabilis ultor
Prorumpit tandem, & quas dudum continet iras,
i Effundit. Veluti indignatur, & aggere rupto, 30
Quo stagnabat iners olim, & sine murmure; tandem
Ingens præcipitat spumoso vortice flumen,
Secum iram, stragemque ferens, sonitumq; metumque,
Et certam sylvis, gregibusque, virisque ruinam.
Vix illac Pastor stans fortè in vertice rupis, 35
Evasit, stragemque oculis exterritus hausit.
Nec meminit jacturam ovium, pecorumque suorum:
Nam sibi adhuc horrens totus, montique veretur.

Sed nihil ista, nihil. Majores aggerat iras

Omnipotens. Immortales accendier ignes 40

k Jussit, & angusto, & tenebroso carcere condi,
Quà coit in centrum tellus. Furit intus anhelus

E 3

Ignis,

h Numquid irascitur per singulos dies? Pl. 7. v. 12.

Exspectat Dominus, ut misereatur vestri. Isa. 30. v. 18.

i Quasi fluvius violentus, quem spiritus Domini cogit.
Ilq. 59. v. 19.

k Præparata est enim ab heri Topheth, a Rege præparata,
profunda & dilatata. Nutrimentum ejus ignis, & li-
gna multa: status Domini sicut torrens sulphuris succen-
dens eam. Isa. 30. v. ult.

Ignis, & obstruæ horrescunt lugubrius umbræ.
 Ne tu hîc tartareum Phlegetonta, amnemq; severum,
 Neve puta hîc Stygiam tristem, pigramq; paludem 45
 Ludicra sunt isthæc. Urunt illi acriùs ignes,
 Majores multò quàm quas finxere Poetæ
 Solvuntur pœnæ. Quænam sint vera, docebo.
 Tum cùm de nihilo Deus orbem, & cuncta vocabat,
 Angeli in Omnipotentem conspirare superbi 50
 I Ausi; supplicia hæc primùm subiere tremenda.
 Hi sunt tortores hominum, torquentur & ipsi,
 Immanes heu! tortores, quæis mille nocendi
 Artes, insidiæ mille, & sævissima semper,
 Et mixta invidiæ rabies: quodd mitior usque est 55
 Erga homines DEUS, & nec promptas exserit iras,
 m Nec simul ut peccant, cogit jam pendere pœnas.
 n Quin ad se ut redeant vocat, invitatque benignus:
 Nec nisi post seram, vult plectere crimina, mortem.
 Ergo indignantes illi in miracula rerum 60
 Transformant sese. Tygres modò sunt, modòq; Ursi,
 Impastique Lupi, atque ungues, rictusque minaces

Ex.

I Paratus est diabolo, & Angelis ejus. Matt. 25. v. 41.
 m Sustinuit in multa patientia vasa iræ apta in interitum.

Ad Rom. 9. v. 22.

n Convertimini, & agite pœnitentiam ab omnibus iniquita-
 tibus vestris: & non erit vobis in ruinam iniquitas.
 Ezech. 18. v. 30.

Exsaturant odijs ululantque, & moribus hærent.
 Fit jam qui nuper Tygris de Tygride vultur,
 Sanguinẽ edax inhiat miserorũ, atque intima tundit 65
 Viscera, rimaturque epulis, & verberat alis,
 Incumbitque, facitque alto sub pectore nidum.
 Ast alij induti furias, ac terga draconum,
 Vipereos stringunt ad pectora, collaque nodos!
 Denteque, & attactu, & suffectis sanguine, & igni 70
 Inspirant oculis saniem, asperguntque venenum.
 Sed quis, fando, illas queat unquam dicere pœnas?
 Aut infanda ullis tormenta includere verbis?

Eminet in pœnis quotquot sunt, præque nefandis
 Tormentis, & præ flammis crudeliũs angit 75
 o Avertisse DEUM faciem, avertisseque vultum,
 Cujus ab aspectu toti dulcedine rorant
 Cæli, cui Sol compositus, cui sydera sordent:
 Et facile potuisse frui, æternũque beari:
 Nec superesse ullam sibi jam spem deinde videndi: 80
 Et neque fas tantos unquam finire dolores.
 p Heu! Suspirabunt mortem, mortemque vocabunt
 Incassum. Absorpti nunquam absumentur ab igne.

E 4

Sem-

o *Juxta immunditiam eorum, & scelus feci eis, & abs-*
condi faciem meam ab illis. Ezech. 39. v. 24. Etenim
cæli distillaverunt a facie Dei Sinai, a facie Dei Israel.
Pf. 67.
 p *Desiderabunt mori, & mors fugiet ab eis. Apoc. 9. v. 6.*

Semper erunt vincti vinclis, tractisque catenis
 Inter commixtas ultoribus ignibus umbras 85
 Inter & ultrices vivaci sulphure flammæ.
 Hæc Deus in fontes nolens, & penè coactus.

Sed quàm ultro ille Pijs ingentia præmia, palmas
 Dividit, & facit immensum, & sine fine beatos!
 Divitias Regum spernunt. Opulentiùs illi 90
 Regnant. Sublimes Solem ipsum, & sidera calcant.
 Nulli ibi sunt gemitus aut luctus. Quidquid acerbi est
 Inter mortales illis longè exulat oris.

- q Nam lacrymas Deus ipse manu detergit amica
 Sanctorum ex oculis. Procul hinc lethumq; laborq; 95
 Angorq; & mæror teterrima nubila, & omnes
 Quæ tacitæ rodunt mortalia pectora curæ.
 Quæ pulsæ exilio terris cessere; ibi regnant
 r Pax animi, & secura quies, Concordiaque inter
 Sese, & purus Amor: solis nam sedibus illis 100
 Est

- q *Absterget Deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra. Apoc. 21. v. 4. Non audietur ultra iniquitas in terra tua, vastitas, & contritio in terminis tuis, & occupabit salus muros tuos, & portas tuas laudatio. Isa. 60. v. 18.*
- r *Sedebit populus meus in pulchritudine pacis, & in tabernaculis fiduciæ. Isa. 32. v. 18. In loco isto dabo pacem dicit Dominus exercituum. Agg. 2. v. 10.*

Est sincerus Amor: neque fert imbuta veneno

Spicula, nec nigro tingit clam felle sagittas.

Non sic sese aliquis; quin tantum diligit omnes

Felices socios, fortunatosque sodales.

Alter in amplexu alterius suavissimus hæret, 105

Alter, & alterius gestit, plauditque triumphis.

Risus ubique, & ubique lepos, cantusque, chorique,

f Deliciæque immortales, Candorque, Fidesque.

Auget lætitiâ veterum meminisse malorum.

t Nam qua mensura, quondam, dum vita fluebat 110

Mortalis, conjurati crevere dolores;

Hac rursus tum deliciæ, tum gaudia crescunt.

u Instar torrentis sanctè ebria pectora inundat

Semper inexhausta, & nunquam interitura voluptas.

Deliciarum equidem tantarum fons, & origo 115

x Ipse illis Deus est. Felices cominus illum

Aspiciunt: nam cesserunt ænigmata, & umbræ,

, Quæ

f *Sancti ejus exultatione exultabunt. Pl. 131. v. 16.*

t *Unusquisque autem propriam mercedem accipiet secundum suum laborem. 1. ad Cor. 3. v. 8.*

u *Inebriabuntur ab ubertate domus tuæ, & torrente voluptatis tuæ potabis eos. Pl. 35. v. 9.*

x *Adimplebis me lætitiâ cum vultu tuo, delectationes in dextera tua usque in finem. Pl. 15. v. ult.*

y Quæ procul aspectu divini luminis arcent,
Mortalesque hebetant visus, oculosque profanos.

Jam coram totum aspiciunt, totoque fruuntur; 120
z Nec capit humanum tam grandia gaudia pectus.

Vos o! Felices estis, nimiumque beati!
a Felicesque eritis donec Deus altus olympo
Regnabit, sceptrumque manu, imperiumque tenebit.

y *Videmus nunc per speculum in ænigmate; tunc autem
facie ad faciem.* 1. ad Cor. 13. v. 12.

z *Oculus non vidit, nec auris audiuit, nec in cor homi-
nis ascendit quæ præparavit Deus his qui diligunt illum.*
1. ad Cor. 2. v. 9.

a *Et securitas in sempiternum.* Ita. 32. v. 17.



PUL-

PULCHRITUDO.

Quorum si specie delectati Deos putaverunt, sciant quantò his dominator eorum speciosior est.

Sap. 13. v. 3.

CARMEN XII.



Iquis pulchri hominis nil miraretur,
(& unam,
Quam jacet a tergo peramaret perdi-
(tus umbram:

Ac repens pedibus, pécudum de more, quaternis,
Inter blanditias, inter mulcentia verba,
Amplexus mille, & mille oscula porgeret umbræ; s
Proh quantæ in miserum sannæ, risusque creparent
Undique! Quæ talis, quæ te dementia cepit
Tanta? Quid instabilem, fugitivâ amplecteris umbrâ?
Nonne vides, quàm sit Dominus mage dignus amari?
Hunc sequere, hunc & ama. Sed nos imitamur iniqui o
Hæc eadem, quæ tantopere objurgamus acerbi
Censores: furor idem, idem nos fascinat error.
Umbras infani sectamur, amamus & umbras.
Repimus, & lippos oculos vix tollimus unquam
Ad

Ad rerum Dominum; & cùm sit pulcherrimus unus : 5
Ille; illo nobis formosior umbra videtur.

Sunt, fateor cæli, Sol, Luna, & sydera pulchra.
Stulti homines specie illecti, captique putabant
Esse Deos. At debuerant cognoscere, quânto

b Qui Solem accendit Sole speciosior ipso est. 20

Ast apage ista, inquis : jampridem infania tanta
Excussa est, tantus jamdudum evanuit error.

Esto, & nec Solem jam homines, nec sydera adorent.

Quid juvat hoc, pejora sibi si numina fingunt,

Pejoresque deos, quàm sunt Sol, sydera, Luna? 25

Femina quæ placuit deus est : hæc sydere Eoo,

Hæc Luna, Aurora, & Sole est pulchrior, hancque

c (Nec pudet hoc homines, ultroq; fatentur) adorant.

Posthabito te, contemptu, Deus alme, nefando;

Quæ tibi deberi edixisti, quæ tibi poscis 30

Cor totum, mentem totam sibi femina tollit

Prædatrix, & sacrilegas contrà erigit aras,

Ac prope divini carni cumulantur honores.

d Fe-

b *A magnitudine enim speciei, & creaturæ cognoscibiliter
poterit creator horum videri. Sap. 13. v. 5. Altitudinis
firmamentum pulchritudo ejus, & species cæli in visione
gloriæ. Eccli. 43. v. 1.*

c *Speciem mulieris alienæ multi admirati reprobi facti sunt.
Eccli. 9. v. 11.*

- d Femina principium luctus fuit una, malique,
 Unaque mortales nos femina perdidit omnes. 35
 Nulla unquam strages, aut pestis acerbior orbem
 e Vastavit, nec tot populos exhaustit, & urbes.
 Multò quàm torvus, profuso sanguine gaudens
 Mars, scelerosa fuit Venus exitialis orbi.

Eja age, & huicce tuæ pulchræ, bellæque puellæ 40
 Deme animã. Quid jã superest? Heu! Triste cadaver.
 En extincti oculi jam sunt, & marcida frontis
 Lilia, pallentesque genæ: nigroreque tincta,
 Murice consumpto, malè hiantia labra dehiscunt.
 Excessere simul cum anima tanta illa venustas, 45
 Ac decor, & teter successit pallor, & horror,
 Incubuitque super tam fœdæ stragis acervum.
 In vultu, inque oculis nidum fecere, cubantque
 Horribiles visu, saturique putredine vermes.

- f En consanguineos carnis, quam stultus adorās. 50
 Umbrã umbræ insanus sequeris. Quæ forma caduca
 g Te

- d *A muliere initium factum est peccati, & per illam omnes morimur. Eccli. 25. v. 33.*
 e *Multos enim vulneratos dejecit, & fortissimi quique interfecti sunt ab ea: viæ inferi domus ejus penetrantes in interiora mortis. Prov. 7. v. 26. & 27.*
 f *Putredini dixi pater meus es; mater mea, & soror mea vermibus. Job. 17. v. 14.*

g Terapit, umbra mera est Animæ, custodia, carcer.
 Umbra, & imago Dei, divinique halitus oris
 Est Anima. Hæc jam compedibus, vinculisque soluta
 Corporis, ut recreat sese, & quæ vincula rupit, 55
 Tamque diu traxit, nec sensit; libera tandem
 Miratur! Meminit cælestis originis: illac
 Ardet abire fuga, & scelerata excedere terra,
 Illacque, unde fuit sibi origo prima, reverti.
 Pulchrior est cunctis cælestibus ignibus. Illam 60
 Attoniti cælorum orbis mirantur euntem.

Quæcumque incedit, pro floribus aurea spargunt
 Lumina, consternuntque viam, pedibusque beatis
 Sydera supponi, & calcari ardentque, petuntque.
 Conjice, si poteris, quanto est formosior Auctor, 65
 A quo processit tamquam levis halitus ille
 Spiritus, Auctoris rude vix imitamen, & umbra,
 Stilla venustatis, divinæ particula auræ.

Aspexisse semel jam te, o pulcherrime rerum,
 Divinique tui vultus pascique, fruique 70
 Lumine, & in te oculos semel intendisse beari est,
 b Consimilesque tui fieri, teque ore referre.
 In te defixos oculosque, animosque tenentes

Pen.

g Educ de custodia animam meam. Ps. 141. v. ult.

h Similes ei erimus, quoniam videbimus eum sicuti est. 1.

Joa. 3. v. 2.

Pennati juvenes primi stellantis Olympi
 Indigenæ, elapsos necdum sensere, putantque 75
 Annos millenos bis jam ter, temporis esse
 Punctum, dum coram te stant, tuaque ora tuentur
 Assidui, aspectuque tuo, obtutuque beantur.
 Vel sola innixi spe, te quandoque videndi
 Coram; terrenam molem, mortalia membra 80
 i Obliti, rapimur sursum, dulcissimus alto
 Irradians vigor incendit præcordia, totis
 Undique divinus sese implicat ossibus ignis.
 Interea, Deus alme, tuo largire Poetæ
 Divinum lumen, divini & luminis auram: 85
 Nempe ut de te uno deinceps jam cogitet, & te
 k (Nam solus pulcher demum tu es) diligat unum.

i Defecit caro mea, & cor meum: Deus cordis mei &
 pars mea, Deus in æternum. Ps. 72. v. 26. Quem visu-
 rus sum ego ipse & non alius, & oculi mei conspecturi
 sunt, & non alius: reposita est hæc spes mea in sinu meo.
 Job. 19. v. 27.

k Ecce tu pulcher es dilecte mi. Cant. 1. v. 15. Totus de-
 siderabilis: talis est dilectus meus. Cant. 5. v. 16.

R E F U G I U M.

Deus noster Refugium, & virtus, adjutor
in tribulationibus, quæ invenerunt nos nimis.

Pf. 45. v. 1.

C A R M E N XIII.



QUàm sumus ah! miseri mortales! Nasci-
mur omnes (mur omnes
Flendo: sentimus primo ipso in limi-
(ne vitæ
Quæ mala nos, & quanta manent, & pœnitet auram
Vitalem hausisse, & materno exisse sepulchro.
Flendo etiam morimur: lacrymæ, pars ultima vitæ, &
Injussæ exiliunt, morientum & lumina claudunt.
Humanam luctus vitam concludit utrinque.
A luctu ordimur, luctu finimus eandem:
A fine in finem lacrymarum uberrima vita est.
m Felices, quibus extremas, ægrèque cadentes

Ex-

1 *Primam vocem similem omnibus emissi plorans. Sap. 7.
v. 3.*

m *Et laudavi magis mortuos quam viventes, & feliciorum
utroque judicavi qui necdum natus est, nec vidit mala
quæ sub Sole sunt. Eccle. 4. v. 2. & 3.*

- Expressit jam mors lacrymas! Felicior ille
 Qui necdum natus, nec vidit quæ mala fiunt
 Sub Sole, & necdum cervice excepit acerbum,
 n Triste jugum, infelices quod portamus Adami
 Posterius, ab ipso utero jam Matris ad usque sepulchrũ. 15
 o Non solius, sceptrum, diadema, aut purpura Regum
 Felices faciunt: non quos vertigine capti
 Cæca, fumosos, vapidosque sitimus honores:
 Non quæ divitiæ prope Ditis regna profundi
 Amandatæ, ipsa invita, ægrèque ferente 20
 Natura, manibus passim effodiuntur avaris.
 p Audent, & scandunt solium, perque aurea tecta,
 Per constrata ostro volitant laquearia curæ

Mor-

- n Jugum grave super filios Adam a die exitus de ventre
 matris eorum, usque in diem sepulture in matrem om-
 nium. Eccli. 40. v. 1.
 o Ego Ecclesiastes fui Rex in Jerusalem. Eccle. 1. v. 12.
 Et omnia quæ desideraverunt oculi mei, non negavi eis...
 Vidi in omnibus vanitatem, & afflictionem animi. Ibid.
 2. v. 10., & 11.
 p A residente super sedem gloriosam usque ad humiliatum
 in terra, & cinere, ab eo qui utitur hyacintho, & por-
 tat coronam, usque ad eum qui operitur lino crudo,
 zelus, tumultus, fluctuatio, & timor mortis. Eccli. 40.
 v. 3. & 4.

F

Mordaces, mentisque vagi, infomnesque tumultus.
 Et rigidi medio nascuntur pectore sentes. 25
 Nemo fuit, nemo est felix mortalis, eritve
 Unquam. Infelices homines æquè sumus omnes.

- q Nusquam inventa quies; semper quæsitæ. Recedit
 Ac fugit, & nostris quàm longè illa exulat oris.
 Ac veluti montes, quando e convalle profunda 30
 Et procul aspicimus, contingere vertice cælum,
 Syderibusque ipsis caput inseruisse putamus;
 Subsidit tamen immensum, prorsusque perinde
 Quantum humilis vallis tantū mons distat Olympo:
 Sic itidem quos aut opibus, pompave, & honore 35
 Extolli aspicimus, felices remur; at illi
 Interea miseri sibi sunt, miserieque perinde
 Ac nos: & contrà credunt nos esse beatos
 Duntaxat; stultusque errore rependitur error.

Vita mare, & litus mors est, quò tendimus: illac 40
 Imus per fluctus, & amararum undique aquarum
 Conflatus, per mille vices, per mille pericla.
 Vix respiramus: nam vix emerimus una;

- r Mergimur ecce alia miseri, obruimurque procella.

Ven-

- q *Oculus meus afflictus est, nec tacuit, eo quod non esset
 requies.* Thron. 3. v. 49.

- r *Circumdederunt me aquæ usque ad animam; abyssus val-
 lavit me, pelagus operuit caput meum.* Jonæ. 2. v. 6.

Ventorum rabies siquando fessa remisit; 45

Mox redit asperior; positasque redintegrat iras.

f Nulla dies unquam tota est, qua lenior aura
Spiret, & irasci faciles non asperet undas.

Siquando ulla quies affulget; perfida rursus

Terga dat, ac velut umbra fugit, suspiria secum; 50

Nostra ferens, serò, aut nunquam reditura deinceps.

Hæremus tabulis ægrè & vix pectora nuda.

Fluctibus objicimus, nec respirare potestas.

Obdurare animum, queiscumque & fluctibus actum

Perstare immotum, ceu stat Marpesia cautes, 55

Et nec sentire, ut blaterat bona turba sophorum;

Grandiloquæ nugæ, mera sunt, & inania verba.

Sentimus mala nostra nimis. Nec marmore nobis

t Obliguit, neque fustum e ferro est, ære pectus.

Ad cælū aspicere, & moribundos tollere vultus 60

u Spes una est. In te una salus, Deus alme. Perimus.

F 2

* Huc

f *Cuncti dies ejus doloribus, & ærumnis pleni sunt. Ec-
cle. 2. v. 23.*

c *Nec fortitudo lapidum fortitudo mea, neccaro mea aenea
est. Job. 6. v. 12.*

u *Spes mea tu in die afflictionis. Jer. 17. v. 17. Dominus
illuminatio mea, & salus mea. Ps. 26. v. 1. Dic animæ
meæ: salus tua ego sum. Ps. 34. v. 3.*

- x Huc ades o! Misero succurre, extendeque dextram.
 Vel dic: nam verbo tumidos tu frangere fluctus
 Et potes, & plerumque soles: dic, & satis hoc est.
- y Impera, & attoniti venti, fluctusque silebunt: 65
 Stagni instar, placidi sternentur: marmoris instar
 Pigrescent, pedibusque dabunt iter æquora tutum.
 Impera, & hanc illac fugient, retroque reductæ
 Arrestæ stabunt undæ, siccumque profundum
- x Linquent, per mediumque mihi via tuta patebit. 70
 Impera, & immani siquod me gutture Cete
 Hauferit, atque avida, vastaue voragine ventris
- a Condiderit; vomet incolumem, ac me in littore ponet
 Servatum bis ab utro utro majore periclo.
 Siquod in obscurum barathrû, caveamve Leonum 75
 Dejiciat præceps, ingentique ostia saxo
- b Desuper occludant, nec sit spes ulla relicta;

Tu

- x *Salvum fac dextera tua.* Pl. 59. v. 7. & Pl. 107. v. 7.
- y *In sermone ejus siluit ventus, & cogitatione sua placavit abyssum.* Eccli. 43. v. 25.
- x *Et mare divisisti ante eos, & transferunt per medium maris in sicco.* 2. Eld. 9. v. 11.
- a *Et dixit Dominus pisci, & evomuit Jonam in aridam.* Jonæ. 2. v. ult.
- b *Adduxerunt Danielelem, & miserunt eum in lacum leonum ... Allatusque est lapis unus, & positus est super os lacu.* Dan. 6. v. 16, & 17.

Tu placidos nutu efficies, cicuresque Leones,
 c Oraque compesces multam sitientia mortem.
 Ante pedes illi innocui, blandique jacebunt, 80
 Agnorum ritu, complaudentisve catelli,
 Et palpanda manu præbebunt colla, jubaſque.
 Si me compedibus geminis, manicisque revinctum
 In quater accensam gravius, graviusque furentem
 d Fornacem de me victrix manus impia trudat; 85
 Non me destituas ibi tu: tu vincula franges
 Ferrea: tu solves ærato ab compede plantas:
 Et gradiar medios, media fornace, per ignes
 Incolumis: neque dum tenues violare capillos
 Audebunt flammæ, neque dum contingere vestes. 90
 Tanquam essem circum rorantibus undique fultus
 c Floribus, indutusve roſis, ibi rore madēbo,
 Et respirabo placidas placidissimas auras.
 Hæc Deus & tu olim fecisti, & quando libebit
 Efficies. Quod si nolis, & sæviat ignis, 95

F 3

Tu-

c *Deus meus misit Angelum suum, & conclusit ora Leonum, & non nocuerunt mihi.* Ibid. v. 22.
 d *Ceciderunt in medio camino ignis ardentis, colligati.* Dan. 3. v. 23. *Et non cessabant qui miserant eos ministri Regis succendere fornacem.* Ibid. v. 46.
 e *Et fecit medium fornacis quasi ventum roris flantem, & non tetigit eos omnino ignis, neque contristavit, nec quicquam molestiæ intulit.* Ibid. v. 50.

Tuque finas, procul usque a me & videaris abesse:
f Atque: *Ubi*, dic, *ubinam Deus est tuus?* acta nefanda
 Impietas rabie, morienti clangat ad aurem;
g Nempe ibi tu mihi eris præsens, animosque viriles
 Addes, queis possim crudelem spernere mortem. 100
Versa, & *manduca*, dicam pleno ore. Triumphus
 Hic major; minor est flammæ cohibere furentes:
 Effugere illud erat; sed enim hoc est vincere mortem.
 Ecce ad sis modò tu, DEUS alme, in utrumq; paratû
 Me: quodcumq; voles; hoc me quodcumq; iurabit, 105
 Aut fugere irrisam, aut irrisæ occumbere morti.

f *Ubi est Dominus Deus tuus?* Mich. 7. v. 10.

g *Etiam si occiderit me, in ipso sperabo.* Job. 13. v. 15,



DOMINUS EXERCITUUM.

Dominus Exercituum nomen ejus.

*Isa. 48. v. 2.**Amos 4. v. ult.*

C A R M E N XIV.



Ncassum struit aerias ad mœnia turres,
 Incassū æratas vigilat defendere portas,
 Et tumido iratos bombo Mars evo-
 (mit ignes,

Excubijsque urbem, ac densa statione coronat.

Urbs captiva solo sternetur tota, ruetque, 5

b Nisi Dominus custodem agat, & circumtegat illam.

Contrà, si Dominus tutabitur; impia frustra

i Arma frement circùm. Veluti insano obstrepit unda

Murmure, & attollit circùm spumasque, minasque;

Sed tandem fessa, atque ad rupem illisa recedit. 10

F 4

Re-

h Nisi Dominus custodierit civitatem, frustra vigilat qui
 custodit eam. Ps. 126. v. 1.

i Bellabunt abversum te, & non prævalebunt: quia ego
 tecum sum ut salvem te, & eruam te, dicit Dominus.
 Jer. 15. v. 20.

Rege sub Ezechia, penè obruta, penèque capta
 Lugebant Solyma, & nil non crudele timebant.
 Barbarus, assuetusque deos contemnere victor
 Cum prope centenis bis millibus ibat ad urbem,
 Ac demens insultabat Regique, Deoque. 15

Rex pius interea ad cælum tendebat inermes
 * Cum fletu, gemituque manus. Tu, qui regis Israel,
 Sublimisque Cherubinis accumbis, & unus
 Es DEUS, & Regum terræ Rex, quique jubendo,
 Et nutu cælum, terramque, & cuncta creasti, 20
 Eja age, caussa tua est: audi quæ, quàmque nefanda
 Assyrius. Tu deturba, tu sterne superbum:
 Te putat ille, instar statuarum, instarque deorum
 Fictilium, quos comminuit, quos tradidit igni
 Irridens. Fac, te esse, sciat, Dominumque, Deumq; 25
 Fac, sciat, esse tuam dextramque, iramque potentem.
 Audiit, & cælo Omnipotens miseratus ab alto est.

I Oſto-

* Oravit in conspectu ejus, dicens: Domine Deus Israel
 qui sedes super cherubin, tu es Deus solus omnium Re-
 gum terræ, tu fecisti cælum, & terram... Audi om-
 nia verba Sennacherib, qui misit, ut exprobraret nobis
 Deum viventem... Nunc igitur Domine Deus noster,
 salvos nos fac de manu ejus, ut sciant omnia regna ter-
 ræ, quia tu es Dominus Deus solus. 4. Reg. 19. a. v.
 15. ad 19.

- l Octoginta hominum, centumque, & millia quinque
 Dat. morti, atque improvise uno demetit ictu
 Angelus. Undabat cruor undiq; , & undiq, onusti 30
 Tanta strage ipsi montes, campique gemitant.
 Nec cladem illius noctis, nec funera quisquam,
 Explere, aut ullis queat unquam expromere verbis.
 Non tamen interit Rex impius. Esse superstes
 m Debit, ut cladem totam sentiret, & inter 35
 Horroremque, metumque, & strata cadavera posset
 Vix reperire viam, vix morti vertere terga
 Tantillum. Nam mox ferro confossus ab ipsis
 n Gnatis, æternas fugit indignatus ad umbras.
 Sic plerumque hebetat, confringit, & impia ridet 40
 Arma DEUS. Siquidem mors, & victoria parent
 o Illi uni, nutusque suos, sua jussa sequuntur.
 Nec semper vult de cælis accire ministrum
 Alipedem, ultorem. Jubet ille aciesque, ducesque
 p Im-

- l Factum est igitur nocte illa venit Angelus Domini, &
 percussit in castris Assyriorum centum octoginta quinque
 millia. Ibid. v. 35.
 m Vidit omnia corpora mortuorum, & recedens abiit. Ibid.
 n Adramelech, & Sarasar filij ejus percusserunt eum gla-
 dio. Ibid. v. ult.
 o Non secundum armorum potentiam, sed prout ipsi placet
 dat dignis victoriam. 2. Mach. 13. v. 21.

- p Imbellis gladio, vel clavo femina fundit. 45
 Vel puer in funda & lapide. En procedere nescit
 Armatus, galeamque, ensēque, ut inutile pondus
 Abjicit, & torpet belli ad præludia David,
 Et puer, & pastor rudis est, & inutilis armis.
 Quinque sibi lapides, en arma, elegit; at unus 50
 Sat fuit. Ut primo contorsit verberare fundam;
- q Corruit immani, scopulosa mole Gethæus
 Cum gemitu, introrsumq; lapis cerebro altus inhæsit.
 Non secus ac nubes prætergressa, ardua pulsans
 Sydera ferali cono, concussa trifulco 55
 Fulmine, & ab summis radicibus eruta, grandi
 Sylvarum fremitu, tundit terram cyparissus.
 Prorumpit victor, detractoque ense, jacenti
 Nubiferum abscindit caput, ostentatque trophæum.
- r Confurgit plausus: Potuit Saul vincere mille; 60
 Sed tu, Jessiades, vincis bis millia quinque.
 Tu tamen interea: sunt isthæc rara, reponis,
 Nec

p Judith. 13. v. 10. & Judic. 4. v. 21.

q In tollendo manum saxo fundæ deiecit exultationem Goliæ: nam invocavit Dominum omnipotentem, & dedit in dextera ejus tollere hominem fortem in bello, & exaltare cornu gentis suæ. Eccli. 47. v. 5., & 6.

r Et præcinebant mulieres ludentes, atque dicentes: Percussit Saul mille, & David decem millia. 1. Reg. 18. v. 7.

Nec passim eveniunt. Ego contrà dicere pergo,
 Plerumque hæc fieri. Non humana arte reguntur
 f Bella, neque humano ingenio victoria surgit. 65
 Immigrat improvisa aliò, manibusque proterva
 Avolat, & spes humanas traducere gessit.
 Fortia quæque cadunt; surgunt infirma repente:
 Et lapis exiguus, casu de monte revulsus;
 Ingentem vasta prosternit mole colossus, 70
 Auro, atque argento, ferroque, armisque superbum.
 Esse DEUM, occultamq; manû, quæ clâ regat arma
 Consensere omnes gentes. Hoc magna subinde
 Viribus imperia exiguis deleta docebant;
 Resque adeo bello variæ; sed nomen inane 75
 Palladis & Martis nequidquam in vota vocabant.
 Nempe invisibilis manus est, quæ præsidet armis,
 Estque exercituum Dominus DEUS. Incutit ille
 Desuper, ut lubet, his, illisve, adimitve timorem:
 In-

f *Non enim in arcu meo sperabo; & gladius meus non
 salvabit me.* Pl. 43. v. 7.

x *Arcus fortium superatus est, & infirmi accincti sunt ro-
 bore.* 1. Reg. 2. v. 4.

Dan. 2. v. 34. & 35.

u *Dei quippe est adjuvare, & in fugam convertere.* 2. Pa-
 ral. 25. v. 8. *Dabo pavorem in cordibus eorum...* ter-
 rebit eos sonitus folij volantis. Levit. 26. v. 36.

Ingenium, vires, animum, ut vult, demit, & addit. 80

x En cur parva manus sæpe immensa agmina fundit,
Ut sancti annales passim, & monumenta profana,
Ætatesque omnes millena exempla ministrant.

y Huc ego te, magnum compello, Jussua, testem,
Cujus ad imperium Jericunthis mœnia prorsum 85
Strata solo, non balista, non ariete crebro;
Sed clangore uno, & geminato horrore tubarum.
Te quoque, bellipotens o Samson, teque, Gedeon,
Magnificos testes, & te, Machabæ, vocabo
Juda huc. Imparibus quoties vos viribus hostes 90
Fudistis? Quantos confusæ stragis acervos,
Maxilla tu asini, Samson, vos ense dedistis?

Nec te præteream, nostra ut quoque tempora tangam,
Austriaca (satis hoc fuerit) de gente, Joannes:
Quem super & Marios, super & duo fulmina belli 95
Scipiades, & quos alios quæ subdidit orbem

Ja-

x Quomodo persequatur unus mille, & duo fugent decem
millia? Nonne ideo, quia Deus suos vendidit eos, &
Dominus conclusit illos? Deut. 32. v. 30.

y Deficiet enim me tempus enarrantem de Gedeon, Barac,
Samson, Jephthæ, David, Samuel, & Prophetis, qui per
fidem vicerunt regna . . . obturaverunt ora Leonum, ex-
tinxerunt impetum ignis, effugerunt aciem gladii, con-
valuerunt de infirmitate, fortes facti sunt in bello, ca-
stra verterunt exterorum. Ad Heb. 11. v. 32. & seq.

Jactat Rôma duces, Naupacti gloria tolles.
 Te tremuit, stetit & medio conterrita cælo
 Odrysium numen, pullata, & pallida Luna.
 Agnovit te victorem, abjecitque tridentem 100
 Neptunus, tibi & imperio, tibi & æquore cessit.
 Tu mare, Naupacti circum quod littora lambit,
 Thracum effecisti sparso undique sanguine nigrum.
 Tu cladem pelagi classem, lunataque contis
 Agmina vicisti, submersistisque profundo: 105
 Dum pius ille senex, *Pius*, & cognomine *Quintus*,
 Quem tunc ornabant sceptrumque, sacerque tiaras,
 Urgebat precibus, tibi ut hæc victoria tanta
 Inde exercituum ab Domino ad te missa veniret.
 z Ah pereat quicumque DEUM obliviscitur, inq; 110
 Milite, & insanis cassam spem ponit in armis!

z *Maledictus homo, qui confidit in homine, & ponit carnem brachium suum, & a Domino recedit cor ejus. Jer. 17. v. 5.*



SCRU.

S C R U T A N S C O R :

Tu solus nosti cor omnium filiorum
hominum.

3. Reg. 8. v. 39.

2. Paral. 6. v. 30.

C A R M E N X V.



Effore conclusum medio cor, & un-
(dique vallo
Perplexo septum gerimus. Penetrabi-
(le nulli est.

Scindit homo, & referat ferro penetralia terræ,
Et trahit inde quod attonitum tum palluit aurum,
Admirans, latebras vinci, & sua claustra recludi.
Quin barathrū explorat maris, immensumq; profundū
Rimatur fune, & plumbo, descendereque audet.
Illac, & ponti toto sub gurgite gemmas
Vindicat, & gazam furacibus eximit undis.
Quin etiam canna oblonga sese inserit astris, 10
Astrorumque vias premit, implexosque meatus:

Et

2 Præsumptum est cor hominis, & inscrutabile. Quis cognosces
illud? Jer. 17. v. 9.

Et quam quodque viam, quem cursum quodq; tenebit,
Quosque abitus peragent, reditusque in sæcula mille
Non dubitat, certis Vates præfigere fastis;

At non humani penetrare in pectoris ima 15

Evaluit: neque eum juvat hic industria victrix
Sæpe alibi, totis cælo, terraque, marique.

Et tamen hocce parum est. Superis delapsus ab auris
Angelus, ingenium, viresque, hominumque labores

Immane est quantum superet, perque omnia vincat. 20

Nec tamen humani potis ille repagula cordis
Vincere, inaccessas neque debellare latebras.

Colligit usque adeo totum se, seque coarctat

Intus, & ambiguis cor sese ambagibus addit.

Præterquam Domino, nulli hos intrare recessus 25

Fas. Geminæ arcani claves sunt: & dedit ille
Unam, cuique suam nobis; aliam sibi servat.

b *Scrutans cor* nomen divinum est, & Deus inde
Stemma sibi, titulumque, & vult adscisere nomen.

c Olli cuncta patent tacita quæ mente revolvis 30
Clam,

b *Ego Dominus scrutans cor.* Jer. 17. v. 10. *Scrutans cor-*
da, & renes Deus. Ps. 7. v. 10.

c *Oculi Domini multo lucidiores sunt super Solem, circum-*
spicientes omnes vias hominum, & profundum abyssi, &
hominum sorda intuentes in absconditas partes. Eccli.
23. v. 28.

Clam, tecum vix, quæque adyto interiore recondis:
 Quæ desiderio vix est amplexa fugaci
 Ocyor & ventis, rapidique citatior alis
 Fulminis, introgressa, simulque egressa voluntas.
 Intravit, fugitque etiam indeprensa, nec illam 35
 Præ foribus stantes oculi sensere, nec aures,
 Excubiasque tuas veniensque, abiensque fefellit.
 Hæret, & interdum sese impedit, inque voluta
 Mens vario, ancipitique irretitur labyrintho
 Ipsa suo. Nolens gressusque, notasque viarum 40
 Turbat: & ipsa sui stupet inscía, nescit ubi sit.
 d Ast introspiciens discriminat omnia, & omnes
 Dinumerat gressus DEUS, ambagesque resolvit:
 e Et faciem ambiguum scelerum, tricasque bilingues
 Expedit; ac toti orbi olim vulganda reservat. 45
 Nemo hominû menti, atq; animo præscribere leges
 Ausus, nec potuit. Sunt regna illa invia nobis.
 Non amor, aut odium sanciri, aut pectore pelli.
 Nec desiderium contundi, aut lege vetari,
 Aut perimi humana potuit satis. Usque latebit 50

Tu-

- d Intellexisti cogitationes meas de longe, semitam meam,
 & funiculum meum investigasti: Et omnes vias meas
 prævidisti. Ps. 138. v. 2 & 3.
 e Ipse revelat profunda, & abscondita, & novit in tene-
 bris constituta, & lux cum eo est. Dan. 2. v. 22.

Tutum; nec possis tenebrosum extundere furtum.
 Altius assurgit, mentemque, animumque coercet,
 Et desiderium vetat, atque indicit amorem
 Lex divina. Est illa quidem mitissima; at imis
f Cordibus inscripta est, mediisque infixa medullis. 55
 Tota anima, totis, quibus intus agitque, valetque
 Viribus, ac totis, penitusque edicit amandum
g Corde, ac mente DEUM. Hoc primum. Simile
 (inde secundum

Inter sese homines nectens dulcissimè, amare,
 Ut se quisque, alium jubet. His contenta duobus 60
 Divina est pulchri lex quàm suavissima amoris.
 Et si inter sylvas, & inhospita lustra ferarum
 Nutritus, nequedum vocem auscultaveris unquam
 Humanam, neque mandata hæc exceperis auro;
 Corde geres, hanc & legem tibi dicet amoris, 65
 Auctoremque tuum tua te mens ipsa docebit.

b Adve-

f Dabo legem meam in visceribus eorum, & in corde eorum scribam eam. Jer. 31. v. 33.
g Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua. Luc. 10. v. 27. Hoc est maximum, & primum mandatum. Secundum autem simile est huic, diliges proximum tuum sicut te ipsum. In his duobus mandatis universa lex pendet. Matth. 22. v. 38.

G

- b* Adveniet suprema dies, quo buccina signum
 Terribilis dabit horrendum, & consurgere gentes
 Undique, & ex imis eructari ossa sepulchris
 Semesa, & sparsos cineres hinc inde coire 70
 Rursus, & absumpta instaurari corpora, rursusque
 Erigi, & actutum sisti imperiosa jubebit.
- i* Ante tribunal divinum tum stabimus omnes,
k Quanto pro! quanto attoniti exsanguesque pavor!
 Tum demum secreta adyta, & penetralia cordis 75
l Humani incustodita, & nudata patebunt
 Omnibus. Ut siqua grandi stupefacta ruina
 Pandat se tellus imo, umbrarumque profundum
 Sistat sese oculis patulum, trepidareque cernas
 Insueta attonitos luce, & formidine Manes. 80
 Huc ego Philosophos istos, qui credere nollent
m Esse DEUM, arcanis nostris qui sensibus adsit
 Præ.
- h* *Dies tubæ & clangoris.* Sophon. i. v. 16. Canet enim
 tuba, & mortui resurgent. i. ad Cor. 15. v. 52.
i *Omnes enim stabimus ante tribunal Christi.* Ad Rom.
 14. v. 9.
k *Unusquisque ad proximum suum stupebit: facies combustæ
 vultus eorum.* Isa. 13. v. 8.
l *Illuminabit abscondita tenebrarum, & manifestabit confi-
 lia cordium.* i. ad Cor. 4. v. 5.
m *Et dixerunt: non videbit Dominus, nec intelliget Deus
 Jacob.* Ps. 93. v. 7.

Præsens, qui fundo conantur vertere sancta
Dogmata, uti sistant sese; compello, citoque.

Huc veteratores vafros; prætere vultu 85

n Præclaram solitos larvâ pietatis; & hamos
Interæa instruere, & secretos tendere casses,
Et simulare fidem, & fraudem prætexere risu.

Fingit olbrinas interdum noctua plumas

Subdola, velleribusque agni didicere rapaces 90

o Delituisse lupi, & balatum reddere voce.

Detrahet illa dies has larvas: fraudesque, dolusque
Victi aberunt, abituque suo, in sua quæquæ reponent.

p Tunc respirabunt quos atra calumnia preffit
Infantes: & quas dudum traxere, videbunt 95

q In scelèrum artifices translatas esse catenas.

Quæ pietas sincera, olim dum vitâ manebat,

Conspectum fugiens hominum, contentaque solo

Teste Deo, obscuris ultro sese abdidit umbris;

G 2

r Effe-

n Habentes quidem speciem pietatis; virtutem autem ejus
abnegantes. 2. ad Tim. 3. v. 5.

o Veniunt ad vos in vestimentis ovium; intrinsecus autem
sunt lupi rapaces. Matt. 7. v. 15.

p Iudicabit pauperes populi, & salvos faciet filios pauperum:
& humiliabit calumniatorem. Ps. 71. v. 4.

q Juxta est dies Domini super omnes gentes: sicut fecisti,
fiet tibi, retributionem tuam convertet in caput tuum.
Abdias v. 15.

r Efferet os sacrum cælo, & regnabit olympo, 100
 Ceu regnat postquam latuit dudum obruta, tandem
 Per pigra irrumpens, nocturnaue nubila Luna.

r Tunc erumpet quasi mane lumen tuum ... & anteibit
 faciem tuam justitia tua, & gloria Domini colliget te.
 Isa. 58. v. 8. Et requiem tibi dabit Dominus semper, &
 implebit splendoribus animam tuam, & ossa tua libera-
 bit, & erit quasi hortus irriguus, & sicut fons aquarum,
 cujus non deficient aquæ, Ibid. v. 11.



Qui

Qui facit mirabilia solus.

Pf. 71. v. 15.

Pf. 135. v. 4.

C A R M E N XVI.



QUAE tu cumquē oculos, mentemque,
 (animumque reflectas,
 Divini Artificis surgunt impressa si-
 (gilla,
 Omnipotensque ubivis manus eminet. Undiq; cælum
 Portenta, ac portenta etiam fert undique tellus.
 Sed tamen his, longo a pueris assuevimus usu; 5
 Nilque admiramur nisi rarum. Sydera, Solem
 Spernimus immemores; at enim si forte minacem
 Explicuit cælo barbam, crinemve Cometa,
 Tum verò attoniti vulgò puerique, senesque
 Attollunt caput in cælum: oblitosque quietis 10
 Haud piget insomnem admirando ducere noctem.
 Scilicet excutimur somno, excutimurque veterino
 Cum nova lux oculos perstringit, cum tonat altè
 Omnipotens, cum quas fixit, rerumque perennes
 Principio statuit leges, nutu ipse refigit. 15
 Et facit interdum hoc DEUS, ut torpore jacentes
 Excitet, utque sua sibi amicos protegat umbra.

G 3

Quam

Quam gentem DEUS e reliquis sibi legerat unam
 Relligione piam, sanctisque parentibus ortam
 Servitio addictam infami, infanoque labori 20
 Vexabat Pharaon, ac sensim delere parabat.
 Armavit Mosem virga DEUS, ireque jussit,
 Et portentorum magna vi rumpere vincla
 Captivi populi, & Regem terrere superbum.
 O tu, si scires quantam, Rex impię, cladem 25
 Et tibi, & Ægypto toti virga illa ferebat!

Principio in colubrum immanem conversa, ferocem
 Exsertans linguam, improvisaque guttura pandens,
 f Dentibus infrendens indignabunda; voravit
 Quos similes fecere Magi, aut finxere dracones. 30
 Prodigium! Majora tamen portenta manebant.

Percussus virga, mutata decolor unda,
 r Obscœno intumuit retro, obrigitque cruore
 Nilus, & oblitus cursum, sitiens fletit amnis.
 Frustra inde innatis conati assurgere remis; 35
 u Hæserunt putri tumulati in sanguine pisces.

Stagna, lacus, fontes, urnæque, & aquaria vasa
 Om-

f Projeceruntque singuli virgas suas, quæ versæ sunt in dra-
 cones: sed devoravit virga Aaron virgas eorum. Ex. 7. v. 12.

t Et elevans virgam, percussit aquam fluminis, coram Pha-
 raone, & servis ejus: quæ versa est in sanguinem. E-
 xod. 7. v. 20.

u Et pisces qui erant in flumine mortui sunt. Ibid. v. 21.

Omnia sanguis erant, horrebantque omnia tabo ;
 * Nec sedare sitim fas, nec restinguere lympa.

Rursus ad imperium virgæ, erupere repente 40
 , Spissa coaxantum triste, absurdèque canentum
 Agmina ranarum. Agros, urbes, tecta, domosque,
 Ipsaquemet penetralia, pulvinaria Regis
 Pestifera illuvie cum raucifono lamento
 Omnia sædabant, complebantque omnia ranæ: 45
 Nec cibo ali, neque fas unquam dare lumina somno.

z Rantis dein culicum nimbi, horribilesque phalanges
 Successere. Æstu accensus veluti irruiit Auster,
 Pulvereamque trahens tenebroso turbine nubem,
 Eripit, abducitque oculis lucemque, diemque. 50
 Vulnera portantes, & inevitabile telum,
 Atrox, atroci stimuloque, tubaque ciebant
 Bellum, nulla unquam requie, nec pace sequestra.

a His cognata phalanx suffecta est pessima musca,

G 4

Quam

x Convertit in sanguinem flumina eorum, & imbres eorum,
 ne biberent. Pl. 77. v. 44.

y Ebulliet fluuius ranas, quæ ascendent, & ingredientur
 domum tuam, & cubiculum lecti tui, & super stratum
 tuum. Ex. 8. v. 3.

z Omnis pulvis terræ versus est in sciniphes per totam ter-
 ram Ægypti. Ibid. v. 17.

a Et venit musca gravissima in domos Pharaonis, & scr-
 vorum ejus, & in omnem terram Ægypti. Ibid. v. 24.

Quam dixere OEstrum Græci, cui nomen Afilo
Romanum est. Audax, & sanguinolenta caterva ;
Horrendis latè implebat stridoribus auras.

Quoque magis biberat ; mage mox sitibunda bibebat
Effusum rivis pecudumque, hominumque cruorem.

Hanc tamen asperior clades, & plaga sequuta est.

b Corrupto cæli tractu, teterrima pestis 60

Ingruit, & pecudum genus omne, armenta, gregesque

Exitio dabat, & morti. Validi sub aratro

Interclusa anima, occumbebant alter, & alter,

Et super hunc alijs geminata morte juvenci.

Demittunt aures, patulis & naribus ægrè 65

Spirant, & tremulo tundentes vix pede terram

Exanimi sternuntur equi: passimque cameli

Dulces exhalant animas: & cum grege toto,

Balatu in medio procumbit spes gregis agnus.

c Nec tamen Isacidum pestis popularier agros 70

Ausa est, aut pecudes, armentave dedere morti.

Et mirabatur; sed verò obduruerat Rex.

d Impius, exemplum feris ætatibus olim,

Heu!

b Super equos, & asinos, & camelos, & boves, & oves
pestis valde gravis. Exod. 9. v. 3.

c De animalibus vero filiorum Israel nihil omnino periit.
Ibid. v. 6.

d Ingravatumque est cor Pharaonis, & non dimisit popu-
lum. Ibid. v. 7.

Heu! nimium triste exemplum, ostentumq; futurum.

Pulveris exigui jactu, cinerisque pugillō 75

- e In cælum sparso, Moses nova vulnera genti
Intulit: insana serpens prurigne, fœdis
Ulceribus, papulisque ardentibus omnia vulgò
Corpora, contactosque artus sacer ignis edebat.
Nec verò hîc juvere Magos præstigia, & artes 80
Circææ: probrosam hanc ab se avertere pestem,
f Nullis carminibus miseri potuere, nec herbis.

At Rex nec mentem insanam, nec ferrea corda
Exuerat: promissa dabat; promissa negabat.

- g Elata Moses virga, cælum omne tumultu 85
Miscuit. Ægypto non unquam cognita grando
Fulminibus commixta ruit: tonat omne fragore
Insolito cælum: trifida face fulmen, & imber
Saxeus immani devastant pondere sylvas,

Et

- e Tuleruntque cinerem de camino, & steterunt coram Pha-
raone, & sparsit illum Moyses in cælum: factaque sunt ul-
cera vesficarum turgentium in universa terra Ægypti.
Ibid. v. 10.

- f Nec poterant malefisci stare coram Moyse propter ulcera.
Ibid. v. 11.

- g Extenditque Moyses virgam in cælum, & dedit Domi-
nus tonitrua, & grandinem ... Et percussit grando in
omni terra Ægypti cuncta quæ fuerant in agris ab homi-
ne usque ad jumentum. Ex. 9. v. 23. & 25.

Et nemora, & frondes circum, pecudesque, virosque. 90

b At verò Hebræis in Gessen omnia tuta.

Necdum Rex sapere, & necdum ad sese ipse redire.

i Extenta rursus virga, nova plaga locusta
Siquid erat reliquum petrosæ grandinis iræ;
Consumpsit. Nusquam frondes, aut læta, virensve 95
Arbos, aut pomum, aut fructus, foliumve superstes,
Aut gramen. Nudi squallebant undique campi,
Inque voluta suo lugebat funere tellus.

k Rex incusabat sese, & resipiscere tandem
Velle videbatur; sed vix terrore solutus; 100
Rursus ad ingenium vecors, fraudesque redibat.

l Ergo iterum Moses virgaque, manuque minatus
In

h *Tantum in terra Gessen, ubi erant filij Israel grando non cecidit. Ibid. v. 26.*

i *Et extendit Moyses virgam ... & mane factò ventus urens levavit locustas ... Operueruntque universam superficiem terræ vastantes omnia. Devorata est igitur herba terræ, & quidquid pomorum in arboribus fuit, quæ grando dimiserat. Ex. 10. v. 13. & 15.*

k *Pharaon vocavit Moysen, & Aaron, & dixit eis: peccavi in Dominum Deum vestrum, & in vos ... nec dimisi filios Israel. Ibid. v. 16. & 20.*

l *Extenditque Moyses manum in calum, & factæ sunt tenebræ horribiles in universa terra Ægypti tribus diebus. Ex. 10. v. 22. Tam densæ ut palpari queant. Ibid. v. 21.*

- In cælum, horribiles civit, sparsitque tenebras,
 Quas palpare manu, quas attrectare licebat,
 Et quales nunquam retrò olim viderat orbis. 105
m Nulli accensi ignes poterant, funalia nulla
 Aut lucem impertiri aliquam, aut solatia ferre,
 Aut tam crudelem exturbare, aut rumpere noctem,
 Nulli fas oculis uti, aut spectare propinquum.
n Diræ oculos tantùm facies, simulacraque visu 110
 Horrenda, & stridens terrebat sibilus aures.
 In quo quisque loco fuerat, quasi compede victi
 Per tres immoti steterunt noctesque diesque.
 Et, quod mirandum magis est, ubicumque fuissent,
o Lux erat interea Isacidis placidissima ubique. 115
 Et Rex attonitus; per me inquit jam licet, ite
 .Ite ait; at dixit vixdum; dixisse pigebat.
p Quin Mosi asperior; si dein se sistere coram

Au-

- m* Et ignis quidem nulla vis poterat illis lumen præbere,
 Sap. 17. v. 5.
n Sonitus descendens perturbabat eos, & personæ tristes il-
 lis apparentes pavorem illis præstabant. Ibid. v. 4.
o Ubicumque autem habitabant filij Israel, lux erat. Exod,
 10. v. 23.
p Dixitque Pharaon ad Moysen; recede a me, & cave, ne
 ultra videas faciem meam: quocumque enim die apparue-
 ris mihi morieris. Ex. 11. v. 28.

Audeat; exitium intentat, mortemque minatur.

Heu miser, in temet tuamet sententia vertet, 120

Et fatalis erit Gnato, Regnoque, tibiue.

- 9 Quotquot erant primi geniti, primæque parentum
Blanditiæ, cui Rex sceptrum, & diadema parabat,
Quique ad pistrinum, inter vincla, in carcere, Matre
Captiva est natus, nox, & mors abstulit una 125
Omnes. Nulla domus planctu, gemituque vacabat:
Plangor ubique, & lamenta, atrocesque ululatus
Orbarum Matrum, desertarumque sororum.
Credere nolebant oculis. Usque anxia Mater
Nil jam sensurum juvenem, surdumque cadaver, 130
Os ori adstringens, iterumque, iterumque vocabat.
Tum demum luctu immersus, patrioque dolore
Victus, uti vellent, Pharaon concessit, abirent
Hebræi, ferrentque greges, suæque omnia secum.
Mansissetque utinam dictis. Sed pristina rursus 135
Impulit, avertitque retro sententia mentem.

r Quid-

- 9 *Factum est autem in noctis medio percussit Dominus omne primogenitum in terra Ægypti a primogenito Pharaonis qui in solio ejus sedebat usque ad primogenitum captivæ quæ erat in carcere . . . Et ortus est clamor magnus in Ægypto : neque enim erat domus , in qua non jaceret mortuus . Ex. 12. v. 29. & 30.*

- r Quidquid in Ægypto fuit armorumque, ducumque
 Apparat, insequiturque premens vestigia: currus
 Sexcentos magnos, pluresque, securibus omnes
 Armatos, vimque immensâ, immensa agmina ducēs, 140
 A tergo instabat Pharaon; hinc stabat mare contrâ.
 Ut vidit Moses venientes sustulit altè
 f Virgam, & Erythræos percussit verberare fluctus.
 Extemplo (mirum!) hac, illac diducier undæ,
 Stareque, & undarum arrecti concreescere montes 145
 Hinc, atque hinc. Mare divisum in latera ardua utrinque;
 Terram inter fluctus, nudamque reliquit arenam.
 Isacides properare fugam, quâ pandit hiatus
 Sese, quâ nunquam visa antehac semita ducit.
 Irruit & Pharaon, demensque, iter illud apertum 150
 Credidit esse sibi quoque. Jamque Aurora rubebat
 Roscida, & ambiguo spargebat lumine terram,
 Littore ab opposito cùm cernens omnia Moses,
 Significansque manu, jussit concurrere fluctus

Rur-

- r Junxit ergo currum, & omnem populum suum assum-
 pfit secum. Tulitque sexcentos currus electos, & quid-
 quid in Ægypto curruum fuit, & duces totius exerci-
 tus. Ex. 14. v. 6. & 7.
 f Increpuit mare rubrum, & exsiccatum est. Pl. 105.
 v. 9. Erat enim aqua quasi murus a dextra eorum, &
 laeva. Ex. 14. v. 22.

Rursus, & in præceps revoluta pondere ferri. 155
 Nulla mora: actutum gemino hinc, inde aggere moles
 : Præcipitavit, & immenso implicuitque, ruitque
 Vortice vesanum Regem, currusque, virosque.
 Obluctantur equi frustra, passimque supinos
 Ad littus, galeas inter, clypeosque; rotasque 160
 Armaque, corporaque inter dilaniata virorum
 Evomit assurgens curvato gurgite pontus;
 Rursus in abruptum sorbet, tumulatque profundo.
 Tot nuper, nusquam apparebant. Nemo superstes
 Nemo equidem fuit e nuper tot millibus unus. 165
 En portenta. Deum jam tu admirare, & adora.

t Cumque extendisset Moyses manum contra mare, re-
 versum est primo diluculo ad priorem locum: fugientibusque
 Ægyptiis occurrerunt aquæ, & involvit eos Dominus
 in mediis fluctibus. Reversæque sunt aquæ, & operue-
 runt currus, & equites cuncti exercitus Pharaonis, qui
 sequentes ingressi fuerant mare: nec unus quidem super-
 fuit ex eis. Liberavitque Dominus in die illa Israel de
 manu Ægyptiorum. Et viderunt Ægyptios mortuos super
 litus maris, & manum magnam quam exercuerat Do-
 minus contra eos: timuitque populus Dominum, & cre-
 diderunt Domino, & Moyse servo ejus. Ex. 14. a v. 27.
 ad 31.

JACOBI JOSEPHI
LABBE
SELENOPOLITANI
DE DEO HOMINE
HEROICA

Collaudabo te Deum Salvatorem meum.

Ecclesi. 51. v. 1.

CARMINUM SINGULORUM
DE DEO HOMINE
ARGUMENTA.



Arg. Decimi septimi.



*Am tum cum Deus orbem condidit, præ-
ludebat Christo venturo, per quem nimi-
rum facta sunt omnia. a v. 1. ad 14.*

*Oraculum præclarissimum Gen. 3. v. 15.
de repaxatione humani generis per Christum, nascitu-
rum de Virgine. Hujus in futuram Dei Matrem, cum
nihil de se tale cogitaret, veneratio. a 15. ad 33.*

*Gabriel Archangelus ad Virginem a Deo missus. a
34. ad 62.*

*Deus in utero Virginis homo factus. a 63. ad 87.
Domus Nazareth ad Picenum ministerio Angelorum
translata ab. 87. ad fin.*

Arg. Decimi octavi.

Toto orbe in pace composito, in obsequium nascituri

H

JE-

JESU, non tam editto *Casaris*, quàm *Michae vaticinio* vocata *Virgo*, venit *Bethleem*: & quia hospitio nullo excipiebatur, in stabulo hospitatur. a v. 1. ad 26.

Ibi, altissimo mediæ noctis silentio, *Virgo* manens, in lucem edidit *Servatorem*. a 27. ad 38.

Genethliacum Puero. Oracula insigniora de pace per *Christum*. a 39. ad 68.

Congratulatio Matri. Prædictiones celebriores in *Scripturis* de futura *Virgine Deigenitrice*. a 69. ad 92.

Bos. *Asellus*. *Pastores*. *Descriptio floris*, quem *Mexicani* vocant de la *Passion*. a 93. ad 107: *Vaticinium Sibyllæ Cumææ* de *Christi Nativitate*, prave a *Virgilio* detortum alto. a 107. ad fin.

Arg. Decimi noni.

Sanguine voluit *JESUS*, *JESU* nomen sibi comparare, & morti suæ quasi proludere. a v. 1. ad 29.

Nomina magnifica in *Scripturis J. C.* attributa, quæ quidem omnia *JESU* nomen complectitur. Quàm sit dulce hoc nomen. a 30. ad 57. *Salutare agris*. a 58. ad 63.

Demonibus formidabile. a 64. ad fin.

Arg.

Arg. Vicefimi.

Novum ſpectaculum : Gentes illuminantur ; Judei obcecantur : Et quem Regem diutiſſimè, atque avidiſſime exſpectabant, detrectant : ſuamque præcipuam ſpem jugulant, & exſtirpant. a v. 1. ad 27.

Reges tres ductu ſyderis Hieroſolymam eunt. Perturbatio Herodis, & diſſimulatio. Pergunt Reges Bethleem. Inventum Puerum adorant, dona offerant. a 28. ad 33.

Gentes omnes ſydere illo vocatæ ſunt, & jam tum JESUM quodammodo adorarunt. ab 34. ad fin.

Arg. Vicefimi primi.

Et Puer, & Mater ſponte ſua ſubmittunt ſe legi, a qua ſuapte immunes erant. a v. 1. ad 8. Simeonis ſenis Puerum ulnis ſuis excipientis lachryma prægaudio, Vaticinatio, & mors placidiſſima. a 9. ad 40.

Herodis immanitas in Pueros a biennio in Bethleem natos. Luſus Rachel. Diræ in Herodem. a 41. ad 88.

Fuga in Ægyptum. ab 89. ad 100.

Puer annorum duodecim amiſſus ; recuperatus. a 101. ad fin.

H 2

Arg.

Arg. Vicefimi fecundi.

Subditus illis. *En annales Vita privata J. C. per annos triginta. Similitudines. a v. 1. ad 27.*

In stabulo natus, Affixus cruci inter latrones; tamen signis evidentissimis manifestat se Deum. Nunc autem omnimodè, & prorsus latet DEUS, & hoc unum præ se fert: Subditus illis. a 28. ad 46.

Arbiter orbis, & Rex Regum, & Lux Mundi est. Et tamen oculis hominum nihil est præter unum hoc: Subditus illis. a 47. ad 65.

Quid hac tam profunda sui demissione nos doceat. a 66. ad fin.

Arg. Vicefimi tertij.

JESUS baptismo Joannis abluitur. Jordanis gloriatio. a v. 1. ad 27.

Permittit tentari a demone, & cur. a 28. ad 39. Vocat Apostolos, & e Piscatoribus facit orbis Magistros. a 40. ad 55.

Illuminat cacos natos. a 56. ad 67.

Illuminat mentes doctrina. Philosophorum celebriorum ignorantia, & errores. a 68. ad 98.

Puer,

Puer, & Anus rudimentis doctrinæ christianæ imbuti, sapientiores longè sunt quàm cuncti Philosophi Græciæ. Præcipua capita doctrinæ JESU CHRISTI. a 99. ad 138.

JESUS transfiguratur. a 139. ad fin.

Arg. Vicefimi quarti.

Nemo unquam aut mansuetior, aut affabilior JESU fuit. Dominus vitæ & mortis; neminem quantumvis id meritum damnavit morti. a v. 1. ad 17.

Adultera. a 17. ad 36.

Samaritani inhospitales. a 37. ad 48.

Zacchæus, Samaritana, Magdalena. a 49. ad 109.

Etiam expirans animam, latronum patibulo, postulat ut inimicis suis acerbissimis Pater ignoscat. a 109. ad fin.

Arg. Vicefimi quinti.

Amabilitas, & incredibilis Boni Pastoris sollicitudo in quærenda ovis perditæ. a v. 1. ad 25. Boni Pastoris cantilenæ. a 26. ad 51.

Septem Sacramentorum institutio, sub allegoria Pastoris Boni. a 52. ad fin.

H. 3

Arg.

Arg. Viceſimi ſexti.

JESUCHRISTI Hieroſolyma intrantis triumphus . a v. 1. ad 45.

CHRISTI miracula , tanquam ſi a turba circumſtente , & ab ijs ipsis , quorum bono facta erant , praeſententur . a 46. ad fin.

Arg. Viceſimi ſeptimi.

Amoris ergo , JESUS manibus ſuiſmet lavat , & tergit pedes Diſcipulis . a v. 1. ad 20.

Exempla profani amoris celebratiora , ſi ad Chriſti erga nos amorem , in Eucharistiæ inſtitutione conſerantur , ſordent omnia , Eucharistiæ inſtitutio . a 21. ad 49.

Admonetur JESUS , quaſi neſciret , quàm ſint homines ingrati , & perfidi . a 50. ad 69.

Adbuc autem amat nos , perinde , imò & impendio magis quàm Mater amat filium mente captum , & reluctantem blanditiis , & furioſum , Sacram. Ordinis inſtitutio . a 70. ad fin.

Arg.

Arg. Vicesimi octavi.

Iter in Gethsemani hortum. Admonetur Petrus futuræ imbecillitatis. Abnuvit, gloriatur. JESUS patienti desiderio, mœrorem etiam, quantum nemo unquam mortalium, sponte sua subire voluit. a v. 1. ad 35.

Causæ mœroris. a 36. ad 55.

CHRISTI oratio ad Patrem. Causæ aliæ secretiores angoris & mœstitiæ. Sudor sanguineus. a 56. ad fin.

Arg. Vicesimi noni.

Judæ perfidia. Diræ in ipsum. a v. 1. ad 22. JESUS procedit obviam hostibus armatis, & verbo eos ad terram affligit resupinos. a 23. ad 38.

Comprehenditur. Colapho ceditur. Ducitur ad Caiapham, nefarium Pontificem. Oculos obnubitur. Irridetur. Petri imbecillitas. a 39. ad 78.

*JESUS ducitur ad Pilatum Provinciæ Præsidem. Calumniantur accusatores iniquissimi de seditione. Transmittit JESUM Præses ad Herodem. Silet JESUS, illudatur, remittitur ad Præsidem. a 79. ad 121. Niti-
tur Præses JESUM liberare. Præoptant Judæi Barab-
bam. Diræ in ipsos. a 122. ad 149.*

H 4

Ver-

Verbera, & ludibria barbăra. Præses timore improbo victus, dat manus, & JESUM morti. a 150. ad 183.

Iter ad Calvarium. a 184. ad fin.

Arg. Trigesimi.

Ingemiscit orbis, & Auctori suo emorienti parentatur. a v. 1. ad 17.

Aspectus miserabilis Dei ad crucem affixi, & ultra mortem etiam lancea confossi. a 18. ad 41. Dolores, & constantia Matris Virginis. a 42. ad 54.

Sublatus de cruce, brachiis Matris excipitur. Affectus, lacrymæ. a 55. ad fin.

Arg. Trigesimi primi:

Magdalene sepulchro anxie inherenti, ne jam fleat: Christum redivivum esse, sepulchrum vacuum. a v. 1. ad 22.

Quantum superbi verat Mors de Immortalis morte, a 23. ad 43.

JESUS descendit ad inferos: SS. PP. animas carcere illo detentas asserit in libertatem. Mortem debellat. Triumphus. a 44. ad 77.

Ca-

Canitur Jo Victori. a 78. ad fin.

Arg. Trigesimi secundi.

Manifestat se JESUS redivivum suis quàm sapissime. Thomæ facit licentiam contrectandi vulnera. Magdalena obviam fit specie olitoris. a v. 1. ad 22.

Post dies quadraginta ascendit in celum. Vestigia quibus postremò institit saxo imprimit. Orbis lætitia, & plausus. a 23. ad 65.

Occurrunt Angeli obviam, & Regem agnoscunt, & adorant proni. Acclamatio Patrum, Davide præeunte. Adami, osculo pedum inhaerentis, affectus. a 66. ad fin.

Arg. Trigesimi tertij.

Apostoli orationi intenti promissum Spiritum Sanctum postulant, & expectant. Frigor de celo auditus. a v. 1. ad 24.

Descendit Spiritus Sanctus. Apparent lingue tanquam ignis; & super capita singulorum assident. Inflammanur Apostoli, & timere homines dediscunt. a 25. ad 46.

Recensio gentium, quæ ex toto orbe Hierosolyma tum confluerant. a 47. ad 81.

Apo-

*Apostoli organa Sancti Spiritus ab 82. ad 100.
Spir. S. fovente Religio per totum orbem propagata.
a 101. ad 119.*

Poesis tergit luctum, respirat. a 119. ad fin.



DEUS

D E U S H O M O .

Fecit potentiam in brachio suo.

Lucæ 1. v. 51.

C A R M E N X V I I .

Quando librabat terras, cælosque te-
 (tendit
 Admiranda adeo mensura, pondere-
 (que usus
 Omnipotens; jam majus opus tum mente fovebat
b Arcana, fieri nemo quod posse putaret,
 Non homo, non aliquis felicior incola cæli. *5*
c Majus opus, cui majores impendere vires
 Debebat, cui sollicitus, tot sæcula retro
 Jam proludebat, vel tum cùm condidit orbem.
 Scilicet humano vestiri corpore, & alvo
 Virginis includi quem totus non capit orbis, *10*
 Et fieri Puer, atque infans DEUS ipse parabat.
d Er-

a *Extendens cælos solus, stabiliens terram. Isa. 44. v. 24.**b* *Dispensatio sacramenti absconditi a sæculis in Deo. Ad Eph. 3. v. 9.**c* *Supereminens magnitudo virtutis ejus in nos. Ad Eph. 1. v. 19.*

- d Ergone descendens cælo immutabile Numen,
Mutabit vultus, pueri & puer induet artus,
Ut nos, mortales, fragilesque? Stupescite cæli.
Jam quater implebat millenos orbibus orbes 15
Sol, postquam nostri primi, infaustique parentes
Humanam secum stirpem, & genus omne suorum
Nunquam lugenda satis involvere ruina.
- e Femina caussa mali tanti, cantamine vafri
Serpentis, portentificoque illusa veneno, 20
- f Quando inconcessa decerpfit ab arbore pomum
Fædifragum, obtrusitque etiam importuna marito.
At Pater Omnipotens jamtum miseratus iniquam
Stragem (quandoquidem totum subverberat orbem
Femina) femineo ex utero, volventibus annis, 25
- g Ultorem magnum promiserat, & fore Matrem,
Quæ serpentinos victrix contunderet astus,
Quæ pede contereret caput exitiale draconis.

Ipsa

- d Ergone credibile est, ut habitet Deus cum hominibus super terram? 2. Paral. 6. v. 18.
- e Serpens Hævam seduxit astutia. 2. ad Cor. 11. v. 3.
- f Et tulit de fructu illius & comedit: deditque viro suo, qui comedit. Gen. 3. v. 6.
- g Inimicitias ponam inter te, & mulierem, & seminem tuum, & semen illius: ipsa conterret caput tuum. Ibid. v. 15.

Ipsa futura DEI Genitrix, contempta, humilisque
 Ipsa sibi, hæcreputans tum fortè oracula; beatam 30
 Dicebat, Matremquè DEI, quæcumque futura
 Effet, adorabat trepidans, submissaque vultu:
 Infciaque ipsa suos admirabatur honores.

Ecce autem insolita circùm latè omnia complens
 Luce, immortalem spirans de vertice odorem, 35
 Improvisus adest coram celer actus ab alto

b Angelus, e septem primis, septemque supremis,
 Qui propiùs solio assistunt, solioque propinquant
 Omnipotentis: & ille prior sic farier orsus:
 Salve ingens cæli decus, ingens gloria gentis 40
 Humanæ, inquam cælestis, divinaque cælo
 Descendens, pleno cumulata est Gratia cornu.
 Te DEUS adlegit cunctis de Matribus unam
 Inter quotquot erunt, quot sunt, quotque antè fuerunt,
 Cui sobolem daret ipse suam. Castissima sancto 45

i Do.

b *Missus est Angelus Gabriel a Deo . . . ad Virginem de-*
sponsatam viro cui nomen erat Joseph de domo David,
& nomen Virginis Maria. Et ingressus Angelus ad eam
dixit: Ave gratia plena: Dominus tecum: Benedicta tu
in mulieribus. Luc. 1. a v. 26. ad 28.

- i Dona geres utero, & paries, qui Filius idem
 Excelsi Patris est, nomenque vocabis JESUM.
 Ille Patris David sedem, imperiumque tenebit
 Aeternum, imperium magnum, imperium sine fine.
 Audijt, & pavitans, penitusque exterrita Virgo: 50
 k Quid fieri hæc? Virum ego nullum. Nec plura loquuta;
 Conticuit. Roseo Alipotens hæc addidit ore:
 l Exue, Diva, metus: sanctis te desuper auris
 Spiritus afflabit, requiescet Spiritus in te
 Sanctus, & omnipotente implebit viscera fœtu. 55
 Sancta manens, intacta manens, gravidabere Verbo,
 Ingenitique Patris soboles, erit & tua proles.
 Ne dubita: nam vera audis: en sanguine juncta,
 m Et

- i Ecce concipies in utero, & paries filium, & vocabis
 nomen ejus JESUM. Hic erit magnus, & filius Altis-
 simi vocabitur, & dabit illi Dominus Deus sedem Da-
 vid Patris ejus, & regnabit in domo Jacob in æter-
 num, & regni ejus non erit finis. Ibid. a v. 31. ad 33.
 k Dixit autem Maria ad Angelum: quomodo fiet istud,
 quoniam virum non cognosco. Ibid. v. 34.
 l Et respondens Angelus dixit ei: Spiritus Sanctus super-
 venit in te, & virtus Altissimi obumbrabit tibi. Ideo-
 que, & quod nascetur ex te sanctum vocabitur filius
 DEI. Ibid. v. 35.

m Et cognata tibi Elisabeth jam mense laborat
 Sexto, fertque utero puerum, nova pignora Matris; 60
 Quamlibet infœcunda, etiamque effœta senili
 Ætate. Usque adeo nil non facile Omnipotenti est.

His firmata animum Regina, humilisque etiamnum
 n Ipsa sibi: Ecce ancilla, inquit, Domini: omnia fiant
 Ut dixi. Dixit vixdum, simul annuit illa; 65
 Totum sponte sua cælum inclinavit, ab altoque
 Ad nos descendit DEUS, Æternique Parentis
 Unica progenies, & inenarrabile Verbum.
 Qui Patri æquævus, fuit ante exordia rerum,
 Anteque quàm ridens orbi lux prima niteret, 70
 Quem maria, & terræ, cælique volubilis orbes
 Auctorem agnoscunt, cui, quodd sunt, omnia debent,
 Quique infinita majestate omnia compler;
 Vult similis nostri fieri, & conjungere summis
 Infima, & in nobis habitare, & filius esse 75
 Feminæ: & humanam, carnemque, animamq; cooptans
 Ipse

m Et ecce Elisabeth cognata tua, & ipsa concepit filium in
 senectute sua: & hic mensis sextus, est illi qui vocatur
 sterilis: quia non erit impossibile apud Deum omne ver-
 bum. Ibid. v. 36. & 37.

n Dixit autem Maria: Ecce ancilla Domini, fiat mihi se-
 cundum verbum tuum. Ibid. v. 38.
 Inclinauit cælos, & descendit. Ps. 117. v. 10.

Ipse sibi, & pueri exiguos collectus in artus,
Virginea totum se inclusit, & addidit alvo.

o Bene! Rorastis cæli jam, tuque tulisti
Virgineo tellus de germine Servatorem! 80

Exoptatus adest tot retro ætatibus ille
Humano Vindex Generi promissus, & Ultor.

p Sic nos dilexit DEUS, ut parilem sibi prolem
Unigenam dederit, quo nil dare majus habebat.

q Qui tribus appendit digitis, & sustinet orbem; 85
Quas habet immensas vires huc contulit omnes:
Brachij & extenti huc congesta potentia tota est.

Conscia tu tanti mysterij, & æmula cæli

r Parva domus, semper jam deinde vocabere *Sancta*
Jure tuo. Totus te orbis, te Vesper, & Ortus, 90
Austerque, & Boreas, & te colet ultima tellus.
Littore ab extremo maris, ignoto procul orbe
Ex alio venient, properabuntque undique gentes

Por-

o Rorate cæli desuper, & nubes pluant justum: aperiatur
terra, & germinet Salvatorem. Isa. 45. v. 8.

p Sic enim Deus dilexit mundum, ut filium suum unigen-
nitum daret. Jo. 3. v. 16.

q Appendit tribus digitis molem terræ. Isa. 40. v. 12.

r Domum tuam Domine decet sanctitudo in longitudinem
dierum. Ps. 92. v. ult.

Ecce isti de longe venient, & ecce illi ab Aquilone &
mari & isti de terra Australi. Isa. 49. v. 12.

Portantes manibus vota, & donaria plenis.

f In terram vultu proni tua limina tangent, 95

Et pretiosa tibi cumulabunt munera Reges.

Cuncta cadent, & falce sua Capitolia, & urbes

Affliget: Mundi miracula proruet ætas

Omnia, relliquiasque etiam, cineresque vorabit

Ingluvie; at te suspiciet, venerabitur unam 100

Te; neq̃ mordaci violare, aut tangere dente

Audebit delens, confumensque omnia tempus.

Quin avulsa tuis, abreptaque fundamentis,

Aligerumque choris subtus tendentibus alas,

Pennatis innixa humeris, & nubila tranans, 105

Et mare velivolum, nimboſaque culmina, montes

Subtus deſpiciens, iterumque, iterumque per auras

Perque iter inſuetum, liquidumque per æra veſta,

Ad maris Adriaci occiduum, atque hoc nomine felix

Littus, frondosæ Picenî ad littoris oras 110

Conſiſtens; oculos cæcis, auresque reduces

Surdis, & vita deſuncta cadavera vitæ

Reſtitues, ac portentis impleveris orbem.

Facta renarrabunt quæ ſuſpendentur ad aras,

Nequa dies memori portenta tot eximat ævo, 115

Artis Appellæ memores, pictæque tabellæ.

f Et erunt Reges nutritij tui, & Regina nutritices tuæ :
vultu in terram demifſo adorabunt te. Iſa. 49. v. 23.

I

PRIN.

PRINCEPS PACIS

Orietur in diebus ejus justitia , & abundantia pacis .

Psal. 71. v. 7.

CARMEN XVIII.



T jam Luna suas novies pudibunda la-
(tebras

Intrarat , noviesque iterum se fulgida
(cælo

Extulerat , fratris totis tota obvia flammis ;

Cùm paritura venit quò oracula sancta vocabant

† In Bethlem Virgo . Ignorans hæc omnia Cæsar ,
Implebat , tuleratque edictum Augustus , ut orbis
Accenseretur . Compositus pace quierat

Totus in obsequium Pueri . Sopiverat arma ,

Ne sua , ne circum streperent cunabula , jamque

¶ Pa-

† *Es tu Bethleem Ephrata parvulus es in millibus Juda :
ex te mihi egredietur qui sit dominator in Israel , &
egressus ejus ab initio , a diebus æternitatis . Mich. 5.
v. 2.*

- u Pacis venturus Rex tranquillaverat orbem. 10
 x Venerat & describi unâ cum conjugē sanctâ
 In Bethlem Joseph: siquidem de sanguine David,
 Deque antiquorum Regum stirpe ortus uterque.
 Pauperie tamen obscuri, hospitioque recepti
 y Nullo sunt. Quin rejecti, passimque repulsi, 15
 Ut mos pauperibus fieri: aspernari omnes.
 Spelunca ima fuit sylvestribus horrida dumis,
 Atque intus topho, & viridi multo obrita musco.
 Illuc Pastores, cælo densissimus imber
 Cùm ruit, accelerare gradum, abscondiq; solebant: 20
 Tutarique gregem sera jam nocte bubulci,
 Cùm tandem fessi repetebant tecta, casasque.
 Atque erat hospitium hoc cælo, hæc cunabula Regi
 Regum venturo. Quàm sunt contraria nostris,
 Quàmque arcana Dei, quantumque impervia nobis 25

I 2

Con-

- u Et erit iste pax. Ibid. v. 5. Non sumet gens adversus
 gentem gladium, & non discunt ultra belligerare.
 Mich. 4. v. 3.
 x Ascendit autem & Joseph a Galilæa de civitate Naza-
 reth in Judæam in civitatem David, quæ vocatur Be-
 thlehem: eo quod esset de domo, & familia David, ut
 proficeretur cum Maria desponsata sibi uxore prægan-
 te, Luc. 2. v. 4. & 5.
 y In propria venit, & sui eum non receperunt. Jo. 1.
 v. 11. Non erat eis locus in diversorio. Luc. 2. v. 7.

- c Consilia! Umbriferas nox alta tetenderat alas,
 z Jamque ferè cæli medium transcenderat axem,
 Alta, manu indicens, faciensque silentia terris;
 Cùm carne indutus manifestè apparuit Infans
 Factus, qui Verbum Patris est, cùm Regia Virgo, 30
 a Virgo manens, nullo nixu, nullo ægra dolore,
 Edidit Infantem divinum, Hominemque, Deumque.
 Quàm solet intemerata manens, illæsaque ubique,
 Quin & pura magis fœtu, partuque futura,
 De cælo atlappam transfundere limpida lucem 35
 CrySTALLUS. Vos nascenti, vos plaudite sancto
 Aligeri Puero; Puèrique applaudite Matri,
 Ac Puero, & Matri mecum vos dicite carmen.

- Salve vera DEI soboles, & Virginis idem
 Proles. Præcipuè nunc admirabile nomen, 40
 Consiliumque tuum, tuaque alta potentia nunc est,
 b Cùm vili in stabulo, tanquam puer ultimus orbis,

Na.

- a Cùm enim quietum silentium contineret omnia, & nox
 in suo cursu medium iter haberet, Omnipotens sermo
 tuus a regalibus sedibus ... profiliuit. Sap. 18. v. 14.

- a Porta hæc clausa erit: non aperietur, & vir non tran-
 sibat per eam: quoniam Dominus Deus Israel ingressus est
 per eam, eritque clausa. Ezech. 44. v. 2.

- b Parvulus enim natus est nobis, filius datus est nobis, &
 vocabitur nomen ejus Admirabilis, Consiliarius; Deus
 fortis. Isa. 9. v. 6.

Nasceris ignotus: cùm dat cunabula sænum:
 Cùm vix sunt panni, & puerilia lintea Matri;
 Nec satis ut non te crudelia frigora lædant: 45
 Cùm tacitæ e teneris lacrymæ labuntur ocellis:
 Cùm lac dulce trahens labris, & ab ubere pendens,
 Languidulus dormis, vagisque tenellulus Infans.
 Ut vult, nec possunt tam parvula brachia Matrem
 Amplecti! Ut Mater conatus dicere; vixdum 50
 Dimidiatam iterat vocem, balbutit & ore!
 Ut gremio insurgit ridens, pedibusque tenellis
 Insistens; Matri mille oscula dulcia figit!

Hæret in obtutu Matris Puer; illa modestos
 Attollens oculos, oculis respondet amor. 55

Salve Auctor, salve Rex pacis: te veniente
 Clauduntur belli portæ: dudum exsul ab orbe
 Alma redit tandem quàm formosissima vultu:

c Pax: in vomerem, & in falcem constabitur ensis
 Barbarus: in stabulo cum Pardo accumbet eodem 60
 d Hædus, cumque Lupis impunè morabitur Agnus:
 Et simul unà ibunt, simul herbida pascua carpent

I 3 In-

c Et constabunt gladioi suos in vomeres, & lanceas suas
 in falces. Isa. 2. v. 4.

d Habitabit lupus cum agno, & pardus cum hædo accu-
 babit: vitulus, & leo, & ovis simul morabuntur

Et leo sicut bos comedet paleas. Isa. 11. v. 6. & 7.

Innocui inter oves, interque armenta Leones.

- e Horrida pestiferis habitata draconibus antra;
Et Junci, & Calami, & Nardi beneolentis aristas 6
Frondefcent: vulgo Assyrium prorumpet Amomum.

- f De ruidis oleum faxis, & limpida mella
Distillata fluent, & lactea flumina current.

Salve sancta Parens, sola & tu Virgo, Parensque.
Ancillam te humilem, non plus, tu te ipsa vocabas; 7
Utere jam tandem, dulci utere nomine Matris.
Exhaustit sese Omnipotens, Altissimus in te:
Quique potest nutu pulchros mage cadere Soles
Millenos alios, melioraque sydera, & orbes;
Nec poterit deinceps, nec jam conabitur unquam 7
Majorem te, nec meliorem sistere Matrem.

Salve iterum Mater divina, puerpera Virgo.

- g Tu Rubus ille ardens illæsus: tu quoque es illud
b Vellus rore madens, circum sitientibus agris;
Rursus & intactum medio agro vellus ab imbre. 8

i Tu

- e In cubilibus, in quibus prius dracones habitabant, orietur viror Calami, & Junci. Isa. 35. v. 7.
f Et erit in die illa: Stillabunt montes dulcedinem, & colles fluent lacte. Joel. 3. v. 18.
g Exod. 3. v. 3.
h Judic. 6. v. 37. /

- i Tu Domini excelsus Mons es, qui vertice cælum
Contingens, prætergraderis toto ordine magnos
Te superextollens, superansque cacumine montes.
- k Tu Spes, tuque illa Eliæ nubecula parva,
Quæ totum subieo cælum circumtulit alvo. 8;
- l Tu de Jessæ radice es mystica virga,
De qua prorupit tandem flos candidus ille,
m Quem suspirantes, votis, lacrymisque vocabant
Æterni colles, veteres, sanctique Parentes.
- n Tu Thalamus, de quo Dominus processit, & instar 90
Sponsi, mortalem non dedignatus amictum;
Humanam æterno sobolem sibi fœdere junxit.
- o Agnovit Bos, & rudis ipse agnovit Asellus
Numen, & officiosi procubuerunt, & anhelant
Ore, anima, argentem Puerum recreantque fovantq; 95
Pastores huc o celeres, plenisque canistris

I 4

(Quan-

i Erit in novissimis diebus præparatus mons Domini in
vertice montium. Isa. 2. v. 2.

k 3. Reg. 18. v. 44.

l Egredietur virga de radice Jesse, & flos de radice ejus
ascendet. Isa. 11. v. 1.

m Desiderium collium æternorum. Gen. 49. v. 26.

n Tanquam sponsus Dominus procedens de thalamo suo.

o Cognovit bos possessorem suum, & asinus præsepe Domini
sui. Isa. 1. v. 3.

(Quandoquidem ridet, fert & nunc omnia tellus)
 Ferte citi flores, & circumfundite florem
 Mexiceum, florum regem, florum decus ingens:
 Nam gestat secum nostræ argumenta salutis 100
 Tergeminos alto capitatos vertice clavos,
 Cuspide obarmatos imo, & ferrugine tinctos
 Tristi: surgentem in medio arrectamque columnam
 Marmoreâ: & quasi vibratum, intortumq; flagellum:
 Et spissè circumtextam, implexamque coronam: 105
 Quinaque sanguineis magnis exstantia guttis
 Vulnera. Flos equidem Puero gratissimus hic est.

Interea cantâ tua tu, Cumæa Sibylla,
 Carmina, quæ rerum ignarus malè carmina torfit
 Nescio quis; sed erat, memini, bonus ille Poeta: 110
„ Magnus ab integro sæclorum nascitur ordo.

„ Jam nova progenies cælo descendit ab alto.

„ Te duce siqua manent sceleris vestigia nostri

„ Irrita, perpetua solvent formidine terras.

„ Occidet & serpens, & fallax herba veneni 115

Occidet. Hæc rerum tantarum ignarus, & audax

Sacrilego rapuit furto, cantuque Poeta.

Tu Virgo, tu diva Parens, fera colla tumentem

Porro calcasti, contrivistiue draconem.

Nec verò potuit draco teter, & improbus ille 120

Te morsu scdare, tibiye aspergere virus

Im.

Immane, & saniem horrendam, latebroſa venena,
Queis necdum natos mortales implicat omnes.

Dicite io! ingeminate & io! Malè ſancius anguis
Ad caput illiſum pavitantes vix plicat orbes. 125

Ad mala, quæ nobis primæ hærent ſemina culpæ
Tu Mater Virgo, tuus & dulciſſimus Infans

Divina, & præſens eſtis medicina ſaluti.

Nobiſcum Deus eſt, cæloque æterna Parentis
Bis genita, & novâ progenies deſcendit ab alto. 130

Servati, & memores hoc nos ab cardine rerum
Venturos deinceps, noſtrosque putabimus annos,
Et novus hinc oritur, ſæclorum & vertitur ordo.

p Aurea nunc ibit; ſubſidet decolor ætas.

Ignotoque etiam ſurget gens aurea mundo. 135

p *Benedicentur in ipſo omnes tribus terræ: omnes gentes
magnificabunt eum. Pl. 71. v. 17. Et dicam non populo
meo, Populus meus es tu: & ipſe dicet, Deus meus es
tu. Oſe. 2. v. ult.*

SUPER OMNE NOMEN.

Donavit illi nomen, quod est super omne nomen, ut in nomine JESU omne genuflectatur, caelestium, terrestrium, & infernorum.

Ad Philip. 2. v. 9. & 10.

CARMEN XIX.



Irgone tam tenero, primos & luminis
(haustus
Orso vix Puero quærendum sanguine
(nomen?)

Ne puer o! ne tu antecape, & ne præripe tempus.
Cum ter plus denis jam tres exegeris annos,
Explebis tua vota, tuoque cruore madebis: 5
Atque etiam extincto tibi jam, postremus ab imo,
Diffluet, immiti ferro actus, pectore sanguis.
Hæc Puer hæc equidem jamnum suspirat, & ardet;
Sed mora longa nimis visa est, & ponere gestit
Dura rudimenta, optatæ præludia mortis. 10
Et qui nec prisco ritu, nec lege tenetur;
Sponte tamen subdit sese, legique severæ
Ob.

Obsequitur. Nonne exemplo instaurare videtur
Ipse suo legem hanc nobis? Delere parabat.

q Delevit: sanctis & nos, pro sanguine tingi 15

r Jussit aquis, & virtutem, vimque addidit undis
Tergere manantem clam prima ab origine labem.

Quæ tulit ille tener dura Infans vulnera, cultros
Abstulit, amovit. Sed enim sibi parcere non vult;
Sanguine quæsitum sibi vult & nomen JESU. 20

Nomen de cælo missum, quod nuntius Ales

f Ante etiam attulerat, divinus quam foret Infans
Virginea inclusus divinæ Matris in alvo.

Qui prisca Heroes cognomina tanta tulere,
Mystica (magnus honos!) fuerant prologia Dij 25

Quondam venturi Infantis, qui munera solus
Tam magni, ac prorsus divini nominis implet:

t Nam solus Puer hic salvos nos fecit JESUS;
Nec fuit in Pueri hoc vacuum, aut umbratile nomen.

Tu, Puer, Æterna Æterni es Sapiencia Patris 30
u Splen.

q *Qua libertate XPTUS nos liberavit. Ad Gal. 4. ult.*

r *Effundam super vos aquam mundam, & mundabimini
ab omnibus inquinamentis vestris. Ezech. 36. v. 25.*

f *Quod vocatum est ab Angelo, priusquam in utero con-
ciperetur. Luc. 2. v. 21.*

t *Ipse enim salvum faciet populum suum. Matth. 1. v. 21.
Et non est in alio aliquo salus. Act. 4. v. 12.*

(Quandoquidem ridet, fert & nunc omnia tellus).
 Ferte citi flores, & circumfundite florem
 Mexiceum, florum regem, florum decus ingens:
 Nam gestat secum nostræ argumenta salutis 100
 Tergeminos alto capitatos vertice clavos,
 Cuspide obarmatos imo, & ferrugine tinctos
 Tristi: surgentem in medio arrectamque columnam
 Marmoreâ: & quasi vibratum, intortumq; flagellum:
 Et spissè circumtextam, implexamque coronam: 105
 Quinaque sanguineis magnis exstantia guttis
 Vulnera. Flos equidem Puero gratissimus hic est.

Interea cantâ tua tu, Cumæa Sibylla,
 Carmina, quæ rerum ignarus malè carmina torfit
 Nescio quis; sed erat, memini, bonus ille Poeta: 110
 „ *Magnus ab integro sæclorum nascitur ordo.*
 „ *Jam nova progenies cælo descendit ab alto.*
 „ *Te duce siqua manent sceleris vestigia nostri*
 „ *Irrita, perpetua solvent formidine terras.*
 „ *Occidet & serpens, & fallax herba veneni* 115
Occidet. Hæc rerum tantarum ignarus, & audax
 Sacrilego rapuit furto, cantuque Poeta.
 Tu Virgo, tu diva Parens, fera colla tumentem
 Porro calcasti, contrivisti que draconem.
 Nec verò potuit draco teter, & improbus ille 120
 Te morsu sædare, tibi ve aspergere virus

Im.

Immane, & saniem horrendam, latebroſa venena,
Quis necdum natos mortales implicat omnes.

Dicite io! ingeminate & io! Malè ſaucius anguis
Ad caput illiſum pavitantes vix plicat orbes. 125

Ad mala, quæ nobis primæ hærent ſemina culpæ
Tu Mater Virgo, tuus & dulciſſimus Infans

Divina, & præſens eſtis medicina ſaluti.

Nobiſcum Deus eſt, cæloque æterna Parentis
Bis genita, & nova progenies deſcendit ab alto. 130

Servati, & memores hoc nos ab cardine rerum
Venturos deinceps, noſtrosque putabimus annos,

Et novus hinc oritur, ſæclorum & vertitur ordo.

p Aurea nunc ibit; ſubſidet decolor ætas.

Ignotoque etiam ſurget gens aurea mundo. 135

p *Benedicentur in ipſo omnes tribus terræ: omnes gentes
magnificabunt eum. Pl. 71. v. 17. Et dicam non populo
meo, Populus meus es tu: & ipſe dicet, Deus meus es
tu. Oſe. 2. v. ult.*

SUPER OMNE NOMEN.

Donavit illi nomen, quod est super omne nomen, ut in nomine JESU omne genuflectatur, cælestium, terrestrium, & infernorum.

Ad Philip. 2. v. 9. & 10.

CARMEN XIX.



Rgone tam tenero, primos & luminis
(haustus
Orso vix Puero quærendum sanguine
(nomen?

Ne puer o! ne tu antecape, & ne præripe tempus.
Cùm ter plus denis jam tres exegeris annos,
Explebis tua vota, tuoque cruore madebis: 5
Atque etiam extincto tibi jam, postremus ab imo,
Diffluet, immiti ferro actus, pectore sanguis.
Hæc Puer hæc equidem jamnum suspirat, & ardet;
Sed mora longa nimis visa est, & ponere gestit
Dura rudimenta, optatæ præludia mortis. 10
Et qui nec prisco ritu, nec lege tenetur;
Sponte tamen subdit sese, legique severæ.

Ob-

Obsequitur. Nonne exemplo instaurare videtur
Ipse suo legem hanc nobis? Delere parabat.

q Delevit: sanctis & nos, pro sanguine tingi 15

r Jussit aquis, & virtutem, vimque addidit undis

Tergere manantem clam prima ab origine labem.

Quæ tulit ille tener dura Infans vulnera, cultros

Abstulit, amovit. Sed enim sibi parcere non vult;

Sanguine quæsitum sibi vult & nomen JESU. 20

Nomen de cælo missum, quod nuntius Ales

f Ante etiam attulerat, divinus quam foret Infans
Virginea inclusus divinæ Matris in alvo.

Qui prisca Heroes cognomina tanta tulere,

Mystica (magnus honos!) fuerant prologia Dij 25

Quondam venturi Infantis, qui munera solus

Tam magni, ac prorsus divini nominis implet:

t Nam solus Puer hic salvos nos fecit JESUS;

Nec fuit in Puero hoc vacuum, aut umbratile nomen.

Tu, Puer, Æterna Æternæ Sapientia Patris 30

u Splen.

q *Qua libertate XPTUS nos liberavit. Ad Gal. 4. ult.*

r *Effundam super vos aquam mundam, & mundabimini
ab omnibus inquinamentis vestris. Ezech. 36. v. 25.*

f *Quod vocatum est ab Angelo, priusquam in utero con-
ciperetur. Luc. 2. v. 21.*

t *Ipse enim salvum faciet populum suum. Matth. 1. v. 21.
Et non est in alio aliquo salus. Act. 4. v. 12.*

- u Splendorque, ac Virtus, prorsusque simillima imago.
 x Tu Primogenitus rerum: te propter eundem
 Eruta de nihilo sunt quæ sunt cumque creata.
 y Nativo imperio tu es Rex, & Legifer orbis:
 z Tu Via, tu Veri exemplar, tu Vita perennis: 35
 a Tuque tenebroſi Lux es puriſſima mundi.
 b Tu Paſtor bonus es; tu idem miſiſſimus Agnus,
 Hoſtiaque, averſum noſtra ob commiſſa Parentem
 Concilians, & manſuram per ſæcula pacem.
 c Sanctus Sanctoꝝ quoque tu, æternuſque Sacerdos, 40
 d Tu quoque es Emmanuel, & Adonai: nomina magna,
 Quæ ſemel accumulatur, ſimul aggerat omnia nomen
 Divinum, JESUS. Nil nomine dulcius hoc eſt.
 Dulce magis quàm ſtipat apis quæ florea mella:

Quàm

- u Splendor gloriæ, & figura ſubſtantiæ ejus, portanſque
 omnia verbo virtutis ſuæ. Ad Hebr. 1. v. 3.
 x Primogenitus omnis creaturæ. Quoniam in ipſo condita
 ſunt univerſa in cælis, & in terra, viſibilia, & invi-
 ſibilia ... omnia per ipſum, & in ipſo creata ſunt. Ad
 Coloff. 1. v. 15. & 16.
 y Dominus legifer noſter Dominus Rex noſter. Iſa. 33. v. 22.
 z Joan. 14. v. 6.
 a Joan. 8. v. 12.
 b Joan. 10. v. 11. & Joan. 1. v. 29.
 c Dan. 9. v. 24. & Pl. 109 v. 4.
 d Iſa. 7. v. 14. & Exod. 6. v. 3.

- Quàm matutinus ros est sitientibus herbis? 45
 Quàm sopor assiduo fessis, duroque labore:
 Quàm lux sese oculis captum flenti indita rursus:
 Quàm litus, medijs qui jactabatur in undis
 Naufragus, & jamjam languebant brachia, vires.
 Quàmque est improvisa salus, cùm funera gnato, 50
 Unigenæque suo Mater jam mœsta parabat.
 Qui cæli convexa tenent, qui sydera calcant,
 Qui terras, quâcumque suos Sol igneus orbes,
 Exoriens, moriensque iterat, qui Sole carentes,
 Informesque domos habitant, immitia regna 55
 De genu adorabunt submissi hoc, quod super omne
 Scilicet est nomen, divinum nomen JESU.
 f Desuper effusum est oleum, ac mortalibus ægris
 Unâ illud lucem fert almam, fertque medellam.
 g Ad templi portam Speciosam nomine dictam 60
 Æger homo, utroque & pede inutilis, inque ligatus
 Ma-

e Super omnem principatum, & potestatem, & virtutem,
 & dominationem, & omne nomen quod nominatur non
 solum in hoc sæculo; sed etiam in futuro. Ad Eph. 1.
 v. 21.

f Oleum effusum nomen tuum. Cant. 1. v. 2.

g Quidam vir, qui erat claudus ex utero matris sue ba-
 julabatur: quem ponebant quotidie ad portam templi quæ
 dicitur Speciosa. Act. 3. v. 2.

(Quandoquidem ridet, fert & nunc omnia tellus).
 Ferte citi flores, & circumfundite florem
 Mexiceum, florum regem, florum decus ingens:
 Nam gestat secum nostræ argumenta salutis 100
 Tergeminos alto capitatos vertice clavos,
 Cuspide obarmatos imo, & ferrugine tinctos
 Tristi: surgentem in medio arrectamque columnam
 Marmoreâ: & quasi vibratum, intortumq; flagellum:
 Et spissè circumtextam, implexamque coronam: 105
 Quinaque sanguineis magnis exstantia guttis
 Vulnera. Flos equidem Puero gratissimus hic est.

Interea cantâ tua tu, Cumæa Sibylla,
 Carmina, quæ rerum ignarus malè carmina torfit
 Nescio quis; sed erat, memini, bonus ille Poeta: 110
 „ *Magnus ab integro sæclorum nascitur ordo.*
 „ *Jam nova progenies cælo descendit ab alto.*
 „ *Te duce siqua manent sceleris vestigia nostri*
 „ *Irrita, perpetua solvent formidine terras.*
 „ *Occidet & serpens, & fallax herba veneni* 115
Occidet. Hæc rerum tantarum ignarus, & audax
 Sacrilego rapuit furto, cantuque Poeta.
 Tu Virgo, tu diva Parens, fera colla tumentem
 Porro calcasti, contrivisti que draconem.
 Nec verò potuit draco teter, & improbus ille 120
 Te morsu scdare, tibi ve aspergere virus

Im.

Immane, & saniem horrendam, latebroſa venena,
Queis necdum natos mortales implicat omnes.

Dicite io! ingeminate & io! Malè ſaucius anguis
Ad caput illiſum pavitantes vix plicat orbes. 135

Ad mala, quæ nobis primæ hærent ſemina culpæ
Tu Mater Virgo, tuus & dulciſſimus Infans

Divina, & præſens eſtis medicina ſaluti.

Nobiſcum Deus eſt, cæloque æterna Parentis
Bis genita, & nova progenies deſcendit ab alto. 130

Servati, & memores hoc nos ab cardine rerum
Venturos deinceps, noſtrosque putabimus annos,
Et novus hinc oritur, ſæclorum & vertitur ordo.

p Aurea nunc ibit; ſubſidet decolor ætas.

Ignotoque etiam ſurget gens aurea mundo. 135

p *Benedicentur in ipſo omnes tribus terræ: omnes gentes
magnificabunt eum. Pl. 71. v. 17. Et dicam non populo
meo, Populus meus es tu: & ipſe dicet, Deus meus es
tu. Oſe. 2. v. ult.*

SUPER OMNE NOMEN.

Donavit illi nomen, quod est super omne nomen, ut in nomine JESU omne genuflectatur, cælestium, terrestrium, & infernorum.

Ad Philip. 2. v. 9. & 10.

CARMEN XIX.



Rgone tam tenero, primos & luminis
(haustus

Orfo vix Puerο quærendum sanguine
(nomen?

Ne puer. o! ne tu antecape, & ne præripe tempus.

Cùm ter plus denis jam tres exegeris annos,

Explebis tua vota, tuoque cruore madebis: 5

Atque etiam extincto tibi jam, postremus ab imo,

Diffluet, immiti ferro actus, pectore sanguis.

Hæc Puer hæc equidem jamnum suspirat, & ardet;

Sed mora longa nimis visa est, & ponere gessit

Dura rudimenta, optatæ præludia mortis. 10

Et qui nec prisco ritu, nec lege tenetur;

Sponte tamen subdit sese, legique severæ

Ob-

Obsequitur. Nonne exemplo instaurare videtur
Ipse suo legem hanc nobis? Delere parabat.

q Delevit: sanctis & nos, pro sanguine tingi 15

r Jussit aquis, & virtutem, vimque addidit undis
Tergere manantem clam prima ab origine labem.

Quæ tulit ille tener dura Infans vulnera, cultros
Abstulit, amovit. Sed enim sibi parcere nonvult;
Sanguine quæsitum sibi vult & nomen JESU. 20

Nomen de cælo missum, quod nuntius Ales

f Ante etiam attulerat, divinus quam foret Infans
Virginea inclusus divinæ Matris in alvo.

Qui prisca Heroes cognomina tanta tulere,
Mystica (magnus honos!) fuerant prologia Dij 25

Quondam venturi Infantis, qui munera solus
Tam magni, ac prorsus divini nominis implet:

t Nam solus Puer hic salvos nos fecit JESUS;
Nec fuit in Puero hoc vacuum, aut umbratile nomen.

Tu, Puer, Æterna Æternies Sapiencia Patris 30

u Splen.

q *Qua libertate XPTUS nos liberavit. Ad Gal. 4. ult.*

r *Effundam super vos aquam mundam, & mundabimini
ab omnibus inquinamentis vestris. Ezech. 36. v. 25.*

f *Quod vocatum est ab Angelo, priusquam in utero con-
ciperetur. Luc. 2. v. 21.*

t *Ipse enim salvum faciet populum suum. Matth. 1. v. 21.
Et non est in alio aliquo salus. Act. 4. v. 12.*

Quàm matutinus ros est sitientibus herbis: 45

Quàm sopor assiduo fessis, duroque labore:

Quàm lux sese oculis captum flenti indita rursus:

Quàm littus, medijs qui jactabatur in undis

Naufragus, & jamjam languebant brachia, vires.

Quàmque est improvisa salus, cùm funera gnato, 50

Unigenæque suo Mater jam mœsta parabat.

Qui cæli convexa tenent, qui sydera calcant,

Qui terras, quâcumque suos Sol igneus orbes,

Exoriens, moriensque iterat, qui Sole carentes,

Informesque domos habitant, immitia regna 55

De genu adorabunt submissi hoc, quod super omne

e Scilicet est nomen, divinum nomen JESU.

f Desuper effusum est oleum, ac mortalibus ægris
Unà illud lucem fert almam, fertque medellam.

g Ad templi portam *Speciosam* nomine dictam 60

Æger homo, utroque & pede inutilis, inque ligatus

Ma-

e *Super omnem principatum, & potestatem, & virtutem,
& dominationem, & omne nomen quod nominatur non
solam in hoc sæculo; sed etiam in futuro.* Ad Eph. 1.
v. 21.

f *Oleum effusum nomen tuum.* Cant. 1. v. 2.

g *Quidam vir, qui erat claudus ex utero matris suæ ba-
julabatur: quem ponebant quotidie ad portam templi quæ
dicitur Speciosa.* Act. 3. v. 2.

- Materno ex utero, tristem, afflictamque trahebat
 Vitam. Conspexit Petrum, intrantemque sodalem :
h Ac de more stipem miseram, victumque rogabat .
 Aurū, atq; argentū mihi nullū est: quæ dare possum 65
i Hæc tibi do, dixit Petrus, atque in nomine JESU
 Surgere confestim, pedibusque incedere iussit.
k Et nihil addubitans urget, dextraque prehensum
 Arrigit. Extemplo ille miser fundamina sensit
 Firma pedum, solidasque bases: jam se regit ipse 70
 Arduus: huc, illuc sese versatque, movetque,
 Insultatque solo, ut vult, lætitiaque triumphans
 Exsilit, & cursu potis est prævertere ventos.

Nomen ad hoc illa infana, atque infanda deorum
 Colluvies, dominata olim imperiosa per orbem 75

1 Cor.

- h* Is cum vidisset Petrum, & Joannem incipientes introi-
 re in templum, rogabat ut eleemosynam acciperet. Ibid.
 v. 3.
i Petrus autem dixit: Argentum, & aurum non est mi-
 hi: quod autem habeo, hoc tibi do: In nomine JESU-
 XPTI Nazareni surge, & ambula.
k Et apprehensa manu ejus dextera allevavit eum, Et pro-
 tinus consolidatæ sunt bases ejus, & plantæ. Et exsiliens
 stetit, & ambulabat. Ibid. a v. 6. ad 8.

- l Corruet, atque avulsa suis de sedibus, aris
 Subversis, totoque vicissim extorris ab orbe
 Nusquam comparet. Traduntur inertia flammis
 Idola, in cineresque abeunt ludibria ventis,
 Fatidici celebrata adeo spiracula Ditis 86
 Delphica muta silent; neque jam ructare vapores
 Audent insanos: Libycis neque syrtibus Hammon
 Corniger, aut quercus, Dodonææve columbæ,
 Aut usquam stygiæ pestes, Manesque profundi
 Hiscere deinde audent, æterna silentia servant. 87
 Hæc monstra, has furias vinxit, contrivit JESUS.
 Terribile hoc illis vel solo nomine nomen;
 m Nobis deliciæ, mel, nectar, vita, salusque.

- l *Et erit in die illa dicit dominus exercituum: Disperdam
 nomina idolorum de terra, & non memorabuntur ultra,
 & pseudopphetas, & spiritum immundum, auferam
 de terra. Zach. 13. v. 2.*
 m *Omnis qui invocaverit nomen Domini salvus erit. Joel.*
2. v. 32. & ad Rom. 10. v. 13. Et sanitas in pennis e-
jus. Malach. 4. v. 2.

R E X

R E X G E N T I U M.

Reges Arabum, & Saba dona adducent, &
adorabunt eum omnes Reges terræ :
omnes gentes servient ei.

Pf. 71. v. 10. & 11.

C A R M E N XX.



UÆ lux! Quæ tenebræ! Prisco ver.
(so ordine rerum
Mortis, & umbrarum in regione ino-
(pina refulsit

Lux; ubi regnabat lux insidiosa repente

- Nox Erebo ex imo quas funderet extudit umbras .
- Stella peregrina officiosa renidet Eois
- Regibus, ac dulci, & vocali lumine, natum
- Quem gentes dudum exspectabant nuntiat orbi.
- p Hebræi contrà, quibus hæc & stella micabat

Pri-

n *Habitantibus in regione umbræ mortis lux orta est eis .*
Isa. 9. v. 2.

o *Lux obtenebrata est. Isa. 5. v. ult.*

p *Orietur stella ex Jacob. Num. 24. 17. Vide Bened. XIV.*
in fesso Epiphan.

Pridem, promissus quibus & de Virgine Matre
 q Filius; hunc nolent venisse, diemque perosi 10
 Avertunt oculos retro, seseque volentes
 r Obcæcant miseri, propriâ & sua dona recusant.
 Sceptrum de Juda exierat, prorsusque perempta
 Spe reditus, manus ignota, atque aliena regebat
 Sceptrûq; imperiûq;. Atqui omnino hoc fore tēpus, 15
 f Quo Rex promissus, quo Rex venturus adesset,
 Carmine, & oraclo insigni morientis Jacob
 Præmoniti, parvi pueri, & vix farier orsi,
 Perque vias passim, per compitaque ore caneant.
 Et tamen hunc adeo optandum, optatumq; repente 20
 Destituunt, coramque adstantem agnoscere Regem
 Nolunt, spesque suas jugulant, ultroque recidunt.
 Scilicet hæc soboles illa est, quæ perfida posthæc
 Sacrilegam intendet vocem, & clamore nefando,
 Nolumus hunc, dicent illi, regnare super nos. 25

Heu

q Ecce Virgo concipiet, & pariet filium. Isa. 7. v. 14.
 r Incrassatum est enim cor populi hujus, & auribus gra-
 viter audierunt, & oculos suos compresserunt, ne forte
 videant. Act. 28. v. 27. Excæcavit oculos eorum, &
 induravit cor eorum, ut non videant oculis, & non in-
 telligant corde. Joan. 12. v. 40. & Isa. 6. v. 10.
 f Non auferetur sceptrum de Juda; & dux de femore e-
 jus, donec veniat qui mittendus est. Gen. 49. v. 10.

K

- Heu pietas! heu prisca fides, priscique Parentes!
 Quàm vos degeneres nacti, infidosque nepotes!
 Syderis interea ductu, & radiantis Olympi
 Tergemini Solymam Reges venere. Necessè
 Hoc erat, Hebræis nequa excusatio, nequis
 Perfidiæ infandæ color, obtentusve maneret.
 Percunstabantur: quænam cunabula nuper
 Natum exceperant Regem? Titubatio nulla.
 In Bethlem nasci omnino debere, fatentur,
 Testanturque uno ore omnes: meminereque Vatis,
 Qui tam magnificos Bethlem assignabat honores.
 Audijt, & varia confusus imagine rerum
 Herodes (quo non Libycis immanius antris
 Prorupit monstrum) furit; & quæ, fraudibus, astu,
 Et laniena etiam infanda, male parta tenebat
 Sceptra, sibi e manibus labi; ad Puerumque reverti
 Angitur, & cura infelix tabescit inani.
 Ah miser! haud equidem venit, ut mortalia demat

Re-

- Generatio enim perversa est, infideles filij. Deut. 32. v. 20.
 Ecce Magi ab Oriente venerunt Jerosolymam dicentes:
 Ubi est qui natus est Rex Judæorum?... Audiens au-
 tem Herodes Rex, turbatus est, & omnis Jerosolyma cum
 illo. Et congregans omnes principes sacerdotum, & scri-
 bas populi, sciscitabatur ab eis ubi Christus nasceretur.
 At illi dixerunt ei: in Bethleem Judæ: sic enim scri-
 ptum est per Prophetam. Matth. 2. a v. 1. ad 5.

Regna; sed ut nobis Puer hic cœlestia donet.

Non aufert; dat regna Puer. Jam pelle timorem 45

* Rex est Pacificus: quam Regum tollere nemo,
Quam Regum dare nemo potest fert munera pacis.

Ista illi sordent; possunt quæ crimine haberi,

Quæ tumet multo invasisti crimine regna.

Sed quid ago? Nullo possunt medicamine tolli 50

Quæ super adventu Regum, Regisque supremi

Arcanæ Herodem curæque, iræque coquebant.

Disimulat tamen; ac frontem, vultumque serenat.

Ac veluti ambiguos serpens dans corpore tortus,

Obliquat sese contrà quàm fronte minatur; 55

Aut veluti humanam fingit vocem Crocodilus,

† Fingit, adorare Infantem, Numenque precari

Se quoque velle; instat multis, comperta doceri

De Puerò: quæ vidissent sibi cuncta referri

‡ Mandabat. Bethlem Reges contendere pergunt. 60

K 2

Stel-

x *Rex Salem, quod est Rex pacis. Ad Hebr. 7. v. 2. Pacem meam do vobis: non quomodo mundus dat ego do vobis. Joa. 14. v. 27.*

y *Et mittens illos in Bethleem dixit: Ite, & interrogate diligenter de Puerò, & cum inveneritis, renuntiate mihi, ut & ego veniens adorem eum. Matth. 2. v. 8.*

z *Qui cum audissent Regem abierunt. Et ecce stella quam viderant in oriente antecedebat eos, usque dum veniens staret supra, ubi erat Puer. Ibid. v. 9.*

Stella quidē Solymis bene dedignata rebelles
 Hebræos, vultum indignata averterat; at nunc
 Effert sese iterum cælo, lucemque, ducemque
 Exhibet, anteparatque viam, & præcedit euntes.
 Ad stabulum donec veniens, quasi diceret: hîc est, 65
 In stabulo hoc humili, hîc est diviniſſimus Infans;
 Grandius expandens jubar, instauransque nitorem,
 Conſtitit, atque ſuo jam munere functa quievit.

Tum verò unanimi plauſu, & fremitu æthera cõplens
 Conſurgit clamor: ſtandi dant cornua cantũ 70
 Signum: reſpondent altè barritu Elephanti,
 Hinnitu alipedes, & pectora, collaque in orbem
 Circumvolventes: fræna ſpumantia mandunt.

- a Nec mora proſternunt ſe, proſternuntque coronas
 Reges ante pedes Pueri, tum forte ſedentis 75
 In gremio, & gemina impliciti inter brachia Matris.
 Virginis: & neque tam agreſtis faſtigia teſti
 Mirantur, nec res inopes: hæc omnia Vates
 Præcinuiſſe ſciunt olim, & placuiſſe beatam
 Pauperiem Regi. Dein myſtica munera porgunt 80

Quiſ.

- a *Et intrantes domum invenerunt Puerum cum Maria
 Matre ejus, & procidentes adoraverunt eum: Et aper-
 tis theſauris ſuis, obtulerunt ei munera aurum, thus,
 & myrrham. Ibid. v. 11. Dabitur ei de auro Arabia. Pf.
 71. v. 15.*

Quisque suum : myrrha mortem , & crudelia quæque
 Ultro amplexurum agnoscunt : rursusque Sabæo
 Thure DEUM : Regemque auro , obsequioq; fatentur.

- b Plaudite quas oriens , & quas afflavit anhelis
 Sol moriturus equis , unâ omnes plaudite gentes . 8;
 Vos designabant , pro vobis dona ferebant
 Illi Arabum Reges : expressa in imagine jamtum
 Vos Hominē , Regē , atque DEUM coluistis JESUM
 Nascentem . Vos tam stella , vos lumine sancto ,
 Vos , cū vagitus primos dabat ille , vocabat . 90
 Ignotus vobis olim DEUS , ecce videndum
 Exhibuit sese , & manifesto in lumine totus
 c Est coram . Lux nunc estis ; tenebræque fuistis .

- b *Omnes gentes plaudite manibus , jubilate DEO in voce
 exultationis . Ps. 46. v. 1.*
 c *Eratis aliquando tenebræ ; nun autem lux in Domino .
 Ad Ephes. 5. v. 8.*

S I G N U M

CUI CONTRADICETUR.

Ecce positus est hic in ruinam, & in resurrectionem multorum in Israel, & in signum, cui contradicetur.

Lucæ 2. v. 34.

C A R M E N XXI.



D templum, læva gestans ad pectora
 (pressum
 Dulce onus infantem Puerum, dex-
 (traque gemellas
 Lacteolasque ferens, Matrū de more, columbas
 Pauperiorum, it Virgo Parens, sine labe pudoris
 d Enixa, atque adeo non illi obnoxia legi.

It

d *Mulier si suscepto semine pepererit masculum, immunda erit ... Cūque expleti fuerint dies purificationis suæ ... deferet agnum anniculum in holocaustum ... Quod si non invenerit manus ejus, nec poterit offerre agnum, sumet duos turtures, vel duos pullos columbarum. Lev. 12. a v. 2. ad 8.*

- It tamen, & quamvis communi lege soluti
 Et Puer, & Mater; legi ultro paret uterque,
 Ut Puero est Mater, Matriquę simillima proles.
 Intranti occurrit cano venerabilis ævo
 Et pietate senex, quem Sanctus desuper aura 10
 Spiritus allabens, pulchris impleverat olim
 Promissis: non antè, diem, non lumina morte
 Clausurum, quàm vidisset, quem sæcula retro
 Quem suspirabant tot prisca oracula Vatum.
 Ergo ubi adesse DEUM, propioraq; numina sensit; 15
 Irruit impatiens, Puerumque trementibus ulnis
 Exceptum stringens arctè, amplexansque subinde,
 Et largo fletu ora rigans, incanaque menta,
 Vaticinansque, ut erat divino percitus æstro;
 Ægrè has, multa inter rupit suspiria, voces: 20
 Ergone jam tandem venisti, oculisque meismet

K 4

Vidi

- e Tulerunt illum in Jerusalem, ut sisterent eum Domi-
 no . . . Et ut darent hostiam . . . par turturum, aut
 duos pullos columbarum, Luc. 2. v. 22. & 24.
 f Et responsum acceperat a Spiritu Sancto Simeon, non vi-
 surum se mortem, nisi prius videret Christum Domini.
 Et venit in spiritu in templum. Et cum inducerent
 Puerum JESUM Parentes ejus, ut facerent secundum
 consuetudinem legis pro eo, & ipse accepit eum in ul-
 nas suas, & benedixit DEUM, & dixit. Luc. 2. v.
 26. ad 28.

Vidi ego te, expectata diu lux alma, salusque
 Orbis, & Ifacidum immortalis gloria gentis?
 Hac ego defessam, ætatem, tristemque senectam,
 Hac sustentabam spe longæ tædia vitæ. 25
 Magnificè implesti tua tu promissa beata
 g Summe Pater: nunc dimitte, & me corporis hujus
 (Quando aliud nihil est quod sperē ultra) exue vinclis.
 b Et quam te memorem, Virgo, quæ sola salutem
 Tam suspiratam peperisti sospita terris! 30
 Ecce hic in vitam, in mortemque etiam, inque ruinam
 Multorum Puer est positus, positus quasi signum
 In jaculum: ferroque huc, huc armata veneno
 Spicula torquebunt. Contradicetur iniquè.
 Tu quoq; magna Parēs cladis pars magna futura es. 35
 Tempus erit, tibi cū crudelis ad intima adactus
 Viscera, dilaniet, præcordiaque hauriat ensis.
 Et fuit hæc postrema senis, postremaque cygni

Vox

g Nunc dimittis servum tuum Domine. secundum ver-
 bum tuum in pace: quia viderunt oculi mei salutare
 tuum, quod parasti ante faciem omnium populorum, lu-
 men ad revelationem gentium, & gloriam plebis tuæ
 Israel. Ibid. a v. 29. ad 32.

b Et dixit ad Mariam Matrem ejus: Ecce hic &c. Et
 tuam ipsius animam pertransibit gladius. Ibid. v. 35.

- i Vox: ac demittens quasi concedentia sompo-
Lumina; mox placida, optataque ibi morte quievit. 40
Nec mora: facta fides jantum dictisque, minisque.
Incaſſum opperjens Reges, ubi ſenſit ab illis,
k Deluſum ſeſe Herodes; quos mente furores.
Haſtenus arcanos obduxerat, impius omnes.
Effudit. Sicut ſtridens, tumiduſque repente, 45
Seque ipſo major, mille undique, & undique tela
Apparat, & furijs accenſus concutit hiſtrix.
Aut tanquam latitans herboſo gramine teſtus.
Propter aquam; tandem calcatus, & improbus ira
Sibilat, & caput, & furialia pectora ſerpens 50
Arduus in cælum attollens, latè omnia tabo
Inficit exitiali, omneſque interficit herbas:
Et calice exortos flores vix, enecat omnes.
Horrendum! Pueros annis retro inde duobus
l In Bethlem, pagisque etiam, villisque propinquis 55
Natos tranſadigi, ferroque abſumier omnes.
Juſ-

- i Ita Menolog. Græcorum. Vide Benediſt. XIV. in feſto
Purificat.
k Tunc Herodes videns quoniam illuſus eſt a Magis, ira-
tus eſt valde. Matth. 2. v. 16.
l Et mittens occidit omnes pueros, qui erant in Bethleem,
& omnibus ſinibus ejus a bimatu, & infra, ſecundum
tempus, quod exquiſierat a Magis. Ibid.

- Jussit, inundarique infantum sanguine cunas.
m Vox in Rama audita est, lamentatioque ingens
 Rachel. Amissos primo ipso in limine vitæ
 Perpetuam luget foetus : & ab ubere raptos 60
 Anxia conquirens frustra, solatia nulla
 Audit, & immoritur luctu : quia nullibi jam sunt.
 Barbare, crudelis, multoque immanior hyædis,
 Aspidibusque soporiferis, surdisque, & hyæna
 Sanguinolentior, & Crocodilo. Tantulanæ ætas, 65
 Quæ Pænos etiam potuit lenire Leones;
 Visa tibi apta suo involvi, mergique cruore?
 Impie mentis ubi es? Cælone indicere bellum
 Audes? Cui cælum famulatur, sydera subsunt;
 Huic tu sperasti immaturam arcescere mortem? 70
 Nolenti? Incassum furis. Hunc tu perdere ferro
 Unum non poteris, quem demens, quem petis unum
 Excidio tanto. DEUS est, & cum volet ille,
 Cumque ab Divino sibi credita munera Patre
n Implevit, surdisque aures, & lumina cæcis 75
 o In-

- m* Vox in Rama audita est, ploratus, & ululatus multus?
 Rachel plorans filios suos, & noluit consolari, quia non
 sunt. Ibid. v. 18. & Jer. 31. v. 15.
n Aperientur oculi cæcorum, & aures surdorum patebunt.
 Isa. 35. v. 5.

- o Indiderit, tumulisque vocata cadavera, magno
Imperio superas iterum revocarit ad auras,
p Intuleritque novam lucem, nova fœdera mundo;
Tum demum, nam mortales ideo induit artus,
Tum jam sponte sua, omnes nos, veterisq; Parentis 80
Antiquam labem largo lavet amne cruoris,
Nunc autem, morti, quantumlibet omnia vertas,
Quamvis millenos in illum strinxeris enses;
Necdum maturus, necdum est obnoxius Infans.
At te jam viventem etiam sibi pabula vermes 85
Obscœni addicent; ignisque introrsus obortus
Viscera consumet, tundens; animamque efflabis
Tartaream, stygias novus horror iturus ad umbras,
Interea fuge chare Puer, fuge Regia Virgo,
Inque sinu abscondens Puerum pluvix inscia regna, 90
q Hermopolimque pete. Hoc demissus ab æthere pennis
r Nuntius admonuit Joseph, cui munia Patris.
Ipse gerenda dedit Pater, adlegitque futurum
Exsilio comitemque viæ, comitemque laboris.
I gemebunda Parens, i Virgo, assuesce dolori 95
Jam nunc & gladio; nam te graviora manebunt

Vul.

- o *In resurrectionem multorum. Luc. 2. v. 34.*
p *Dedi te in fœdus populi, in lucem gentium Isa. 42. v. 6.*
q *Vide Calmet Lib. 7. Hist. Vet. & Nov. Testam.*
r *Accipe Puerum, & Matrem ejus, & fuge in Ægyptum, Matth. 2. v. 13.*

Vulnera. Quæ nunc orta citò subsidet, & ultro
 f Ponet tempestas : ex Ægyptoque vocatum
 Infantem (utrumque hoc oracula sancta canebant)
 ; Excipiet reducem Galilæa, & Nazara tellus. 100
 ; Post ubi jam Pueri firmata adoleverit ætas,
 u Ec bis jam senos dulces tecum egerit annos;
 ; Rursus inundabunt lacrymæ, & nova vulnera libans
 Tentabit rursus tua tum præcordia mucro.
 Nam Solymis reditura domum, atque emensa diei 105
 Totum iter; ereptum ignaræ, amissumque dolore
 Ingenti agnosces Puerum : & vestigia retro
 Observata legens, scitaberis anxia : nunquid
 ; Inter cognatos comes additus iverit ille? x
 ; Anne labore viæ fessus, fortasse resedit? 110
 Sicubine abductus variarum errore viarum?
 Jamque dies, alterque dies, claudentur, & alter,
 Et totidem insomnes inter suspiria noctes;

x Cùm

f Ex Ægypto vocavi filium meum. Ibid. v. 15.

t Quoniam Nazareus vocabitur. Ibid. v. ult.

u Et cum factus esset annorum duodecim ascendentibus il-
 lis Jerosolymam . . . cùm redirent remansit Puer JESUS
 in Jerusalem, & non cognoverunt Parentes ejus. Existi-
 mantes autem illum esse in comitatu venerunt iter diei,
 & requirebant eum inter cognatos & notos. Et non in-
 venientes regressi sunt in Jerusalem requirentes eum.
 Luc. 2. a v. 42. ad 45.

x Cùm tandem in templo, attonita auscultante corona
 Doctorum, invenies, priscorum oracula Vatum 115
 Percunctantem ultro, atque ignaros inde docentem,
 Melligenisque alta irrumpentem in pectora dictis.
 O ut tum, Mater, tibi jam, & qui munia Joseph
 Patris agit, conversi aberunt in gaudia luctus!
 At majora manent te vulnera, & altiùs ensis 120
 Viscera transfadiget: capulo tenuis abditus olim
 Hærebit totus. Neque tum cum conjuge sancto
 Fas, ut nunc, curam, aut partiri, Virgo dolorem.
 Vera nimis, graviùs senis in te dicta recurrent.

x *Et factum est post triduum invenerunt illum in templo
 sedentem in medio Doctorum audientem illos, & inter-
 rogantem eos. Stupebant autem omnes, qui eum audie-
 bant super prudentia & responsis ejus. Ibid. v. 46. & 47.*



SUB-

SUBDITUS ILLIS.

Et erat subditus illis.

Lucæ 2. v. 51.

CARMEN XXII.



IN quid agam? Attonitus, præstetne
 (filere; loquine?)
 Hæreo. Triginta annorum; quos egit
 (JESUS

Carne DEUS nostra indutus (mirabile dictu!)

Hi sunt annales, duo verba hæc: *Subditus illis*.

Abditus ille domi, conclusus paupere tecto, 5

Obsequio (dicamne hoc?) servitioque Parentum

Intentus, neque præterea dum cognitus ulli;

, Filius esse humilis fabri, ac de millibus unus

Esse putabatur, manibusque perinde laborem

Ipse exercebat, quasi fabri filius esset, 10

Curvabatque humeros lignis, & ligna dolabat.

Nec putat indignū hoc manibus, quibus omnia jam tū

x Omnipotens dederat Pater, & fabrilis pensa

a Sci.

y Nonne hic est fabri filius? Matth. 13. v. 55.

x Sciens quia omnia dedit ei Pater in manus. Joan. 13.

v. 3.

- a Scilicet ille subit, per quem sunt omnia facta
 Usque adeo obscurus DEUS, ignotusque latebat. 15
 Qualis Erythrææ, qualis Garamantidos undæ
 Egregium decus, obscura latet abdita concha
 Gemma, futura & honos olim, Regumque corona;
 Et tamen illa jacet, meritos neque poscit honores.
 Aut veluti assurgens pater Apenninus ad auras, 20
 Quantumvis toto miscet se vertice cælo;
 Nube peregrina, atque alio vestitus amictu,
 Quantum erat fugit ex oculis: mera nubila censer
 Aspicere ignarus rerum procul usque viator.
 Quorsum me stupor abripuit? Vilissima quæque 25
 Ad rem infinitam frustra hæc componere tento.
 Ipsum ipsi (hoc unum fas est) componere pergo.
 b Præsepe excepit natum: miserabilis infans
 Esse videbatur, pauper, rerum omnium egenus;
 Sed tamen esse DEUM testantur, & æthera cantu 30
 c Cælicolæ complent, miscentque, agitantque choreas:
 d Pa-

- a Omnia per ipsum facta sunt. Joan. 1. v. 3. Quem constituit heredem universorum, per quem fecit & sæcula.
 Ad Hebr. 1. v. 2.
 b Reclinavit eum in præsepio. Luc. 2. v. 7.
 c Facta est cum Angelo multitudo militiæ celestis laudantium DEUM. Ibid. v. 13.

- d Pastoresque vocant parvi ad cunabula nati:
 Et nova prorumpens, nova fundens sydera cælum,
 e Evocat, & stella ab regnis adducit Eois
 Ternos tergemina allaturos munera Reges. 35
 f Vel tum, cùm tanquam reus, & sceleratus, & inter
 Latrones hinc, inde alij, manibus, pedibusque
 Confossus, mortem infamem amplectetur JESUS;
 g Cum moriente, volet quoque Sol comes ire, morique:
 Et gemitum dabit immensum, & vix non ruet orbis: 40
 Exspirare, morique DEUM vel saxa loquentur.
 Nunc autem nusquam apparet DEUS. Undique totus
 Delituit, specie obscura, obscurisque latebris
 Abditus. Humanis nulla hic admixta refulgent
 Prodigia. Indicio nullo DEUS eminet. Unum hoc 45
 Eminent, hoc unum præfere: *Subditus illis.*

b Rex

- d Pastores loquebantur ad invicem: Transeamus usque Be-
 thleem, & videamus hoc verbum quod factum est, quod
 Dominus ostendit nobis. Ibid. v. 15.
 e Ambulabunt gentes in lumine tuo, & Reges in splendore
 ortus tui. Isa. 60. v. 3.
 f Cum sceleratis reputatus est. Isa. 53. v. ult.
 g Et erit in illa die, dicit Dominus: occidet Sol in meri-
 die. Amos. 8. v. 9. Commota est, & contremuit terra:
 fundamenta montium conturbata sunt. Ps. 17. v. 8.

b Rex erat, & Regum supremus, & arbiter orbis.
 At nusquam Regum pompa illi, insignia nulla.
 Non sceptrum, aut diadema gerit: non alta superbo
 Marmore, non ostro constrata palatia surgunt. 50
 Non illum crebræ excubiæ, densæque phalanges
 Circumstant, aut armata statione coronant.
 Quocumque aspicias, credas de millibus unum;
 Non plus: ligna dolat: Matri officiosus obedit,
 Ac Joseph: totusque apparet *Subditus illis*. 55
 Lux erat, & tenebras veniebat pellere mundo,
 Et monstrare viam, divinum & spargere lumen:
 Et narrare palam, & divina arcana docere
 Abdita Philosophis, priscisque incognita sæclis.
 Et quondam Puer hæc fecit, munusque Magistri 60
 Egit, Doctorum toto admirante senatu.
 At nunc abscondit radios, lucemque coerces
 Intus, & immensum splendorem obnubet, obumbrat,
 Perque annos bene ter denos, auditque, siletque,
 Atque oculis hominum nihil est nisi *Subditus illis*. 65
 Audisne? Hæc quoque habent divina silentia vocē.

k Esse

h Habet in vestimento, & in femore suo scriptum: Rex
 Regum, & dominus dominantium. Apoc. 19. v. 16.
 i Erat lux vera, quæ illuminat omnem hominem venien-
 tem in hunc mundum. Jo. 1. v. 9.

L

k Esse humilem corde, ac mitem (quod nemo profecto Philosophus) tunc exemplo; dein voce docebat.

l Esse Deo similes (proh quanta superbia; quàmque Insana!) humani generis voluere parentes 70
Primi. Ex illo eadem vesana superbia fudit
Sese, ac fumosa, & tumida caliginè circum
Mortales cinxit. Tristissima origo malorum

m Hæcerat. Huic JESUS exemplo, ac voce mederi;
Sed prius exemplo vult, exemploque Magistrum 75
Se dat inauditæ, neque dum dictæ hætenus ulli
Doctrinæ: voluitque DEUS despectus haberi
Passim, & censeri quasi fabri filius esset.

Primus homo; oblitus se hominē, DEUS esse volebat.

At DEUS humana specie se, & corpore totum, 80

n Abscondit: nec se esse DEUM meminisse videtur.
Hæc tulit ille illi primæ medicamina culpæ
Digna DEO. Nulla est prorsus medicabilis arte,
Sicui non tulerit tanta hæc medicina salutem.

Tu


k *Discite a me, quia mitis sum & humilis corde.* Matth.
11. v. 29.

l *Eritis sicut dii.* Gen. 3. v. 5.

m *Initium omnis peccati est superbia.* Eccli. 10. v. 15. *In ipsa initium sumpsit omnis perditio.* Tob. 4. v. 14.

n *In similitudinem hominum factus, & habitu inventus ut homo.* Ad Philip. 2. v. 7.

Tu quis es, aut quorsū te effers, quorsū ve superbis? 8
Ecce homo, & ecce DEUS submissus, *Subditus illis.*



LUX MUNDI.

Ego sum Lux Mundi.

Joan. 8. v. 12.

CARMEN XXIII.



Gnotus dudum; tandem Jordanis ad
(undas
Ostendit sese. Sed adhuc caligine luci
Permixa, vult lustrari, vult flumine
(tingi :

Et jam se ostendens; etiamnum se abdit JESUS:

Necdum, queis latuit totas jam dispulit umbras. 5

Non secus ac cæli cum primi albescere tractus

Incipiunt; surgit sensim, nec tota repente

Lux oritur: nec tantum oculi perferre nitorem

Assueti tenebris possent. Affinia nocti

Obscurum quid habent creperæ primordia lucis. 10

L 2

At

o Venit JESUS a Galilæa in Jordanem ad Joannem ut baptizaretur ab eo. Matth. 3. v. 13.

At cælum interea, ac de cælo audita sonora
 Vox, confessa DEUM, tandem claravit JESUM,
 Quæque illi supra caput adstitit (almus ab alto
 p Spiritus hac specie veniens) delapsa columba,
 Esse DEUM Trinum, tum demû innotuit, & tum 15
 De cælo auditi primùm Genitusque, Paterque.
 Tantam lux oriens JESUS lucem attulit orbi.
 Sensit Jordanes sua munera, nec capit ultra
 Jam se, nec ripis, nec jam se continet alveo
 Spumeus. Attollens viridi oblita cornua musco 20
 Fervet, & arrectis, iterumque cadentibus undis
 Exultatque vadis, assentaturque, favetque.
 Quos sibi laudari audierat jam spernit Araxem,
 Et decantatum perplexa ab origine Nilum.
 Spernit & Euphratē, & Tigrym, fastuq; tumentē 25
 q Eridanum, quamvis ausum se tollere cælo,
 Quamvis fluviorum Regem se dicere suetum.
 Senferat exortam lucem, qui regna profunda
 Torquet, & imperium tenebrarum, animasq; nefandas,
 Pro-

- p *Et descendit Spiritus Sanctus corporali specie, sicut Columba in ipsam. Luc. 3. v. 22. Et ecce vox de cælis dicens: Hic est Filius meus dilectus, in quo mihi complacui. Matth. 3. v. ult.*
- q *Eridanus una e constellationibus, ut ajunt, cælestibus in parte Australi.*

- Prorumpensque nigris, & noctipotentibus antris; 30
 Extulit infandum caput in cælumque, DEUM que,
 r Tentavitque amens lucem illaqueare tenebris
 Divinam: terque insidias, fraudesque, dolosque
 Urgens, & pugnam insanam, audacesque retentans
 Assaultus; terque irradiantis luminis ictu 35
 Percussus, caput obnubit, penitusque profundis,
 Multa gemens ignominiam, sese abdidit umbris.
 f Sivit & audere hoc hostem, -ut nos scilicet illum
 Debellare, suo exemplo informaret JESUS.
 r Discipulos legit bis senos, retia tantum 40
 Neſtere, & assuetos indagine cingere pisces.
 Non jam divitijs, atavisve, aut artibus ullis
 Ingenuis, non doctrinæ, ingenijve decoros
 Fama, non suadæ, aut facundæ munere linguæ.
 Hos tamen, hōs orbis fieri jubet ille Magistros: 45
 u Vos lux Mundi estis dixit, fecitque perinde
 Ac dixit. Vocem exaudivit, factaque lux est.

L 3

Ob.

- r Tunc JESUS ductus est in desertum a Spiritu ut tenta-
 retur a diabolo. Matth. 4. v. 1.
 f Tentatum autem per omnia pro similitudine, absque pec-
 cato. Ad Hebr. 4. v. 15.
 e Elegit duodecim. Luc. 6. v. 13. Erant enim pisces.
 Matth. 4. v. 18.
 u Vos estis lux mundi. Matth. 5. v. 14. Dixit de tenebris
 lucem splendescere. 2. ad Cor. 4. v. 6.

- Obscuri illi homines facti clarissima mundi
 Lumina, divinæ sparserunt munera lucis
 Undique: quæque diu, longè latèque per orbem 50
 Regnabant ubivis tenebras, noctemque fugarunt
 Qualis cælestes inter pulcherrimus ignes
 Auroram increpitat seram, nitidusque refulget
 Lucifer; ille tamen rudis est, & terrea moles:
 Totum ab Sole suum trahit ille, bibitque nitorem. 55
- Quin desperata penitus caligine merfis
 x Ignotam primus lucem impertivit JESUS.
 Nempe oculis, qui nativas, nimiumque sequaces
 Ex utero secum Matris traxere tenebras.
 Qui nihil (ah!) poterant, præterquam flere, nec ullos 60
 Gustarant unquam jucundi luminis haustus;
 Perpetuis vivi tenebris, quasi morte sepulti.
 Tot retro sæclis, quamvis excusserat umbras
 Mortis nonnemo; nemo has excusserat umbras,
 Cæcigenorum oculis superaddere, & indere lucem, 65
 y Usque recensendo prima inde ab origine Mundi,
 Nulla unquam audierat tale hoc, nec viderat ætas,
 Exigua hæc. Multò JESUS majora parabat
- z Mu-
 x Ut aperires oculos cæcorum. Isa. 42. v. 7.
 y A sæculo non est auditum, quia quis aperuit oculos cæ-
 ci nati. Joan. 9. v. 32.

- z Munera. Divino ut lustraret lumine mentes.
 Venerat. Huic operi intentus. (mirabile dictu!) 70
- a Nec sibi tam charæ Matris meminisse videtur.
 Hoc agit, huic operi incumbit. Per castra, per urbes,
 Quà se Jordanes fundit circumque, supraque,
 Quàque Palestinæ contrà, Mare littora torquet,
 b Itque, reditq; viam. In monte, in convallibus imis, 75
 In templo, in trivijsque etiam, per compita sæpe,
 Perque vias passim lucem accenditque, docetque.
- c Undique convenere omnes audire docentem,
 Nec cibò ali finit interdum circumflua turba,
 Ante chaos deforme erat orbis, & omnia spissis 80
 Obvolvebantur, turbabanturque tenebris.
 Devenere homines fabri, artificesque deorum;
 d Et qui dimidium lignum combusserat igni;

L 4

Li-

- z Illuminare his qui in tenebris, & in umbra mortis sedent
 ad dirigendos pedes nostros in viam pacis. Luc. 2. v. 79.
- a Quæ est Mater mea? Matth. 12. v. 48.
- b Et circuibat JESUS omnes civitates, & castella docens
 in synagogis eorum; & prædicans. Matth. 9. v. 35.
- c Et sequebatur eum turba, & comprimebant eum. Marc.
 5. v. 24. Ita ut non possent neque panem manducare.
 Marc. 3. v. 20.
- d Medium ejus combussit igni . . . reliquum autem ejus
 deum fecit. Isa. 45. v. 16. Opus manuum suarum ado-
 raverunt. Isa. 2. v. 8.

- [Lignum dimidium manuumque opera ipsa suatum,
 Degener, & tota obbrutescens mente, putabat 8
 Esse deos. Vix Philosophi, vix unus, & alter
 Agnorant Unum; sed turpiter hi quoque multa
 e Numina adorabant. Ierant per devia cæci,
 Cæcorumque duces fuerant cum Socrate, Zeno,
 Pythagoras, Plato, Aristoteles, quæ nomina magna 90
 Inflat is adeo crepitabat Græcia buccis.
 Nam constare DEUM, velutinos, corpore quodam
 Censebant; nec quid tandem, quid Spiritus esset
 Cognorant illi satis, aut confinia iusti,
 Injustique, unus potuit sat cernere quisquam. 95
 Nemo unus regere, & rectè componere mores
 Evaluit. Quæ plura quidè bene multa docebant;
 Turpibus, & crebris erroribus incestabant.

- Philosophis puer est, & anus sapientior illis
 Omnibus, ex quo orbi vox est audita Magistri 100
 f. Divini. Ille novi sanxit pia fœdera amoris:
 g. Infensosque ipsos inimicos jussit amari;

Quos

- e Cum cognovissent DEUM; non sicut DEUM glorificave-
 runt. Ad Rom. 1. v. 21. Et coluerunt, & servierunt
 creaturæ potius quam Creatori. Ibid. v. 25.
 f Mandatum novum do vobis, ut diligatis invicem, sicut
 dilexi vos. Joa. 13. v. 34.
 g Diligite inimicos vestros, & benefacite his qui oderunt
 vos. Matth. 5. v. 44.

- Quos odisse erat & virtus, & gloria quondam
 Barbara; nec satis est adeo ignovisse, Magister
 Vult, bene item factis odia, & malefacta rependi. 105
 Rursus, quod fieri passim sine more solebat,
 b Edicto vetuit, dein vincla jugalia solvi,
 Crimen adulterij admitti (exsecrabile crimen)
 i Vel solo intuitu, solaque cupidine mentis,
 Admonuit. Tantum potuit vesana nocere 110
 Corde latens, solisque oculis grassata libido!
 k Pauperibus cælum addixit; contràque negavit
 Hoc fore divitibus facile, & proclivius esse
 Addidit, intrare, & per acum transire camelum.
 l Discipulos omnes post se jubet ire, crucemque 115
 Ferre humeris. Qui detrectans portare reculat;

Hunc

- b Qui dimittis uxorem suam, & alteram ducit mæchatur,
 & qui dimissam a viro ducit, mæchatur. Luc. 16. v. 18.
 i Qui viderit mulierem ad concupiscendam eam, jam mæ-
 chatus est eam in corde suo. Matth. 5. v. 28.
 k Beati pauperes spiritu: quoniam ipsorum est regnum cæ-
 lorum. Matth. 5. v. 3. Facilius est camelum per fora-
 men acus introire, quàm divitem intrare in regnum cæ-
 lorum. Luc. 14. v. 27.
 l Si quis vult post me venire abneget semetipsum: & tol-
 lat crucem suam quotidie, & sequatur me. Luc. 9. v.
 23. Qui non bajulat crucem suam, & sequitur me; non
 potest meus esse discipulus. Luc. 14. v. 27.

- Hunc negat esse suum. Pleno vocat ore beatos
m Qui lugent, qui nil meriti patiuntur acerba,
 Et mala multa. Ingens cælo his est, altaque merces.
 Infligenti alapam porgi patienter, & ultro 120
n Vult aliam necdum percussam verbere malam,
 Interea, vult ille, suos contemnere mortem
 Impavidos: & non illos, qui perdere ferro
o Corpora, de se ultro demum peritura; sed illum,
 Qui potis est animas etiam multare, timendum, 125
 Cumque anima æternis corpus quoq; tundere flammis.
p Edicit: Moſis cathedram, sedemque verendam,
 Vel cùm Scriba aliquis ſedet, indignuſque ſedere eſt.
 q Vult;

- m* Beati qui lugent, Matth. 5. v. 5. Beati eſtis cùm ma-
 ledixerint vobis homines, & perſecuti vos fuerint, &
 dixerint omne malum adverſum vos mentientes, pro-
 pter me. Ibid. v. 11. & 12.
n Si quis te percufferit in dexteram maxillam tuam, præ-
 be illi & alteram. Ibid. v. 39.
o Noſite timere eos qui occidunt corpus ... ſed potius ti-
 mete eum, qui poteſt, & animam, & corpus perdere in
 gehennam. Matth. 10. v. 28.
p Super cathedram Moſi ſederunt Scribæ, & Phariſæi.
 Omnia ergo quæcumque dixerint vobis, ſervate. Matth.
 23. v. 2. & 3.

q Vult: qui præcedit, majorque est, ceu minor esset,
 Se gerere, & nullo insari, aut turgescere fastu. 130
 r Siquid cui dederit, siquid bene dextera fecit
 Non vult germanam, non vult id scire sinistram.
 f Quodque unum, laudem, pompam virtutis amabant
 Philosophi; condemnavit, longèque removit.
 t Ille orare DEUM ritè, assidueque precari 135
 Nos docuit, nosque instituit (quod nemo suapte
 u Auderet) non tam Dominum; quàm dicere Patrem.
 x Orbis non caperet libros, siquis modò posset
 Scribere quæ docuit, quæ fecit & omnia JESUS.
 Nox erat, & tenebris involverat omnia: flamme 140
 Sydereæ cælo vixdum, timidèque micabant,
 Cùm JESUS tres discipulos, quæ sæpe solebat
 Plus

- q *Qui major est in vobis fiat sicut minor, & qui præcessor
 est sicut ministrator. Luc. 22. v. 26.*
 r *Te autem faciente eleemosynam, nesciat sinistra tua quid
 faciat dextera tua. Matth. 6. v. 3.*
 f *Attendite ne justitiam vestram faciatis coram hominibus,
 ut videamini ab eis. Ibid. v. 1.*
 t *Oportet semper orare & non deficere. Luc. 18. v. 1.*
 u *Sic ergo orabitis: Pater noster, qui es in calis. Matth.
 6. v. 9.*
 x *Quæ si scribantur per singula, nec ipsum arbitror mun-
 dum capere posse eos, qui scribendi sunt libri. Joa. ult.
 v. ult.*

- Plus indulgere, arcanos & credere sensus,
 In montem secum abducit, de moreque Patrem
 Orabat. Sed enim sublimis in aera raptus, 145
 Fulgorem immensum, ingenitum, quamq; intus alebat
 Impulit, explicuitque, & tum prorumpere lucem
 9 Concessit: neque erat jam vultus, nec color idem.
 Fusa videbatur nix undique texere vestem:
 2 Instar Solis erat facies: lux undique totus. 150
 Qualis erat tum demum apparuit. Alter, & alter
 a Adstabant lateri Vates: qui scilicet olim
 Captivam exemit vinclis, & duxit ab oris
 Ifacidum gentem Pharijs, Regemque ferocem
 Contumulavit aquis: & qui trepidantibus auris, 155
 Flammigero excelsum vestus super æthera curru.
 At sermo interea (quis tale hic?) de cruce, deque
 b Complendo Solymis excessu. Gloria nēpe
 Hæc illi est, hæc deliciæ, hoc unum ardet, amatque.
 y *Et facta est dum oraret species vultus ejus altera. Luc.*
9. v. 29.
 z *Et resplenduit facies ejus sicut Sol; Vestimenta autem*
ejus facta sunt alba sicut nix. Matth. 17. v. 2.
 a *Et ecce apparuerunt eis Moyses, & Elias cum eo loquen-*
tes. Ibid. v. 3.
 b *Et dicebant excessum, quem completurus erat in Jerusa-*
lem. Luc. 9. v. 31.

R E X

R E X M A N S U E T U S .

Ecce Rex tuus venit tibi mansuetus.

Matth. 21. v. 5.

C A R M E N XXIV.



Ultra quàm dici fas, quàm comprende-

(re mente,

Mansuetus noster Rex est, & mitis

(JESUS

Filius ille hominis vulgò cognomine dici

Vult: nec supra hominē, quamquā est Altissimus, effert

Sese. Affabilior nemo, mansuetior alter

Nemo fuit. Regum Rex est, atque Arbiter orbis;

Sed non majestas, non alta potentia frontem

c Asperat, aut tristem vultu, aspectuque severum

d Reddit. Non ille imperiosam attollere vocem,

Aut majestatem rigido portendere vultu,

Aut aliquem meritæ sceleratum dedere morti

Qui mortis dominus, vitæque est. Hanc dedit ille

Mul-

c Non erit tristis, neque turbulentus. Isa. 42. v. 4.

d Non clamabit . . . neque audietur vox ejus foris. Ibid.

v. 2.

Multis; at nulli eripuit: nam venerat, orbem
 Pacare, & gravibus vinclis, & carcere victos
 e In libertatem asserere, afflictisque mederi 15
 Et recreare, & lugentes solari omnes.
 Non autem damnare aliquem. Deprensa recenti
 Femina adulterio (quod non nisi morte piandum,
 Et quod terrendum, tumultandumque undique saxis
 Crimen erat) vinclis religata adducitur: urgent 20
 f Accusatores duri, legemque nefandi
 Ultricem ostentant sceleris, pœnamque reposcunt
 Sancitam: lapides ultro, citroque minantur.
 Et quid tum Judex? Arcana recondita quædam
 Nescio quæ, digito, curvans se, in pulvere signat. 25
 Et mox confurgens: Primus lapide impetat ille
 Qui

e *Misit me ut mederer contritis corde, & prædicarem captivis indulgentiam, & clausis apertionem ... ut consolarem omnes lugentes.* Isa. 61. v. 1. & 2. & Lucæ 4. v. 17. *Non enim misit DEUS Filium suum in mundum, ut judicet mundum, sed ut salvetur mundus per ipsum.* Joa. 3. v. 17.

f *Magister, hæc mulier modò deprehensa est in adulterio. In lege autem Moyses mandavit nobis hujusmodi lapidare. Tu ergo quid dicis?* Joa. 8. v. 4. & 5. *JESUS autem inclinans se deorsum digito scribebat in terra ... erexit se & dixit eis: Qui sine peccato est vestrum primus in illam lapidem mittat.* v. 6. & 7.

Qui sine peccato est vestrum. His, quasi fulmine, verbis
 Perculsi, aut quasi versa retro in se saxa redirent;
 Conticere, abiere omnes. Conversus ad illam,
 Et queis vineta manus (sic fama est) vincula solvens: 30
 Qui te accusabant ubinam sunt? Nemone tandem
 Te condemnavit? Neque ego. I, respisce periclo,
 I salva, i melior, veterumque extingue malorum
 Famam, & conscelerari ultra, & peccare deinceps
 Jā noli. Ut Rex, utq; Auctor, dominusq; supremus 35
 Legis supplicio exemit, legemque refixit.

Festinabat iter Solymam, fessusque labore
 Sidoniam ingrediens urbem; succedere tecto,
 Et recipi hospitio, seraque recumbere nocte
 Poscebat. Sed inhumani repulere precantem: 40
 Nec lassum veriti peregrinum, more ferarum,
 Arcere, & tectum fesso, hospitiumque negare.

k Vel-

E Audientes autem unus post unum exhibant .. & reman-
 sit solus JESUS & mulier in medio stans. v. 9. Dixit
 ei: Mulier, ubi sunt qui te accusabant: nemo te con-
 demnavit. v. 10.

h Neque ego te condemnabo. Vade, & jam amplius noli
 peccare. v. 11.

i Et non receperunt eum: quia facies ejus erat euntis in
 Jerusalem. Luc. 9. v: 53.

k Vellent discipuli, descendere fulmina caelo,
 Absumique domos, & inhospita mœnia flammis.
 Non tulit hoc dici, & iustas pius obtudit iras 45

I JESUS: Nescitis, inquit, quod vos rapit ardor,
 Quàmque mei facit absumiles, qui ferre salutem,
 Qui servare animas veni; non perdere morte.

Sicubi quam possit lucrari, quidquid inepti
 Censores contra obstreperent; neque limina adire; 50
 Nec sceletorum plerumque accumbere mensis
 m Horrescit. Quin Zachæo sese oggerit ultro,
 Qui nempe infando; & malè nato scœnore partas
 Accumulabat opes. Sed amor satiatus habendi
 Est, simul ac tantus successit sedibus hospes. 55

n Quæ

k Domine, vis dicamus, ut ignis descendat de caelo, &
 consumat illos? v. 54.

l Et conversus increpavit illos dicens: Nescitis cujus spi-
 ritus estis. Filius hominis non venit animas perdere,
 sed salvare. v. 55. & 56.

m Zachæe, festinans descende, quia hodie in domo tua o-
 portet me manere. Et festinans descendit: & excepit
 illum gaudens. Et cum viderent omnes murmurabant,
 dicentes quod ad hominem peccatorem divertisset. Luc.
 19. a v. 5. ad 7.

n Quæ fraude, & furto congefferat; omnia reddit.
 Quadrupla: dimidiata sua impertitur egenis.

Tantum hospes potuit JESUS suadere bonorum.

At (mirum omnino hoc magis est) affabilis ipsis
 Prohibulis fuit: ut piccas extinguere flammæ, 60
 Eque volutabro, & graveolenti abducere cœno
 Posset, & abjecti curam inspirare pudoris.

Tempus erat, quo Sol medio sublimis Olympo
 Regnat, & excelso de culmine fulminat æstus.

Urentes, nemorumque altorum contrahit umbras. 65
 Fervet anhela dies: languent, sitientibus agris,
 Demittuntque caput flores: animalia passim
 Strata jacent, patulisque expirant naribus ignes:
 Et cantu cessant, obmutescuntque volucres.

o Hac hora, ad puteum, propter Samaritidos urbis 70
 Mœnia, longum iter emensus, medijque diei
 Sole fatigatus, tandem confedit JESUS.

Ve.

n Stans autem Zachæus dixit ad Dominum: Ecce dimi-
 dium bonorum meorum Domine do pauperibus: & siquid
 aliquem defraudavi reddo quadruplum. Ait JESUS ad
 eum: Quia hodie salus domui huic facta est. v. 8. & 9.
 o JESUS ergo fatigatus ex itinere sedebat sic supra fon-
 tem. Hora erat quasi sexta. Joan. 4. v. 6. Venit mulier
 de Samaria haurire aquam.

M

Venit & ad fontem vicina ex urbe, procaci
Incessu, altivolisque oculis lasciva puella,
Dextra hydriam, tricasque ferens, de more, sinistra. 75
Hauserat allatura domum, cum supplice voce :

p Imploravit aquam JESUS. At illa superba: 80

q Quorsum Judæus mihi tu te sistere coram
Audere, & potum petere a me? Si modò scires

r Qui sum, qui posco; tu a me, fortasse petisses: 80
Et tibi aquam meliorem ista, vivamque dedissem.

Multis hinc illinc sermonibus, omnia tandem
Vicit, & in melius mitis mutavit JESUS.

Quæque lupanaris nuper spirabat odorem

: Femina; longe alias casto jam pectore flammam 85

f Excipiens, hydriamque suam, laqueosque relinquens;
Egit præconem Christi, totamque per urbem

Discurrens; totam Christi inflammavit amore. 90

Tu

p Dicit ei JESUS: da mihi bibere: v. 7.

q Dicit ergo ei mulier illa Samaritana: Quomodo tu Judæus cum sis, bibere a me poscis, quæ sum mulier Samaritana? non enim contuntur Judæi Samaritanis. v. 9.

r Respondit JESUS & dixit: Si scires donum DEI, & quis est qui dicit tibi: Da mihi bibere: tu forsitan petisses ab eo, & dedisset tibi aquam vivam. v. 10.

f Reliquit ergo hydriam suam mulier... Ex civitate autem illa multi crediderunt in eum Samaritanorum, propter verbum mulieris. v. 18. & 39.

Tu multò felix mage Magdalena Maria.
 Ut tu, hilares inter menfas, convivique, audax; 90
 Et bene nunc effrons, irrumpis! Et omnia luctu
 Confundens, lacrymis oneras revoluta, rigasque
 Quos amplexa pedes JESU, tergisque capillis
 Formosis. Frustra tamen hoc: nam rursus amaro
 Flumine, & immenso lacrymarum turbine inundas. 95
 Nec te usque hærentem pedibus, repetitaque dantem
 Oscula detrectat, neque dedignatur JESUS.
 Sed neque quos (frangens alabastrum, nequa super sit
 Gutta tibi) pedibus rursus, capitique sedentis
 JESU, thesauros pretiosos, nardi, & amomi, 100
 Et casæ, & stactes manu utraque affundis odores.
 Arguet hoc, & perjurus damnabit Judas,
 Discipulique alij ignari; at non linquet inultam
 JESUS te. Obrectatores compescet, agetque
 Pro te stans defensorem: totumque per orbem, 105

M 2 Et

† Lacrymis cœpit rigare pedes ejus, & capillis capitis sui
 tergebat, & osculabatur pedes ejus, & unguento unge-
 bat. Luc. 9. v. 38.

‡ Unguenti nardi spicati pretiosi, & fracto alabaastro effudit
 super caput ejus. Marc. 14. v. 3.

× Quid molesti estis huic mulieri? opus enim bonum opera-
 ta est in me... Amen dico vobis, ubicumque prædica-
 tum fuerit hoc evangelium in toto mundo, dicetur &
 quod hæc fecit in memoriam ejus. Matth. 26. v. 10. & 13.

Et quacumque sua expandit Sol lumina, magna
Præconum voce extolli hæc tua facta jubebit.

Perge modò, & jamjam moriturum (namque sepultum
y Haud poteris) nunc præverte, & nunc unge volentem.

Magna hæc Mæsuæti Regis documēta; sed ultra 110
Ecce aliud majus. Confossus, pendulus alta

De trabe: tormento, & pœna, ritumque latronum
Expirans inter sceleratos, undique septus

Hostibus; his ipsis ignosci postulat, & vult,
Excusans, ignorantes fecisse. Supremos 115

Hoc inter mortis gemitus poscitque, rogatque
z Patrem: dum rabidi insultant, & sæviùs hostes

a Impia inhumani obtrudunt convicia ad aurē.

Usque adeo clemens, ad portentumque benignus,
Usque adeo noster Rex est mansuetus JESUS! 120

y Quod habuit hæc, fecit: prævenit ungere corpus meum
in sepulturam. Marc. 14. v. 8.

z Crucifixerunt eum, & latrones, unum a dextris & al-
terum a sinistris: JESUS autem dicebat: Pater dimitte
illis: non enim sciunt quid faciunt. Luc. 23. v. 33. & 34.

a Et stabat populus spectans, & deridebant eum. v. 35.

B O N U S P A S T O R .

Ego sum bonus Pastor.

Joa. 10. v. 11. & 14.

C A R M E N XXV.



Cquis hic est Libani veniens de verti-

(ce, tranans

Colles, transiliens montana cacumina

(Pastor

c Rore madens, & lacteolus, rubicundus & ore,
 Quo sine nil dulce est quidquam, nec amabile quidquā?
 Tesqua per horrida, per vepreta, per invia saxa, 5
 Per scopulosa, per & prærupta, per aspera quæque
 Errabundam, quam ab sese malus abstulit error,
 Quærit ovem. Et quamquam tam longo errore viarum
 Fessus; nec vultum meminit sudore madentem
 Tergere, nec Solis furias, æstusque veretur, 10

M 3

Nec

b Ecce iste venit saliens in montibus, transiliens colles.

Cant. 2. v. 8. Caput meum plenum est rore, & cincinnati
 mei guttis noctium. Cant. 5. v. 2.

c Dilectus meus candidus, & rubicundus, electus ex mil-
 libus. Ibid. v. 10.

- Nec gelidam noctem, matutinamque pruina,
 Nec torvis cælum involventes nubibus imbres;
 Nil sentit. Plenus curarum, plenus amoris,
 Interea dum perditæ ovis vestigia lustrat,
 Nullum horret, nullum non devorat ille laborem.
 Sollicitum sic reddit amor. Quotcumque perirent,
 Præcipientesque agerentur oves; non pauper, inopsve
 Propterea fieret: millenis undique caulis
 Sunt illi innumeri tuti cum matribus agni.
 Pastorum princeps est, & ditissimus agri,
 Atque ovium; sed ne pereat, sic anxius unam
 Tanquam sola foret, tanquam non amplius una
 Illi esset, sic ingratham conquirat, amatque.
 d Desertis alias, solisque in montibus omnes,
 e Tanquam si illarum foret immemor ille, reliquit.
 Utque est cantandi, pastorum more, peritus,
 Interdum dulci movet ore, & arundine carmen;
 Si trahat errantem, si fortè ad ovile reducat,
 Illicitaque iterum sensim dulcedine cantus.
 Et memini vocem, nuperque & verba tenebam:
 e Vos omnes, quotquot mæsti, immerisque dolore,
 Qui
 d Nonne relinquit nonaginta novem in montibus, & va-
 dit querere eam, quæ erravit. Matth. 18. v. 12.
 e Venite ad me omnes, qui laboratis, & onerati estis, &
 ego reficiam vos. Matth. 11. v. 28.

- Quique humeris onus, & pondus portatis iniquum
 Et gemitis fessi, victique labore, venite
 Illicet ad me omnes: feram ego solamen, opemque,
 Et tergam lacrymas, gemitusque silere jubebo. 35
- f Ipse humeros oneri supponam, vosque levabo,
 Inque sinu blandè ipse meo, gremioque fovebo.
 Jordanis memini hæc illum cecinisse sub antris,
 Ac proceræ etiam scripisse in cortice cedri
 Sæpius: atque etiamnum non delebile carmen 40
 Eminent. Est aliud scriptum hoc in cortice palmæ,
 Et nisi me fallunt pastores, ipse canebat:
- g Surge, veni: speciosa veni, & mea casta columba,
 Inque foraminibus petræ faciam tibi nidum,
 Quo, Milvo prædone procul, secura quiescas. 45
- h Ostende o! faciem: tua fac sonet auribus & vox:
 Nam tua vox est quàm dulcis, faciesque decora.
 Currite Idumææ teneræ, castæque puellæ,
 Ferteque Pastori divino lilia plenis

M 4

i Fi-

- f *In brachio suo congregabit agnos, & in sinu suo levabit.*
 Isa. 40. v. 11.
- g *Surge amica mea, speciosa mea, & veni: columba mea
 in foraminibus petræ, in caverna macerie:*
- h *Ostende mihi faciem tuam, sonet vox tua in auribus
 meis: vox enim tua dulcis, & facies tua decora. Cant.*
 2. v. 13. & 14.

- i Fiscellis, & narcissos, calthasque, rosasque 50
Fragrantes, quibus ille suum soletur amorem.
- k Pestis acerba, luesque infanda infecerat omnem,
Vastabatque gregem. Serpens vaser omnia circum
Pascuaque, & fluvios, ipsaque in origine fontes
Arcano imbuerat tabo, imbueratque veneno 55
Sæpe cadaveribus congesta cadavera, propter
Flumina, perque vias, perque agros fusa jacebant.
Præterea quasi non strages tanta hæc satis esset;
- l Debacchabantur passim furesque, lupique.
Donec ab æthereo descendens vertice Pastor, 60
- m Arcuit a stabulis furesque, luposque rapaces:
Sanavitque gregem, docuitque salubribus undis
Fonte novo, quem monstravit, quemque extudit ipse,
- n Mortiferamque sitim, veteremque avertere pestem.
Nec fatis hoc: oleo fragrantia balsama miscens, 65
Quam

- i Fulcite me floribus. Ibid. v. 5.
- k Regnavit mors ab Adam usque ad Moysen etiam in nos.
Ad Rom. 5. v. 14. In omnes homines mors pertransiit.
Ibid. v. 12.
- l In medio luporum. Matth. 10. v. 16.
- m Salvabo gregem meum, & non erit ultra in rapinam.
Ezec. 34. v. 22.
- n Aqua, quam ego dabo ei fiet in eo fons aque salientis
in vitam æternam. Joan. 4. v. 14.

Quam dederat salientis aquæ vitale lavacrum
Infirmis auxit, confirmavitque salutem.

- Prælagivit, oves ductas errore, suamet
Sponte petituras mortali intincta veneno
Pabula, quasque ater serpens afflaverat herbas. 70
Quique indignari, irascique perire volenti
Debuerat; tulit huic etiam medicamina morbo
Accersito ultro: quædamque recondita verba
o Pastores docuit, queis & depellere morbos,
Tabificamque luem confestim abstergere possent. 75
Quin, ultra hæc, necui mala gramina deinde placeret,
Toxicaque illecebris pellacibus illita; sanctam
p De cælo allatam Cererem, cerealibus liba
Manducanda dedit, mensasque paravit opimas,
Queis positæ in tuto constarent vita, salusque. 80
Dein ducturus oves meliora ad ovilia, sursum,
Siqua lateret adhuc fortasse recondita labes
Velleribus, siqua aut forsan vestigia morbi
Præteriti; delere etiam, sanctoque linitu
q Tergere, candoremque dedit renovare nivalem. 85

Et

- o Quæcumque solveritis super terram, erunt soluta, & in
cælo. Matth. 18. v. 18.
p Panem de cælo dedit eis manducare. Joan. 6. v. 31. Ut
siquis ex ipso manducaverit non moriatur. Ibid. v. 50.
q Et si in peccatis sit remittentur ei. Jacob. 5. v. 14.

Et cùm mortalem speciem, mortalia membra
 Induerit, mortem exoptans, animamque daturus
 Pro grege; Pastores, quæ danda vicaria cura,
 Sufficit, qui nempe gregis detergere sordes,
 Cælestemque etiam cælo deducere panem, 90
 Sicuti erant docti, verbis, ac voce valerent.

Cùmq; videret, agi in præceps pecudesque, gregesq;
 Impulsos stimulis sine lege furentis amoris;
 Protinus instabilem, variumque, vagumque refgens;
 Firmavit quæ nutabant socialia jura, 95
 Mansuramque fidem, & sanctissima fœdera sanxit.
 Siquis erit, qui te, Pastor dulcissime JESU,
 Non amet; ille odium mortalibus omnibus, ille
 Fomes inextinctis, tenebrosisque ignibus esto.

- r *Sicut misit me Pater, & ego mitto vos.* Joan. 20.
 f *Præcipio non ego, sed Dominus uxorem a viro non discedere.* 1. ad Cor. 7. v. 10.
 t *Siquis non amat Dominum nostrum JESUMCHRISTUM, sit anathema, Maran-Atha.* 1. ad Cor. 16. v. 22.

TRIUM-

T R I U M P H U S.

Ecce Rex tuus venit sedens super pul-
lum asinæ.

Joan. 12. v. 15.

C A R M E N XXVI.



Define (connivet quamquam tibi subdi-
tus orbis)

Define, Roma, tuos jactare superba
(triumphos,

Quosque triumphales agis ad Capitolia currus,
Victricesque tuas ad cælum tollere pompas.

En major Solymis supereminet, itque triumphus.
Non Reges hîc (infandum!) post terga revincti
Squalentes luctu: non auri immensa talenta
Captivæ, aut captivæ urbes: non pompa superba,
Pompa cruenta, volens hominum data millia morti
Nec lugubre rubent, nec rorant sanguine palmæ.
Omnia lætitiâ spirant hic, omnia rident.

Ecce venit Rex mansuetus, venit & sine pompa,
Pullo asini insidens: nam sic prædixerat, olim

Ven-

Venturum, totis quingentis amplius annis

“ Retro, hæc vaticinans præfago carmine Vates. 15

Frons, oculi, major mortali gratia vultus,

Omnia divini portendunt signa decoris.

Nudus erat vertex: per dorsum a vertice, crines,

Cincinnique ibant sinceri: missa fluebat

Ad talos, sine futura, contextaque gyro 20

* Uno perpetuo, violasque imitata colore

Vestis, quam parvo Puero properaverat olim

Ipsa suis Mater manibus, noctesque, diesque

Incumbens operi: dein sensim creverat una

Cum Puero; neque tot lapsos dum senserat annos. 25

Effundit sese portis urbs. Quam solet alto

Fundere se, rupto cælo, spississimus imber.

Quacumque incedit, quacumque incedere tentat;

, Detractas humeris venienti sternere vestes

Certatim accurrunt omnes, seseque vicissim, 30

Utro-uter obsequio impigrior, prævertere, certant,

Præripiuntque alijs alij sortemque, vicemque

Lilia, purpureasque rosas super undique plenis

Es.

u Zachar. 9. v. 9.

x *Erat autem tunica inconsutilis, desuper contexta per totum.* Joan. 19. v. 23.

y *Plurima autem turba straverunt vestimenta sua in via.* Matth. 21. v. 8.

- Effundunt calathis, & inumbrant aera nimbo.
 z Frondes de arboribus, palmas, oleasque virentes, 35
 Quisque suum populatus iter, sternuntque, feruntque
 Præ manibus. Credas ipsas incedere sylvas:
 Quin ipsas videas ultro ab radicibus imis
 Lauros, ultro etiam submittere culmina palmas,
 Et placidè Regi clinare cacumina montes. 40
 Tempus erit, cùm submittent Capitolia frontem,
 Cùm septemgemi curvabunt se quoque colles.
 a Hosanna Rex de excelsis, sate sanguine David,
 Clamore immenso ingeminant. Fremit undiq; plausus
 Undisonus: longè valles, montesque resultant. 45
 Ponè sequebatur tanti pars magna triumphi
 Lazarus. Hunc, nequeunt satiari corda, tuendo.
 Exsequias nuper comitati, & funera testes:
 b Nos expiranti adstitimus, gelidumque cadaver
 z Alij autem cadebant ramos de arboribus, & sternebant
 in via. Ibid.
 a Turba autem, quæ præcedebant, & quæ sequebantur,
 clamabant dicentes: Hosanna Filio David: benedictus,
 qui venit in nomine Domini: hosanna in altissimis. Ibid.
 v. 9.
 b Testimonium ergo perhibebat turba, quæ erat cum eo quan-
 do Lazarum vocavit de monumento, & suscitavit eum
 a mortuis. Joan. 12. v. 17. Jam sciet, quatrduanus est
 enim. Joan. 11. v. 39.

- Lugubri extulimus planctu, obruimusq; sepulchro. 50
 Quatuor ille dies, totidem jam funere noctes
 Mersus erat, graveolentemque exhalabat odorem,
 Pestiferamq; luem circum, mortemque, metumque.
 c Sed tamen ad vocem, imperiumque jubentis JESU
 Exire, exivit, non stans, non viribus usus. 55
 Ille suis; sed qualis erat, tumuloque jacebat,
 Subtentus dorso totus, facieque supinus,
 Sindoneque, & circum replicatis undique vinclis
 Funereis; vittisque immobilis, inque volutus.
 Hæc illi. Nec multò alij diversa ferebant. 60
 d Ut juvenem Matri unigenam, melioribus annis,
 Tum cum prima genis vernabat flore juvenia,
 Fato immaturo ereptum, feretroque repostum
 Funereo, tangens feretrum revocaverit orco,
 Lugenti immensa, improviseque gaudia Matri. 65
 e Ut flenti rursus Matri, Patrique puellam

Red-

- c Voce magna clamavit: Lazare veni foras. Et statim pro-
 diit qui fuerat mortuus ligatus pedes & manus infertis,
 & facies ejus sudario erat ligata. Joan. 11. v. 43. & 44.
 d Defunctus efferebatur filius unicus Matris sue. . . Et
 accessit, & tetigit loculum. Et ait: Adolescens tibi dico,
 surge. Et resedit qui erat mortuus. Luc. 7. v. 12. 14. & 15.
 e Tenens manum ejus clamavit dicens: Puella surge: &
 reversus est spiritus ejus, & surrexit continuò. Luc. 8.
 v. 54. & 55.

Reddidit: & tanquam somno, non morte jaceret:
Surge puella. Hoc uno, excussit funera, verbo.

Ut consanguineos lethi, letumque ferentes

f. Dispulerit passim morbos, febresque, tumentemq; 70

Hydropem, insanamque sitim: infestæque Dianæ

Iras fulmineas pacarit, & arida membra, ... 71

Tabidaque impleret succo, implevitque vigore:

Sopitosque diu, extricaverit illicet artus,

g. Vixque habiles desudando reptare, repente 75

Fecerit æquato celeres incedere gressu.

h. Utque exsiccarit, compescueritque cruoris

Flumen vel furtim contacta lacinia vestis.

Utque loqui dederit, queis turpe, & inutile pondus

i. Lingua hærebat iners: & respondere vocanti 80

Indociles, ac semineces animaverit aures:

k. Ex.

f. *Obtulerunt ei omnes male habentes, & varijs languoribus, & tormentis comprehensos ... & lunaticos, & paralyticos, & curavit eos. Matth. 4. v. 24.*

g. *Claudi ambulant. Matth. 11. v. 5. Tunc saliet sicut serpens claudus. Isa. 35. v. 6.*

h. *Luc. 8. v. 44.*

i. *Surdos fecit audire, & mutos loqui. Marc. 7. v. ult. Aperta erit lingua mutorum. Isa. 35. v. 6. & aures surdorum patebunt. Ibid. v. 5.*

- k Extinctisque afflans oculis lucemque, diemque,
Nativas etiam plerumque absterferit umbras.
- l Tumque, ut squammigera illuvie, sanieque nefanda
Corpora mundavit passim. Hæc tum pessima pestis &
Regnabat; sed enim jamtum penè exsulat orbe.
Tartareas etiam pestes irrumpere passim
Corporibus miserorum, & iniquam ibi figere sedem
- m Assuetas, quanto imperio procul egerit, utque.
- n Auditus gemitus: *Venisti* (heu!) *perdere tu nos?* 90
Undique consurgit clamor: sua munera quisque
Ostentans, ad sese oculos rapiuntque, trahuntque.

Narrabant alij: vidisse per æquoris undas

- o Tutum ire, & stabili calcantem cæcula passu:
Et colluctantes solitum compescere ventos, 95
- p Et facere irato tranquilla silentia ponto. 11
Seque fuisse inter convivas, seque bibisse

Quas

- k Cæci vident. Matth. 11. v. 5. *Ut aperires oculos cæcorum,*
& *educeres de conclusione vincitum de domo carceris se-*
dentis in tenebris. Isa. 42. v. 7.
- l Leprosi mundantur. Matth. 11. v. 5. & Luc. 7. v. 22.
- m Obtulerunt ei multos dæmonia habentes, & *eiciebat spi-*
ritus verbo. Matth. 8. v. 16.
- n *Venisti perdere nos?* Marc. 1. v. 24. & Luc. 4. v. 34.
- o *Venit ad eos ambulans super mare.* Matth. 14. v. 25.
- p *Imperavit ventis & mari, & facta est tranquillitas*
magna. Matth. 8. v. 16. Joa. 2. a v. 1. ad 11.

Quas (simul ac velle hoc sese tacite innuit adstans Mater) mutavit generosa in pocula lymphas.

Interea panes alij, Cereremque beatam 100
Ostentant, plenas lances, plenosque canistros.

Et: quinque hi panes fuerant; at jussit JESUS
Turbæ hos sufficere innumeræ, fusisque per herbam
Distribui; simul, ut voluit, simul omnia facta.

- q Millia quinque hominum longèque, diuque retentam 105
Agrestem, sævamque ultro ingluviemque, famemque
Explevit: puerosque etiam, imbellemque sequentem
Turbam. Quantumvis magnas absumere messes
Possent; at panes quinque haud potuere. Superfunt
Bis feni expletis grandes, plenique canistri: 110
Vincta fames spolia hæc nobis pretiosa reliquit.
Hæc illi. Plausus magis increbrescit, & alta
Sydera pulsanter fremitu, instaurantque triumphum.

- q *Et manducaverunt omnes, & saturati sunt. Et tul-*
runt reliquias duodecim cophinos fragmentorum plenos.
Manducantium autem fuit numerus quinque millia vi-
rorum, exceptis mulieribus, & parvulis. Matth. 14. v.
20. & 21.

DEUS ABSCONDITUS.

Verè tu es DEUS Absconditus.

Isa. 45. v. 15.

CARMEN XXVII.



U'M dilexisset sibi quos delegit amicos;
 Mirum, incredibile est quantum dile-
 xit eosdem
 In finem vergens, & jam moriturus
 (JESUS.

E cœna surgens, erat etsi perfidus unus
 Inter bis senos; jubet illos usque sedere
 Ordine quemque suo: celer ipse, & plenus amore,
 Mittit aquam in pelvim, circum sibi candida cingit
 Lintea, deque genu toto ore, & pectore pronus,
 Sollicitis modò aquas manibus, modò lintea tractans;

Illo.

Cum dilexisset suos, qui erant in mundo, in finem dile-
 xit eos. Et cœna facta, cum diabolus jam misisset in
 cor, ut traderet illum Judas Simeonis Iscariotæ... sur-
 git a cœna, ponit vestimenta sua, & cum accepisset lin-
 teum, præcinxit se. Deinde mittit aquam in pelvim, &
 cepit lavare pedes discipulorum & extergere linteo, quo
 erat præcinctus. Joa. 13. a v. 1. ad 5.

Illorum ille lavare pedes, & tergere cœpit. 10

Hic admirari attonitus, blandèque precari,

Deinde etiam multa Petrus vi rendere contrà.

f Tune lavare pedes, & me cessare quietum
Sperasti? Quorsum tu te demittere tantum?

c Tune mihi? Nunquam per me tibi tale licebit. 15

Nil agis o! tu sancte senex, frustra que repugnas.

Abluet ille pedes, dabit hæc tibi & ultima amoris

Pignora chara sui, frustra que moraris amantem.

Et tamen hoc quantum est nihil est. Majora supersunt:

Majus amoris opus parat, & molitur JESUS. 20

Vos o! vos omnes accerso, & provoco, Amantes,

Quotquot in orbe aliquando, nuncve olimve fuistis.

Dicite siquid amor facere unquam grande coegit

Vos: vestros ipsimet vos extollite amores.

Congerite huc etiam quotquot vel Fabula mendax 25

Obstrepi, Historia aut siquos miratur Amantes.

Quàm sunt momenti exigui! quàm frigida sordent

Omnia, divino si componantur amor!

Sordent Euryalus, Nisus: Pyladesque, & Orestes:

Tyndaridæque, & Atridæ ambo: Patroclusque,

(& Achilles. 30

N 2

Fri-

f Et dicit ei Petrus: Domine tu mihi lavas pedes? Ibid.
v. 6.

c Non lavabis mihi pedes in æternum. v. 8.

- Frigent Mausoli cineres, quos miscuit omnes,
 Vinoque, & mixtos lacrymis charissima conjux
 Exhaustit. Quàm majus opus molitur JESUS!
 Omnipotens ut erat, potuit plus, plus & amavit.
 Ingeniosus; inaudito miraculo amoris, 35
 u In panem, in vinum, extollens vocem omnipotentem,
 Verbo transformat sese. Cibus esse videtur:
 Et semet manibus gestat, se dividit ipse:
 Infert sese in discipulorum pectora totus.
 Quiq; Homo, quiq; DEUS; totus sub imagine panis, 40
 Qualis erat coram, & rursus sub imagine vini
 Totus erat. Latebras interdum quærere Amantes,
 Et furtim auscultare solent: placet usque latere,
 x Clamque esse. Hunc morē sibi nunc adsciscit JESUS.
 Nec putat indignum, nec dedignatur amare 45
 Has tam humiles latebras: facilem de vite liquorem,
 Et facilem, exignam & Cererem. Ultro se abdidit ille;
 In mica, in puncto. DEUS en Absconditus hic est.
 Audax est; sed enim nunquam ausa est Fabula tantum.
 Parce precor, JESU, sine me o! mitissime JESU, 50

Suc-

- u Caro mea verè est cibus, & sanguis meus verè est potus.
 Qui manducat meam carnem, & bibit meum sanguinem,
 in me manet, & ego in illo. Joa. 6. v. 56. & 57.
 x Respiciens per fenestras, prospiciens per cancellos. Cant.
 2. v. 9.

Suecensere tuo, si fas, audenter amori.

En quid agis? Necdum tu homines bene nosse videris,

Impium, & ingratum semper genus. Huncmet amorem

Christe tuum, tanquam vana esset fabula, multi;

Heu! multi excipient risu, infandoque cachinno. 55

Credere portendent alij se, ibuntque frequentes

Templa: tuas passim proni sternerentur ad aras.

Te coram stabunt; stabunt sed corpore coram;

Mente tamen procul usque aberant, & nil minus illi,

Quàm te, o dulcis Amor, secū tū mente revolvent. 60

Nonne vides? Alios vel tum meditantur amores

Cū tua tēpla adcunt, & cū tua sacra frequentant.

Unum nempe tuum illi obliviscuntur amorem,

Contemnunt te unum. Tanquam vilissima quæque

Traherent; audent scelerati hæcmet tua sacra 65

Polluere, & sanctæ polluti accedere mensæ.

Ecce modò, immane hoc audet. jam perfidus ille.

Quisquis amat, saltem (minimum hoc est) sperat amari.

Tu quid agis? Quorsumque tuos sic perdis amores?

Sed nihil ista movent JESUM: nā plus amat ille, 70

Quàm sumus ingrati, crudeles, perfidi, acerbi

Nos homines: neq; amasse unquam nos pœnitet illum.

N 3

Sci-

y *Appropinquat populus iste ore suo, & labijs suis glorificat me; cor autem ejus longè est a me. Isa. 29. v. 13.*

Matth. 18. v. 8. & Marc. 7. v. 6.

- Scilicet ut Mater furiatum, menteque captum,
 Atque reluctantem gremio fovet anxia gnatum,
 Deliciasque suas vocat, & mille oscula figit, 75
 Perdita, blanditiasque novas meditatur; & urget;
 Ille oculos circum asper volvens, torvâ tuetur,
 Et sputa, & spumas Matri malè torquet in ora;
 Sed necdum pueri Matrem, neque tædet amoris:
 z Sic nos, multò etiam magè nos dilexit JESUS. 80
 Transformasse semel sese, necdum est satis illi.
 Plerumque id fieri juvat, & delectat amantem.
 In latebras sæpe, inque humiles abiisse figuras.
 a Ut possemus idem dedit. Admirabile amoris
 Portentû! Hoc ipsum quod feci, & vos facite, inquit, 85
 b Quandocumque animus feret, & mihi amica voluntas:
 Et memores estote mei. Quis talia fando
 Explicet, aut verbis immensum hunc æquet amorem?
 Ecce & ego, quot sunt hominum, indignissimus unus,
 Vix ego, vix, inquam, tono dum sanctissima verba; 90
 Protinus & panis perit, & fit corpus JESU,

Illi-

- z Quomodo ficut Mater blandiatur, ita ego consolabor vos.
 Isa. 66. v. 13.
 a Fecit nos regnum, & sacerdotes DEO, & Patri suo.
 Apoc. 1. v. 6.
 b Hoc facite in meam commemorationem. Luc. 22. v. 19
 & 1. ad Cor. 11. v. 24.

Illicet & vinum nullum est; sed sanguis JESU :
Solaque jam superest mera vini, & panis imago .
Quantus amor! Quantus! Proh sanctum nomen *Amoris*
Usque profanatum ! Nunc demum , quid sit *amare* 95
Agnosco . Solus nempe o ! sincerus amator
Tu JESU , & verè DEUS altè *Abconditus es tu .*



M O E R O R.

Anxiatus est super me spiritus meus : in
me conturbatum est cor meum.

Pf. 142. v. 4.

C A R M E N XXVIII.



Rotinus exurgens , in montem , ubi
(ducere noctes
Orando , infomnes solitus , contendit
(JESUS.

Horridior solito nox , & mage nigra tegebat
Omnia. Terrorem augere , & stillare cruorem ;
Luna videbatur , funesta , & lurida vultu.
Ibant discipuli pavidī , tristesque , nefandam
Perfidiam Judæ edocti , tacitique Magistrum
Cuncti aspectabant flentes , lacrymisque dolorem
Explebant. JESUS illis ventura recensens : 10
d Vos

c *Egressus ibat secundum consuetudinem in montem oliva-
rum . Secuti autem sunt illum & discipuli : Luc. 22.
v. 39.*

d Vos inquit, vos nocte ista, ut Pastore perempto,
Disperguntur oves gregis, abscedetis, & omnes
Conturbabimini, perterriti abibitis omnes.

Sed ne despondete animum. Ipse a morte reductus
Præcedam vos in Galilæam, & semper amabo 19
Vos. Haud consensit Petrus his: animosus, & audax,
Quoque erat ingenti erga JESUM abreptus amore:

e Quidquid agant alij; me nulla pericula, nulli
Terroribus ab te avellent. Per tela, per hostes
Te sequar. At JESUS: mox jam tu, scilicet ante 20

f Quàm gallus cantet bis; ter me, Petre, negabis.
Petrus adhuc refragari, seseque paratum

Asserere in gladios ruere, & contemnere mortem.

g Jamque propinquabant hortu, de nomine dicto

Get-

d Omnes vos scandalizabimini in me in nocte ista: quia
scriptum est: percutiam pastorem, & dispergentur oves
gregis. Sed postquam resurrexero, præcedam vos in Ga-
lilæam. Marc. 14. v. 27. & 28.

e Petrus autem ait illi: etsi omnes scandalizati fuerint in
te; sed non ego. Et ait illi JESUS:

f Amen dico tibi, quia tu hodie in nocte hac priusquam
gallus vocem bis dederit; ter me es negaturus. At ille
amplius loquebatur: etsi oportueris me simul commori ti-
bi non te negabo. Ibid. a v. 29. ad 31.

g Tunc JESUS venit cum illis in villam quæ dicitur Get-
semani. Matth. 26. v. 36.

- Gethsemani: arboribus locus obsitus undiq; opacam 25
 Lunam obscurabat magis addensabat & umbras.
 Et jam tempus erat, quo crudelissima quæque
 Omnia, ut ardebat dudum exhaustiret JESUS.
- h Hoc desiderium, pro nobis quicquid acerbi est
 Perferre, hæc illum sitis insatiabilis urit. . . . 30
 Carnifices poterant corpus laniare: dolores
 Vulneraque aggerere, & probrosæ dedere morti;
 Angorem tamen, & mœrorem afferre beatæ
 Haud poterāt animæ. Voluit tamen hunc quoq; tantū,
 Quantum nemo unquam mortalis, sponte subire. 35
 Ergo uno obtutu cuncta impendentia cernens
 Tormenta, anticipansq; animo, atq; in imagine multo
 Vividiore ipsis rebus, ludibria, probra
 Verberaque, & sputa, atq; alapas, palmasque, pedesq;
 Multa vi, & ferro terebrandos, & paliurum 40
 Hæsurum capiti, atque introrsum fustibus actum,
 Hæsuramque hastam lateri, sævissimaque, ultra
 Mortem, vulnere defuncto infligenda, sitimque
- i Viscera torrentem irridendam felle, & aceto:
 Atque inimicorum rabiem, suspiriaque inter 45
 k Po-
- h Quomodo coarctor, usque dum perficiatur. Luc. 12.
 v. 50.
- i Dederunt in escam meam fel, & in siti mea potaverunt
 me aceto. Psal. 68. v. 22.

- k Postrema, irrisus, fannas, maledictaque ad aures:
 Quin etiam adstantemq; cruci, absumptamque dolore
 Aspiciens gladio trajectam pectora Matrem;
 l Horruit, intraruntque animi penetralia mœror
 Tetrior, & laniena ipsa crudelior angor, 50
 Et pavor, immensumque & ineluctabile pondus.
 m Et festinaissent mortem, mortemque dedissent:
 Extemplo; nisi probrosæ se abducere morti
 Nolens, atque avidus patiendi plura, vetasset
 Ipse, uni falcem cui mors submittit, & arcum. 55
 Longius ab reliquis: lapidis jactu ab tribus ipsis
 n Discipulis mage dilectis avulsus, & illos
 Exhortans, ut & orarent, laqueosque caverent
 o Orando; sternens se in terram, cernuus ore
 Oravit Patrem: si ita fert tua sancta voluntas, 60
 Mortiferum hunc a me calicem devolve, necique
 Eripe. Nec verò quod vellem ego; sed quod tu vis
 Id fiat. Totum oblitus, totumque videtur

Se-

- k Omnes videntes me deriserunt me. Ps. 21. v. 8.
 l Intraverunt aquæ usque ad animam meam. Ps. 68. v. 2.
 m Tristis est anima mea usque ad mortem. Matth. 26. v. 38.
 n Avulsus est ab eis quantum jactus est lapidis. Luc. 22.
 v. 41.
 o Procidit in faciem suam orans, & dicens: Pater si pos-
 sibile est transeat a me calix iste. Verumtamen non sicut
 ego volo; sed sicut tu. Matth. 26. v. 39.

Seposuisse DEUM, nequid non ille doloris
 Sentiret, nequod sibi met solamen, opemve 65
 Ferret. Sed rursus tanquam DEUS; omnia jam tum
 Antevidens longè; vidit tot deinde futuros
 Ingratos homines, qui quos tulit ille dolores
 p Peccando augerent, atque, ut poterant, renovarent
 (Heu!) quæ passurus tot pro ipsis, vulnera, mortē. 70
 Vidit, quod peragebat opus tam grande salutis,
 Atque suæ mortis pretium fore inutile multis.
 Et pro centenīs, centenīs millibus, cheu!
 Frustra effusurum sese cum sanguine vitam.
 Hoc tetrum magis, hoc illi attulit infinitum 75
 q Mærorem totisque undis maris obrutus ille est.
 Tum jam sanguineus sudor prorumpere: guttæ
 r Uberrimè filo in terram stillare cruento,
 f Et vestes saturare, & largis currere rivis
 Undique, quæ revehant vasis hinc inde cruorem 80

Ex.

- p Rursum crucifigentes sibi met ipsi filium DEI. Ad Hebr.
 6. v. 6.
 q Veni in altitudinem maris, & tempestas demersit me.
 Pl. 68. v. 3.
 r Factus est sudor ejus sicut guttæ sanguinis decurrentis
 in terram. Luc. 22. v. 44.
 f Quare rubrum est indumentum tuum, & vestimenta tua
 sicut calcantium in torculari? Isa. 63. v. 2:

Extrebratis præ mœrore, angoreque ruptis.
Heu! ego pars pœnæ tantæ, immensumque dolorem
Movi ego! Tu verò tu nunc charissime JESU,
Accipe quæ solæ lacrymæ, gemitusque supersunt.
† Labere, sancte Ales cælo, & solare jacentem. &
Vult (mirum!) DEUS ipse tuo solatio egere.

† *Apparuit autem illi Angelus de cælo confortans eum.*
Luc. 22. v. 43.



OPPROBRIUM HOMINUM.

Opprobrium hominum, & abjectio
plebis.

Pfal. 21. v. 7.

C A R M E N XXIX.



Actenus ignari flendi, expertesque do-
(loris

Lugete o cæli, vosque o! lugete beati
Aligeri, & pulchros lugendo obnubi-
(te vultus.

Vester Amor, quem vos adeo exardescitis usque

Aspicere, aspectu qui vos recreatque, beatque; s
Proh scelus! Opprobriū est hominū, atq; irrisio plebis!

Nummis triginta, quæis despectissima quæque
Mancipia exponi vulgò, addicique solebant,

z Ab

u Obsuæscite cæli super hoc, & portæ ejus desolamini ve-
bementer. Jer. 2. v. 12.

x In quem desiderant Angeli prospicere. 1. Petr. 1. v. 12.

y Appenderunt mercedem meam triginta argenteos. Zach.
11. v. 12.

- z Ab sibi quàm charo; sed perquam perfido amico
Proditus, atque suis venundatus hostibus ecce est. 10
Perfidioso illi lugubria dicite verba,
a Figiteque, obruite horrifonis illum undique diris.
b Excelsam exsecrande tuam sedem occupet alter:
c Abrumpas vitam laqueo, infletumque cadaver
Rixa cruenta avidis jaceas canibusque, lupisque: 15
Tundatque, & rostro trahat ilia vultur obunco.
Subsidat imo umbrarum, abruptoque profundo:
d A dextrisque tuis draco stet, sævissimus ultor,
Arbiter ille draco tenebrarum, & legifer orci.
Quandoquidē tam exsecranda benefacta rependis 20
e Perfidia, infontemque inimicis osculo amicum
Prodere sustinuisti, ausus canibus dare sanctum.
f Irrumpunt illi armati. Quibus obvius, ultro
Procedens JESUS, ut sese ostenderet ire.

Spon-

- z Homo pacis meæ, in quo speravi, qui edebat panes meos
magnificavit super me supplantationem. Ps. 40. v. 10.
a Dilexit maledictionem, & veniet ei. Ps. 108. v. 18.
b Episcopatum ejus accipiat alter. Ps. 108. v. 8.
c Suspensus crepuit medius, & diffusa sunt omnia viscera
ejus. Act. 1. v. 18.
d Et diabolus stet a dextris ejus. Ps. 108. v. 6.
e Odium pro dilectione meâ. Ibid. v. 5.
f Circumdederunt me canes multi. Ps. 21. v. 17.

- Sponte sua ad mortē; non vi: Quē quæritis adsum, 25
- g Ecce ego sum. Vix, ut dixit, simul arma, virosque
Præcipientes retroversum afflixitque, ruitque,
Effuditque solo, ceu posset fulmine, verbo.
Procubuerunt omnes resupini. Mortua credas
Corpora. Sic illi exanimi, immotique jacebant. 30
Præterea, necui damnum intentare suorum
- h Auderet quisquam, verbo, imperioque coegit.
Quin Malcho, ante omnes tentanti immittere vincla,
i Quam gladio, & grandi Petrus dejecerat ictu
Aurem; restituit, pulsatque tempora, tactu 35
k Integrat, & reddit quem ferrum excussit honorem:
Debuerant agnosce DEUM, & portenta fateri;
l Ast erat illa hora illorum, umbrarumque potestas.
m Ergo iterum cæci irrumpunt, manicisque ligatum,
- 40 Et
- g Ut ergo dixit eis: Ego sum, abierunt retrorsum, & ce-
ciderunt in terram. Joa. 18. v. 6.
- h Si ergo me quæritis, snite hos, abire. Ibid. v. 8.
- i Simeon ergo Petrus habens gladium eduxit eum, & per-
cussit Pontificis servum: & abscidit auriculam ejus dex-
teram. Ibid. v. 10.
- k Et cum tetigisset auriculam ejus, sanavit eum. Luc. 22.
v. 51.
- l Hæc est hora vestra, & potestas tenebrarum. Ib. v. 53.
- m Cohors ergo, & tribunus, & ministri Judæorum com-
prehenderunt JESUM & ligaverunt eum. Joa. 18. v. 12.

Et, sceleratorum de more, ad terga revinctum, 40
Ori intentantes gladios, funalia, tædas,
Funibus, & pugnis etiam, multaque trahunt vi
Captivum JESUM, quem paucis antè diebus
Tanto illo, & tam magnifico exceperere triumpho.
Quantum ignominix, quantum nox illa doloris 45
Attulit! Horresco referens. Mastigia vilis,

- * Heu! alapa impetere, & divinum cædere vultum,
Sacrilægaque manu ausus, tartareoque furore est.
- o Concilium horrendum cogunt, præsesque Caiphas,
Quo non aut rabie, scelere aut immanior alter: 50
Fare age, per vivens te obtestor, perque supremum
p Numen: Num tandè Christus, nunquid DEUS es tu?
q Omnino is sum, quem dixti, respondit JESUS.

Ad-

- n Unus assistens ministrorum dedit alapam JESU. Joa. 18.
v. 22. Dabit percutienti se maxillam, saturabitur oppro-
brijs. Thren. 3. v. 30.
- o Principes autem sacerdotum, & omne concilium quære-
bant falsum testimonium contra JESUM, Matth. 26. v.
59. Concilium malignantium obsedit me. Pl. 21. v. 17.
- p Adjuro te per DEUM vivum, ut dicas nobis, si tu es
Christus filius DEI. Matth. 26. v. 63.
- q Tu dixisti, Verumtamen dico vobis: amodo videbitis fi-
lium hominis sedentem a dextris virtutis DEI, & ve-
nientem in nubibus cæli. Ibid. v. 64.

- Adjecitque : olim sese, cernentibus ipsis,
 Nubi insidentem venturum, ut judicet orbem. 55
 Tum verò ille senex furiata mente sacerdos
 7 Dirumpens vestes, tanquam execrabile quidquam
 Audisset: Quid opus nobis jam testibus? Ecce
 Audistis vosmet verba execranda. Quid ergo
 Nunc vos, aut quæ nunc animo sententia surgit? 60
 f Et, *reus est mortis* (tanquam essent ore loquuti
 Uno omnes) scelerato omnes simul ore fremebant.
 1 Ausique expuere in faciem, insanoque tumultu
 Irruere, & colaphis pulsare, & tundere pugnis,
 Irasque explere, invidiamque, instarque Leonum 65
 Circumfrendere, & certatim illudere capto.
 Nequid inexpertum furor, impietasque relinquunt;
 u Obnubunt oculos velo, multoque cachinno:
 Eja
 1 Scidit vestimenta sua dicens: Blasphemavit: quid adhuc
 egemus testibus: quid vobis videtur?
 f At illi respondentes dixerunt: *Reus est mortis*. Ibid. v.
 65. & 66.
 c Tunc expuerunt in faciem ejus, & colaphis eum cecide-
 runt, v. 27. *Aperuerunt super me os suum sicut leo ra-
 piens, & rugiens*. Ps. 21. v. 14.
 u Et velaverunt eum, & percutiebant faciem ejus: & in-
 terrogabant eum dicentes: *Prophetiza quis est, qui te
 percussit*. Luc. 22. v. 64. *Et lumen oculorum meorum,
 & ipsum non est mecum*. Ps. 37. v. 11.

Eja age, quandoquidem DEUS es tu, vaticinare,
 Nōmine compella, qui te hoc nunc verberat ictu. 70
 Interea Petrus (neque pars hæc parva doloris)
 Quāmlibet admonitus nuper; tamen ille pavore
 Abreptus, penitusque excussus mente, Magistrum
 (Pro quo, nil dubitans medium se opponere morti;
 Infestis ultro impavidus se objecerat armis) 75
 ✕ Destituit ter, terque illum se nosse negavit.

Deseruere omnes. Circū hostes undique. Nemo
 Qui misereretur, solareturve relictus.

Post ubi lux scelus horrescens, invitaque fulsit;
 , Concilium rursū sceleratum habuere, & iniquē 80
 Damnatū, vinctūque retro adduxere Pilato,
 Quī tum Romanus Prætor, Præsesve regebat
 Judæam, satis ille sagax, & callidus. Illi
 Vestibulum ante ipsum, cum stulta, cumque procaci
 Plebe sacerdotes mixti, amentesque furore, 85

O 2

2 Se.

✕ *Nescio hominem istum, quem dicitis. Marci. 14. v. 71.
 In circuitu ejus hostes ejus. Thren. 1. v. 17. Sustinui qui
 simul contristaretur, & non fuit: & qui consolaretur,
 & non inveni. Pl. 68. v. 21.*

y *Et confestim manē consilium facientes summi sacerdotes
 cum senioribus, & scribis, & universo concilio vincien-
 tes JESUM duxerunt, & tradiderunt Pilato. Marc.
 15. v. 1.*

- z Seditionis in Augustos, clamore protervo,
 Insimulant JESUM. Hæc odiosa calumnia visa
 Opportuna magis rem præcipitare, & acerbam,
 Quamque exoptabant infonti arcessere mortem.
 Nec verò sua spes illos, odiumve sefellit. 90
 Atque equidem rabiem, accusatorumque tumultum,
 Atque ex adverso tam mitem, tamque serenum
 Vultum accusati (quisquis tandem foret ille)
 Aspiciens; facilè invidia fieri omnia Præses
 Agnovit. Sed adhuc JESUM scitatur, & urget: 95
 a Rexne tu es? Aut quorsum hæc in te accusatio regni?
 b Et didicit: Regem esse quidè, nec regna caduca
 Curare hæc, nec venisse hæc evertere regna.
 Exijt, infontemque hominem, pro munere Judex
 c Testatus; conabatur lenire furentes 100

In-

- z Cœperunt autem accusare illum dicentes: Hunc inveni-
 mus subvertentem gentem nostram, & prohibentem tri-
 buta dari Cæsari, & dicentem, se Christum Regem esse.
 Luc. 23. v. 2. Acuerunt linguas sicut serpentis: vene-
 num aspidum sub labijs eorum. Pl. 139. v. 4. Insurre-
 xerunt in me testes iniqui. Pl. 26. v. 12.
 a Pilatus autem interrogavit eum dicens: Tu es Rex Ju-
 dæorum? At ille respondens ait: Tu dicis. Luc. 23. v. 3.
 b Regnum meum non est de hoc mundo. Joa. 18. v. 36.
 c Ait autem Pilatus ad principes sacerdotum, & turbas:
 Nihil invenio causæ in hoc homine. Luc. 23. v. 4.

- Incaſſum. Rabidi magis illi attollere vocem :
- d Seditioſum illum appellare, vocare rebellem,
Turbarumque facem & caput, oſoremque quietis,
Et pacis. Præſes cauſam, quacumque liceret,
Ab ſe amoliri, ſequè hinc ſubducere tentans; 105
- e Ut Galilæum eſſe audivit, tranſmiſit JESUM
Herodi Regi, qui fortè advenerat urbem
Nuper, ſacrorum ſtudio, extinctique paterni
Imperij partem, Galilææ ſceptra tenebat.
Audierat Chriſti Herodes miracula, lætuſque, 110
Et ſperans, portenta aliquot, ſe iudice coram
Facturum; multis JESUM ſermonibus ultro
f Aggrediens, præter propter quàm multa rogabat.
- O 3 At
- d At illi invaleſcebant dicentes: commovet populum docens
per univerſam Judæam, incipiens a Galilæa uſque huc.
Ibid. v. 5.
- e Pilatuſ autem audiens Galilæam, interrogavit, ſi homo
Galilæuſ eſſet. Et ut cognovit quod de Herodis poteſtate
eſſet, remiſit eum ad Herodem, qui & ipſe Jeruſolymis
erat illis diebus. v. 6. & 7.
- f Herodes autem viſo JESU gaviſuſ eſt valde: erat enim
cupiens ex multo tempore videre eum, eo quod audierat
multa de eo, & ſperabat ſignum aliquod videre ab eo ſe-
ri. Interrogabat autem eum multis ſermonibus. At ipſe
nihil illi reſpondebat. Ibid. v. 8. & 9. Ego autem tan-
quam ſurdus non audiebam, & ſicut mutus non aperiens
os ſuum. Pl. 37. v. 14.

- At JESUS nihil audire, & perstare perinde
 Immotus tanquã surdus: nullum hiscere verbum, 115
 Mutus erat. Vocem illius Rex ille peremptam,
 Sanguinea & lance investam inter fercula, nuper
 Prostibulo infando obtulerat furialia dona.
 Spretum se Herodes ratus; etsi excanduit; iram
 Dissimulans, tanquã male sancti, menteq; captum 120
 g Ludicra indutum veste ad prætoria misit,
 Et Prætor tunc: ecce, inquit, nil morte repertum
 b Dignum est: & neque ego, neque Rex invenimus ullum
 In misero hoc crimen. Quorsum furor, iraque tanta?
 Moris erat, cùm nempe aderant illa annua sacra 125
 (Hebræo Hebræi dicebant nomine Pascha)
 i Quem populus vellet vinclis educere vinctum,
 Quemque ipsi optassent fontem subducere morti.
 Nunc tamẽ hanc Præses veniã, arbitriumq; coercens;
 k Ec-

- g Sprevit autem illum Herodes cum exercitu suo: & illu-
 fit indutum veste alba, & remisit ad Pilatum. Luc. 23.
 v. 11.
 h Nullam causam invenio in homine isto... Sed neque He-
 rodes: nam remisit vos ad illum & ecce nihil dignum
 morte actum est ei. Ibid. v. 13. & 14.
 i Per diem autem solemnem consueverat Præses populo di-
 mittere unum vinctum quem voluissent. Matth. 27. v. 15.

- k Ecquē mavultis, JESUMne hunc, anne Barabbā 130
 Dimitti vobis? Fieri neque posse putabat,
 Ut non mavellent JESUM. Tam odiosus, & atrox
 Alter erat. Sed lymphati, stolidēque protervi,
 l Et stygia accensi rabie; optavere Barabbam.
 At tu pro scelere hoc tanto gens perfida, pœnas 135
 m Quas tibi tu horrendas, serisque nepotibus, amens
 Optasti, exsolvas. Videas tua mœnia circum
 Millia centena, & centena cadavera truncis
 Transversis affixa, atroque fluentia tabo,
 Donec deficiant jam sylvæ, & ligna, locusque, 140
 Dira fames rabidos in mutua corpora dentes
 Vertere compellat: pueros, partusque recentes
 n Morsibus absumptos rursus in sua viscera condant
 Matres. Ipsi hosti moveas lacrymas, gemitusque.
 Corruat in cineres tristi, æternaque ruina 145
 o Templum: nec tua in urbe super lapidem lapis exstet.

O 4

Tu

- k Congregatis ergo illis dixit Pilatus: Quem vultis dimit-
 tam vobis, Barabbam, aut JESUM, qui dicitur Chri-
 stus? Ibid. v. 17.
 l Clamaverunt ergo rursus omnes dicentes: Non hunc,
 sed Barabbam. Joa. 18. v. ult.
 m Sanguis ejus super nos, & super filios nostros. Matth:
 27. v. 25.
 n Ita ut comedatis carnes filiorum vestrorum. Lev. 26. v. 29.
 o Non relinquetur hic lapis super lapidem. Matth. 24. v. 1.

- Tu tamen, in pœnas, totum errabunda per orbem
 p Durabis, cunctis iusta execratio, & horror
 Gentibus, & cunctis odium opprobriumque futura.
 Prætor tum vitam saltem se posse tueri. 150
 Sperans infanti, tentansque an sanguine posset
 Feralem, immanemque sitim extinxisse cruoris;
 q Verberibus cædi JESUM jubet. Horreo totos,
 Verbaque, mensque etiam fugiunt, ac destituunt me.
 Heu! atrox nimium, nimiumque infame luiti 155
 Supplicium! plenum tormento, ignominiaque!
 Nec triste hoc magis, aut ignominiosius ullum est!
 Addunt verberibus ludibria barbara: tritam
 Jam chlamydem, fuerat quondam quæ purpura Regū,
 r Ridentes circumvolvunt: capitique coronam 160
 San-
 p Dabo eos in vexationem universis regnis terræ, in male-
 dictionem, & in stuporem, & in sibilum, & in oppro-
 brium cunctis gentibus, ad quas ejeci eos. Jer. 29. v. 18.
 Abominabitur vos anima mea. Lev. 26. v. 30.
 q Tunc ergo apprehendit Pilatus JESUM, & flagellavit.
 Joa. 19. v. 1.
 r Et exuentes eum, clamydem coccineam circumdederunt ei.
 Et plectentes coronam de spinis, posuerunt super caput
 ejus, & arundinem in dextera ejus. Et genuflexo ante
 eum, illudebant ei dicentes: Ave Rex Judæorum. Et
 expuentes in eum acceperunt arundinem, & percutie-
 bant caput ejus. Matth. 27. a v. 28. ad 30. Et dabant
 ei alapas. Joa. 19. v. 3.

Sanguinolentis intertextam sentibus aptant :
 Ridiculum dextræ sceptrum, est fluvialis arundo.
 Deinde genu posito : *Salve Rex*, sputaque in ora
 Torquent, ingeminantque alapas, & arundine sentes
 Altiùs infigunt capiti, immanesque cachinnos 16;
 f Rumpunt. Nemo hominù, nemo unquam talia passus.
 Credidit aspectu hoc Prætor, quas cumque ferinas,
 Quamlibet indomitas tandem mitescere posse,
 Et deflagrare, & pietate obtundier iras.
 Ergo iterum coram eductum, flagrisque cruentum 17;
 Et spinis digito ostendens: en inquit JESUM,
 Ecce Homo. Tolle illi clamabant, figeque ligno,
 u Vociferabanturque audaciùs. Insuper audent
 Prætori quoque terrorem intentare, minasque:
 n Hunc nisi supplicio dedis, nisi morte coerces; 175
 Tu quoque Romani imperij te, & Cæsaris hostem
 Præ.

f *Attendite, & videte si est dolor, sicut dolor meus.*
 Thren. 1. v. 11.
 r *Exiit ergo JESUS portans coronam spinæ, & purpu-*
reum vestimentum. Et dicit eis: Ecce homo. Joa. 19.
 v. 5.
 u *Et clamabant dicentes: Crucifige, crucifige eum.* v. 6. *Et*
invalescebant voces eorum. Luc. 23. v. 23.
 x *Si hunc dimittis non es amicus Cæsaris: omnis enim,*
qui se regem facit contradicit Cæsari. Joa. 19. v. 12.

Præfers: nam contrà hic audet turbare, sibi que
 Arrogat imperium, sceptrumque invadere tentat,
 Prætor ad hæc animo fractus, victusque timore
 y Improbo, & incassû tergens, quas sanguine tinxit, 180
 Fœdavitque manus, insontem & rursus JESUM
 z Testatus; morti tamen amandavit iniquæ
 Impius Auctorem vitæ, Auctoremque salutis.

Festinator ubique, oculisque statim oggeritur crux
 Pondere vasta, ingens, rabidè properata: suisque 185
 a Vestibus induto, necui non cognitus esset,
 Semianimique ac dilaniato, artusque trementi
 b Imponunt humeris transversum, infameque lignum,
 Cui configendus, cui suspendendus erat mox.
 Flagitiosorum, sua qui commissa luebant 190
 Supplicio, excussis cranijs, atque ossibus, altè
 Horridus, ad Solem occiduum, egredientibus urbem
 Mons erat: inde illi nomen *Calvarius*. Illac
 Adducendus erat JESUS. Dat martia signum 195

Buc-

y *Accepta aqua lavit manus coram populo dicens: Innocens ego sum à sanguine justî hujus.* Matth. 27. v. 24.

z *Tunc ergo tradidit eis illum, ut crucifigeretur.* Joa. 19. v. 16.

a *Et induerunt eum vestimentis suis.* Mar. 15. v. 20.

b *Et bajulans sibi crucem exiit in eum qui dicitur Calvarie locum, hebraicè autem Golgotha.* Joa. 19. v. 17.

- Buccina : porticibus ; testis , plenisque fenestris 195
 f Impendent avidi spectandi : compita , calles
 Complentur ; fremitu , concursuque omnia fervent.
 d Dant manibus plausum ingentē , illuduntque superbi
 Victo victores , insultantque auribus hostes.
 Vix aliquot gemituq ; piæ , lacrymisq ; , sequuntur , 200
 f Et lamentantur perculsæ pectora Matres.
 Hinc , atque hinc densæ incedunt , sævæque cohortes ,
 Nudos præ manibus gladios , hastasque gerentes ,
 Aspectumque trucem . Caputum cava tegmina , cristæ
 Sole incenduntur , flammisque minacibus ardent , 205
 Terrificantque oculos . Raptatus funibus , inter
 Liçtores , interque hostes , interque latrones ,
 Ad vepresque pedes passim , atque ad saxa cruentans
 It JESUS , nos ut moriens vitæ asserat , utque
 f Decretum ligno affigat , quod erat contra nos . 210

- c *Ipsi verò consideraverunt , & inspexerunt me .* Ps. 21. v. 18.
 d *Plauserunt super te manibus .* Thren. 2. v. 15.
 c *Plangebant , & lamentabantur eum .* Luc. 23. v. 27.
 f *Delens quod adversum nos erat chirographum decreti ,
 quod erat contrarium nobis , & ipsum tulit de medio affi-
 gens illud cruci .* Ad Colos. 2. v. 14.

E X C E S S U S.

Dicebant excessum ejus, quem comple-
turus erat in Jerusalem.

Luce 9. v. 31.

C A R M E N XXX.



Eu ! Quianam tanta gemuit convulsa
(ruina
Undique totius tremefacti machina
(Mundi !

Quid tam atrata dies ! Quid tam lugubribus umbris
g Extinctus medio Sol supra in culmine cæli est !
Luna procul nunc est : nec totum extinguere Solem
Luna potest , nec tam ambitiosam offundere noctem ;
Quæ cælum , totumque involvat , & obruat orbem .
b Templi vela , hominum nullis cogentibus , ipsa ,
Sponte indignantur , summoque a vertice ad ima

Seri.

g Obscuratus est Sol . Luc. 23. v. 45. Et facta hora sex-
ta tenebræ factæ sunt per totam terram. Marc. 15. v. 33.
h Et ecce velum templi scissum in duas partes a summo
usque deorsum , & terra mota est , & petra scissæ sunt .
Et monumenta aperta sunt . Matth. 27. v. 51. & 52.

Stridorem, irasque ingeminant, & rupta debilescunt! 10
 Saxa etiam rumpuntur! Hiant revoluta sepulchra!
 Apparent simulachra modis surgentia miris!
 Succutitur fundo imo tellus! Omnia lugent
 Immenſum, interitumque orbi, exitiumque minantur!
 Scilicet indigna, & crudeli morte peremptus 15
 Exſpirabat Homo DEUS. Et ſenſit, gemitque,
 Auctoremque ſuum morientem exhorruit orbis.

Hiccine, quem ſpinis horrentem tempora circum,
 De clavis, de vulneribusque, & de trabe cerno
 i Pendentem, mediumque duos hinc inde latrones, 20
 Hiccine Homo DEUS eſt? Et quis committere tantū
 Auſus, vel potuit?

Quàm lacerum ah!quàm triſte, cruentatumque, cadauer!
 Aſpice diffuſum totum exhaustumque cruorem!
 k Aſpice vibices, plagasque & verbera: ſputaque, 25
 Atque alapas in vultu ipſo: & quæ vincula, funes
 Paſſim impreſſerunt veſtigia multa cruenta!
 l Aſpice diſtenta, exturbataque ab oſſibus oſſa!
 Obſignatos morte oculos, & ſanguine multo

Con-

i Crucifixerunt cum, & cum eo alios duos hinc, & hinc;
 medium autem JESUM. Joa. 19. v. 18.
 k A planta pedis uſque ad verticem capitis non eſt in eo
 ſanitas. Iſa. 1. v. 6.
 l Diſperſa ſunt omnia oſſa mea. Pl. 21. v. 35. Dinumera-
 verunt omnia oſſa mea. Ibid. v. 18.

- Concretos! Etiam concretos sanguine crines: 30
 Imbutasque, & torantes quoque sanguine spinas!
 m Et manū utramq;, & utrumq; pedē grandi atq; trabali
 Clavo confixos ad palum, & vulnere ruptos!
 Ruptum etiam pectus! Vulnus crudelius hoc est.
 Postremum ediderat gemitum, exspiraverat, & jam 35
 Mors erat in vultu, palam erant vestigia mortis.
 n Et tamen immanis tentavit lancea pectus,
 Ultima scrutatum est ferrum penetralia cordis;
 Siqua lateret ibi vitæ pars ulla superstes.
 Ferrum crudele, & multo crudelius ipso 40
 Clavorum ferro! Nihil o crudelius unquam!
 Quis tibi nunc Mater Virgo afflictissima sensus,
 Cum prope stans immota, DEUM, Gnatumq; videres
 Inter tormenta, atque inter ludibria, clavis
 Infami affixum palo suspiria dantem 45
 Postrema, & tandem claudentem lumina morte?
 Ultra etiam mortem transfossam cuspide pectus.
 • Stabat. Perque genas mutæ lacrymæ, atque silentes
 Ibant. Nec planctu, nec femineo ululatu 50
 Obstrepit. Infandum, dirum, immensumq; dolorem

Pe-

- m Foderunt manus meas, & pedes meos. Ibid.
 n Unus militum lancea latus ejus aperuit. Joa. 19. v. 34.
 • Stabant autem juxta crucem JESU Mater ejus. Ibid.
 v. 25.

Pectore conclusum, laniantem viscera; totum
 Sustinuit, Materque, eademque tenerrima Virgo
 Stabat, cum totus rueret, pectus iret & orbis.
 Mira, ingens, & digna DEI constantia Matre!
 O bene, quod video geminos & sanguine claros, 5
 Et pietate viros accinctos tollere corpus
 De Cruce! Jam scalas ambo subiere, crucemque.
 Evellunt spinas primum, sævamque coronam:
 Stillat adhuc multus renovato e vulnere sanguis.
 Percrepat, & gemitu, & repetitis ictibus instat 60
 Malleus, & crebra forceps vi annexa laborat:
 Eruere intortos retrorsum a cuspide clavos.
 Hos jam tandem exemere, amplexuque cadaver
 Divinum stringunt, mœstissimaque oscula figunt.
 Fortunati ambo nimium. Qui sustinet orbem 65
 Sustainant. Ipsorum humeris, colloque recumbit.
 Heu! major, Virgo, major te pœna manebat!
 Illa, quidem Gnati lacerum, & miserabile corpus
 Virgineo excepit gremio, complexaque, & hærens,
 Mater novultum vultu, atque os ore premebat. 70
 Pallida, & attonita ubertim, & sine marmure fufis
 Vulnura tergebat lacrymis, lacrymisque lavabat.
 Agnoscisne hos, Virgo, oculos, hæc ora, manusque?
 Filius hicne tuus, sobolesque æterna Parentis
 Divini, & cū Patre DEO Omnipotēs DEUS ipse? 75
 p Heu!

p Heu! quam dissimilis, quantum mutatus ab illo,
Cujus in aspectu noctesque, diesque trahebas!
Cujus ad imperium Manes, & paruit ipsa
Improba Mors: furda actutum patuere sepulchra,
Redditaque amissæ viguere cadavera vitæ. 80

Hoc amor, hoc (mirum!) potuit, mortemque Deumq;
Miscuit. En utrumq; tibi! Ecce DEUM! ecce cadaver!
q Mortuus est nostra infanda, ut commissæ piaret.
Mortuus, ut nostra ablueret peccata cruore;
Ne nos, qui meriti, nos, qui peccavimus ipsi 85
Morte immortalis, æterno lueremus & igne.
Flere libet. Pro me extincto, extinctoque latronum
Supplicio; lacrymis saltem exsequialia solvam.
Ergone tu ferro ad palum? Et quis ego, ut morerere
Tu pro me sic? 90

r Audebo, & dicam: Mente excessisse videris,
Cum nos, cum me adeo ingratum tam perditè amasti,
Prodigus ut velles divinam effundere vitam,
Et tam ignominiosa, & acerba occumbere morte.
Hic erat excessus Solymis complendus amoris, 95
Quem

p Non est species ei, neque decor, & vidimus eum, & non
erat aspectus, & desideravimus eum. Isa. 53. v. 2.

q Mortuus est pro peccatis nostris. 1. ad Cor. 15. v. 3.

r Judæis quidem scandalum. Gentibus autem stultitiam. 1.
ad Cor. 1. v. 23.

Quem Moses, quemque Elias in vertice tecum
Montis, mussabant, mirabanturque vicissim.

Excessit DEUS: excessum complevit: amavit

Ad mortem, atq; ultra, Spirant hæc vulnera vel nunc,
Spirat & immensum vel nunc hoc pectus amorem. 100

Hæret, & attonitum Carmen filet, ac filet orbis.

f Vos lacrymæ, & gemitus succedite

f *Plangent cum planctu quasi super unigenitum: Zach. 12.*

v. 10.



SOPOR EXCUSSUS.

Ego dormivi, & soporatus sum, & ex-
surrexi?

Pf. 3. v. 5.

CARMEN XXXI.



Te procul gemitus, procul hinc abfi-
(stite luctus:
Nam sopor ille fuit; non mors. Dor-
(mivit, & altè

Sponte soporatus; mox jam surrexit JESUS.

Magdala; quid tumulo tu inconsolabilis hæres
Lugendo, & vix non moreris consumpta dolore?
Quidve unguenta paras, interque cadavera demens
Quæris viventem? Nulla hîc jam funera. Nullum
Stringere quod possis flendo inter brachia corpus,
Atque aloe, & mixta lacrymis perfundere myrrha:
Spargere cui violas possis, & lilia circùm,
Et mœrentem hyacinthû, immortalesq; amaranthos.

Huc

† *Maria autem stabat ad monumentum foris plorans.* Joa.
20. v. 11.

‡ *Quid quæritis viventem cum mortuis.* Luc. 24. v. 5.

Huc ades o! Vacuum sine corpore cerne sepulchrum.
 Crede oculis tu, tu ipsa tuis. Quem perdita luges
 Tantum, quem tantum suspiras, Magdala, vivit.
 Vivit, & ille tuus non est hic, Magdala, JESUS. 15
 Rupit; si nescis, perrupit vincula mortis,
 Ceu posset facilem, placidumq; abrumper somnum.
 Nil vigilum excubiæ, miles nihil obstitit illi,
 Nec lapidem immanem superimpofuisse sepulchro,
 Quem nulli vestes, posset vis nulla movere. 20
 Et poterat solo nutu ille revolvere saxum;
 Noluit: intacto juvat illum exire sepulchro,
 Integra ut exivit quondam de Virginis alvo.

Olim erat affinis Morti soper; illa sopori.
 Fastu se extollens, affinem se esse negabat. 25
 Quippe recensebat crebros sine fine triumphos,
 Tot populos, urbesque, & regna sepulta ruinis,
 Tot, tantos, tamque excelsos Regesque, Ducesque,
 Qui fuerant quondam populorum terror, & orbis;
 Nunc cinis exiguus sunt, exiguæque favillæ: 30
Hic Jacet, hoc illis superest de Regibus unum.
 Non ita Rex Regum. Morti concessit, obivit
 Ille, sed illius super hæc sunt scripta sepulchro:
 x *Surrexit jam, Non est hic, Surrexit JESUS.*

Nunc primum affinis placidoque simillima somno 35

P 2

Mors

x *Surrexit, non est hic.* Marc. 16. v. 6.

Mors fuit. Illa alios jam dedignata triumphos;
 Immortalem etiam tandem vicisse canebat.
 Vulnere vulneribus, tanto diffusa triumpho,
 Congessit post mortem etiam, obstruxitq; sepulchrum.
 Jamque videbatur sibimet secura triumphi: 40
 Et currus, & equos, atque aspernata quadrigas;
 Alta triumphales, nigras superinduit alas,
 Tentabatque superba ipsum conscendere cælum,
 Atque ipsi, ut terris, cælo dominariet atrox.

Vah! Infanisti. Nescis temeraria nescis 45
 Contra quem steteris. Nescis vicisse volentem
 , Sponte sua vinci. Tua te victoria perdet,
 x Tu quoque, Mors, moriere, crucique affixa trophæum
 Angebis. Cælos dum Mors meditatur, & astra;
 a De cruce descendit DEUS ille ad regna profunda, 50
 Ad Manes, Erebumque, potestatesque tremendas
 Aerias, quæ devictum, fessumque premebant
 Crudeli imperio, & sceleratis legibus orbem.

b Tunc

y Oblatus est, quia ipse voluit. Isa. 53. v. 7.

x Ero mors tua, o mors. Ose. 13. v. 14. Absorpta est mors
 in victoria. Ubi est mors victoria tua. 1. ad Cor. 15.
 v. 54. & 55.

a Descendis primum ad inferiores partes terræ. Ad Ephes.
 4. v. 9.

- b Tunc autem trepidare metu, penitusque repositis
 Abscondi tenebris. Conantibus edere contrà 55
 Cum clamore horrendum ululatum; faucibus hæsit
 Vox retro, incæptus clamor frustratur hiantes.
 c In genua, in vultus pronæ cûvantur, adorant
 Omnes Victorem attonitæ, totoque profundo
 Contremuere cavæ, gemitumque dedere cavernæ. 60
 At Rex æthereas iterum subiturus ad auras,
 Pallidaque imperio effringens, tenebrosaue claustra,
 Et spolia, & tanto dignam victore reducens
 Prædam; captivas dudum, dudumque gementes
 d Exemit vinclis animas, cætusque verendos 65
 Patrum, laurigerosque choros, piaque agmina Vatum,
 Carmina qui, dictante DEO, divina loquuti;
 Venturum cecinere orbi. Quin corpora multa
 e Sanctorum, in mutos cineres, per sæcla; redacta
 P 3 Sta.

- b *Inferus subter te conturbatus est in occursum adven-*
tus tui: Isa. 14. v. 9.
 c *Mibi flectitur omne genu. Ad Rom. 14. v. 11. Cælestium,*
terrestrium, & infernorum. Ad Philip: 2. v. 10.
 d *Eduxit eos de tenebris & umbra mortis, & vincula eo-*
rum dirupit: Ps. 106. v. 14. Expolians principatus, &
potestates. Ad Coloss. 2. v. 5.
 e *Multa corpora Sanctorum, qui dormierant, surrexerunt.*
Matth. 27. v. 52.

Stare iterum secum jussit, secumque venire, 70
 Confessumque sibi, & pulchros glomerare triumphos.
 Nec mora: quæ nuper cineres; jam plena vigoris,
 Plenaque jam vitæ, circumdata & undique luce
 Corpora erant. Ingens, vivum de Morte trophæum!
 Mortē ipsam Victor pavitantē, & multagementē 75
 Ire catenatam ad currum, & post terga revinctam
 Jusserat, inque rotas, longa cervice reflexa
 Retrorsum, scabros, avidosque inlidere dentes.

Panduntur portæ: tenebrosa sub axe tonanti
 Congemuit tellus, matutinisque volucrum 80
 Cantibus assurgens Aurora, & roseidus unda
 Lucifer Auroram antevolans comitantur euntem
 Hinc, atq; hinc: liquidum prorumpit in æthera Victor.
 Victor io! Bellator io! Tu vincere solus
 Mortem, tuque Erebi solus perrumpere claustra 85
 f Ferrea, & umbrarum æternos contundere vestes.
 Solus tu Assertor, Vindexque es. Tu genus ultus
 Humanum, tu captivis, tu vincula collo
 g Eximis, & pigro, & tenebroso carcere victos
 In

f *Contrivit portas æreas, & vestes ferreas confregit.* Pl.
 106. v. 16.

g *Tu quoque in sanguine testamenti tui emisisti victos tuos
 de lacu.* Zach. 9. v. 11.

In diem lucem, in libertatem afferis almam. 90
 Vicisti; at te vicit Amor. Redivivus ab umbris
 Quæ tibi fecit Amor charissima vulnera servas,
 Vulneraque in corde, in manibus revchisque, tenesque.
 Vicit Amor: Victor Mortis nam victus Amore est.



R E X G L O R I Æ.

Attollite portas, principes vestras, & ele-
vaminī portæ æternales, & introibit
Rex Gloriæ.

Psal. 23. v. 7.

C A R M E N XXXII.



Immortalis erat, dignos jam nactus ho-
(nores,
Deque triumphata repetitum Morte
(triumphum

Acturus JESUS: Rex debebatur Olympo.

Et tamen ille moras terris nectitque, trahitque

Tanquam esset mortalis adhuc. Neque tædet amoris, &

Nec meminisse piget, pro nobis vulnera, mortem,

Quidquid & infame est unquam, & crudele tulisse.

b Sæpe suis coram se sistit, seque videndum

s hibet, & palpanda manu sua vulnera porgit:

Atque num in latus insinuandi, introque ferendi: o

k In

h Per dies quadraginta apprensus eis. Act. 1. v. 3.

i Videte manus meas, & pedes . . . palpate, & videte.

Luc. 24. v. 39.

* In plagas digitos (quanta indulgentia!) Thomæ
 Quam temerè imprudens optarat, facta potestas.
 Mentita specie Agricolæ tibi, Magdala, coram
 † Adstitit, & : Mulier, quid fles? quem quæris? Ut ille
 Dissimulat percunctando! Tu perdita luctu, 15
 Amensque, ignotum censebas esse olitorem:
 Urgebasque prece, & lacrymis, num fortè tulisset
 Illum? Tuque tuis humeris efferre parabas.
 Quæ tantæ vires? Num tu asportare cadaver?
 Ne dubita: tulit hic olitor quem quæris, habetque 20
 Omnino secum, JESUMque abscondit, & ille
 Ipsemet est. Audi, nam te vocat ille: *Maria*.

Jamque quater decies revoluto præpete cælum
 Axe, diem nocti alternans iteraverat ortus,
 Et fulgore novo, & solito formosior ibat 25
 Aureus, & medium Sol jam pulsabat Olympum;
 m Cum montem, prope Bethaniam (radicibus illa
 Hæ.

* *Infer digitum tuum huc, & vide manus meas, & as-
 fer manum tuam, & mitte in latus meum.* Joa. 20. v. 27.

† *Dicit ei JESUS: Mulier quid ploras? Quem quæris? Il-
 la existimans quia hortulanus esset, dicit ei: Domine,
 si tu sustulisti eum, dicito mihi ubi posuisti eum, ut &
 ego eum tollam. Dicit ei JESUS: Maria.* Joa. 20. v.
 15. & 16.

m *A monte qui vocatur Oliveti.* Act. 1. v. 12.

Stare iterum secum iussit, secumque venire, 70
 Confessumque sibi, & pulchros glomerare triumphos.
 Nec mora: quæ nuper cineres; jam plena vigoris,
 Plenaque jam vitæ, circumdata & undique luce
 Corpora erant. Ingens, vivum de Morte trophæum!
 Mortē ipsam Victor pavitantē, & multagementē 75
 Ire catenatam ad currum, & post terga revinctam
 Jusserat, inque rotas, longa cervice reflexa
 Retrorsum, scabros, avidosque inlidere dentes.

Panduntur portæ: tenebrosa sub axe tonanti
 Congemuit tellus, matutinisque volucrum 80
 Cantibus assurgens Aurora, & roscidus unda
 Lucifer Auroram antevolans comitantur euntem
 Hinc, atq; hinc liquidum prorumpit in æthera Victor.
 Victor io! Bellator io! Tu vincere solus
 Mortem, tuque Erebi solus perrumpere claustra 85
 f Ferrea, & umbrarum æternos contundere vinctes.
 Solus tu Assertor, Vindexque es. Tu genus ultus
 Humanum, tu captivis, tu vincula collo
 g Eximis, & pigro, & tenebroso carcere vinctos
 In

f *Contrivit portas æreas, & vestes ferreos confregit.* Pl.
 106. v. 16.

g *Tu quoque in sanguine testamenti tui emisisti vinctos tuos
 de lacu.* Zach. 9. v. 11.

In diam lucem, in libertatem asseris almam. 90
 Vicisti; at te vicit Amor. Redivivus ab umbris
 Quæ tibi fecit Amor charissima vulnere servas,
 Vulnereque in corde, in manibus revehisque, tenesque.
 Vicit Amor: Victor Mortis nam victus Amore est.



R E X G L O R I Æ.

Attollite portas, principes vestras, & ele-
vaminī portæ æternales, & introibit
Rex Gloriæ.

Psal. 23. v. 7.

C A R M E N XXXII.



Immortalis erat, dignos jam nactus ho-
(nores,
Deque triumphata repetitum Morte
(triumphum

Acturus JESUS: Rex debebatur Olympo.

Et tamen ille moras terris nectitque, trahitque
Tanquam esset mortalis adhuc. Neque tædet amoris,
Nec meminisse piget, pro nobis vulnera, mortem,
Quidquid & infame est unquam, & crudele tulisse.

b Sæpe suis coram se sistit, seque videndum

i Exhibet, & palpanda manu sua vulnera porgit:
Atque manum in latus insinuandi, introque ferendi, o
k In

h Per dies quadraginta apprensus eis. Act. 1. v. 3.

i Videte manus meas, & pedes . . . , palpate, & videte .
Luc. 24. v. 39.

* In plagas digitos (quanta indulgentia!) Thomæ
 Quam temerè imprudens optarat, facta potestas.
 Mentita specie Agricolæ tibi, Magdala, coram
 † Adstitit, & : Mulier, quid fles? quem quæris? Ut ille
 Dissimulat percunctando! Tu perdita luctu, 15
 Amensque, ignotum censebas esse olitorem:
 Urgebasque prece, & lacrymis, num fortè tulisset
 Illum? Tuque tuis humeris effetre parabas.

Quæ tantæ vires? Num tu asportare cadaver?
 Ne dubita: tulit hic olitor quem quæris, habetque 20
 Omnino secum, JESUMque abscondit, & ille
 Ipsemet est. Audi, nam te vocat ille: *Maria*.

Jamque quater decies revoluto præpete cælum
 Axe, diem nocti alternans iteraverat ortus,
 Et fulgore novo, & solito formosior ibat 25
 Aureus, & medium Sol jam pulsabat Olympum;
 m Cùm montem, prope Bethaniam (radicibus illa
 Hæ-

* *Infer digitum tuum huc, & vide manus meas, & as-
 fer manum tuam, & mitte in latus meum.* Joa. 20. v. 27.
 † *Dicit ei JESUS: Mulier quid ploras? Quem quæris? Il-
 la existimans quia hortulanus esset, dicit ei: Domine,
 si tu susulisti eum, dicito mihi ubi posuisti eum, ut &
 ego eum tollam. Dicit ei JESUS: Maria.* Joa. 20. v.
 15. & 16.

m *A monte qui vocatur Oliveti.* Act. 1. v. 12.

Hærebat) densæ dederant cui nomen olivæ,
 Conscendit jamjam in cælum ascensurus JESUS.
 Non fragor hîc, aut horrifico stridore rotarum 30
 Flammigeræ e cælo lapsæ, aerisve quadrigæ.
 Nullum vult circum seire horroremve, metumve:
 Nulli hîc quos vinctos ad currum duceret hostes.
 n Ipse sua innixus virtute (videntibus illis,
 Qui fidi adstabant comites cum Virgine Matre) 35
 Sese magnificè sublimis in aera tollens,
 Dulcique, ac placido circum undique lumine cinctus,
 Provehitur sursum. Qualis vada nota Caystri
 Linquens; se pedetentim effert, atque ardua blandè
 Nubila tranat Olor, niveas neque commovet alas. 40
 I decus, i, nostrum: excelsi ad fastigia cæli
 o Exaltare: sede a dextris Patris Omnipotentis.
 Filius, atque hæres voluisti tu quoque bello
 Vincere; vicisti. I Victor, conscende, triumphæ,
 p Quæque manu meruisti etiam cape debita regna. 45
 Ibat

- n *Videntibus illis elevatus est. Act. 1. v. 9. Amictus lumine, sicut vestimento. Pl. 103. v. 2.*
 o *Exaltare Domine in virtute tua. Pl. 20. v. ult. Sede a dextris meis. Pl. 109. v. 1. & ad Hebr. 1. v. 13.*
 p *Quis est iste Rex gloriæ? Dominus fortis, & potens: Dominus potens in prælio. . . Dominus virtutum ipse est Rex gloriæ. Pl. 23. v. 8. & 10.*

Ibat jam; sed enim cui postremo institit ille
(Hoc abiens liquit monumentum, & pignus amoris)

- q Tunc sensit, nunc servat adhuc vestigia saxum.
Fortunata flex! ergo tua tuta manebunt
Munera, nec geminanda olim pia furta nocebunt: 50
Nec cælo prohiberi unquam, nec fornice testi
Includi patiere: quasi & consurgere velles,
Molirique viam sursum, quæque ivit, & ire
Tu quoque, & usque sequiquæ fers vestigia JESU.
Surgenti collesque cavi, montesque profundi: 55
Demittere caput, pictosque repente tapetas
Explicuere, boant plausu, fremituque resultant.
Aer ut venientem aspexit; sternitur ultro,
Alternansque vices, subtus refluitque, fluitque
Panchæis madidas perfusus odoribus alas. 60
Tum nubem jubet ire, thronumque effingere Regi
Umbriferum: præpes volat illa, & candida pennas
v Expandens, variæque interlita murice, & auro,
Provocat Auroram, formosam despicit Irim,
Ardentem magni aspernatur lampada Solis. 65
Interea pandi, totumque occurrere cælum

f Ob.

q Vide Bened. XIV. in festo Ascen.

r Nubes suscepit eum, Act. 1. v. 9. Qui ponis nubem ascen-
sum tuum, qui ambulas super pennas ventorum. Ps. 103.
v. 3.

- f Obviam, & altifono Aligeri clangore tubarum
Victorem excipere, & cantu, fidibusque canoris
Acclamare. Illum mox ut videre propinquum;
i Procumbunt humiles coram, Regemque fatentur 70
Esse suum, pronique omnes illum Angeli adorant.
Tum Patrum veneranda manus, sanctusque senatus
In libertatem, divino vindice, ab umbris
Infernis nuper superas adductus in auras,
Immenfos rumpunt plausus, & carmina cantant, 75
Quæ sceptro insignis Vates, citharaque præbat:
Vos o cælorum vigiles, Custodia sancta,
Hactenus obstructas aperite, & pandite portas.
Ecce triumphalis Rex vester, millia secum
u Haud pridem captiva, magis captiva reducens. 80
x Ipse suo ascendit conspersus sanguine Victor,
j Sanguine qui Regem tenebrarum, & regna profunda

De-

- f Ascendit DEUS in júbilo, & Dominus in voce tubæ.
Pl. 46.
i Profectus in cælum subjectis sibi Angelis, & Potestatibus,
& Virtutibus. 1. Petr. 3. v. ult. Adorent cum omnes
Angeli ejus. Pl. 96. v. 8. & ad Hebr. 1. v. 6.
u Ascendens in altum captivam duxit captivitatem. Ad
Ephes. 4. v. 8.
x Vestitus erat veste aspersa sanguine. Apoc. 19. v. 13.
y Eripuit nos de potestate tenebrarum, & transfudit in regnum
filij dilectionis sue. Ad Coloss. 1. v. 13.

Debellavit, & æternas, arctasque catenas
 Comminuit, vinctisque viam patefecit Olympi:
 Pandite jam, vestrasque attollite cardine portas. 85
 Hunc iterant illi pæana, aliosque subinde,
 Humano includi nequeunt qui carmine cantus.
 Qui Pater humani generis, nos perdidit omnes,
 Ibat Adam, attonito similis, genibusque volutus
 Vulneribus pedum inhærebat: non inde moveri, 90
 Non inde avelli poterat; sed flebat inhærens
 Osculo, & effuso crescebant gaudia fletu:
 Et quamquam meminit morsu uno, seque, suosque,
 Et genus horrenda humanum involvisse ruina;
 Audet, &: O, inquit, felix, o culpa beata, 95
 Quæ tam divino meruit sic vindice tolli!
 z Meme en qui feci. Quorsum tu vulnere portas?
 Adsum qui merui: tua tu in me vulnere transfer,
 Sed quis ego? Pretiosa tibi tua vulnere serva:
 a Esse necesse tua est, tanta ut mea crimina tollant. 100
 Hæc ille: & longo processerat ordine pompa.
 Augusta, & cælum jam tandem intraverat agmen:

II.

z *Quid sunt plagæ istæ in medio manuum tuarum?* Zach.
 13. v. 6.

a *Sicut in Adam omnes moriuntur, ita & in Christo omnes
 vivificabuntur.* 1. ad Cor. 15. v. 22.

238 DE DEO HOM.

Illam nempe urbem sanctam, quod tendere nifu
b Non vox, non oculi, non ipsa silentia possunt,

b *Oculus non vidit DEUS absque te quæ præparasti ex spec-*
tantibus te. Isa. 64. v. 4. Oculos non vidit, nec auris
audivit, nec in cor hominis ascendit quæ præparavit Deus
ijs, qui diligunt illum. 1a ad Cor. 2. v. 6.



VIR-

VIRTUS EX ALTO.

Sedete in civitate, quoadusque induamini
virtute ex alto.

Lucæ 24. v. 49.

CARMEN XXXIII.



Ostquam ab olivarum extollens se mon-
(te, volucris
Nube sedens, debellata de morte trium-
(phum

Victor agens, super astra redux conscendit JESUS:
Cum jam frustra oculis illum sequerentur euntem
Discipuli, opposita invidiosa nube, & ab alto,
Nuntius ulterius vetuisset stare tuendo
In cælum; incessu tardi, invitique reversi
Ad Solymam, flebant. Ceu cum trans nubila longè
Alituum Regina abijt, quos fortè reliquit
Implumes nido pulli pipiuntque, gemuntque 10
Irrequieti, unàque altè capita exsertantes,
Quà

c Cumque inluerentur in cælum euntem illum, ecce duo
viri adstiterunt juxta illos in vestibus albis, qui & di-
xerunt: Viri Galilæi quid statis aspicientes in cælum.
Ad. 1. v. 11.

Quà possunt, oculis Matrem, gemituque sequuntur.
 Omnibus idem animus: secreto, & paupere tecto
 Inclusi, procul humanarum turbine rerum
 Quæ jam discedens dederat, promissa Magistri 15
 Volvebant memores, expectabantque beata
 d Munera, & unanimes geminabant vota, precesque:
 Sancte veni, Dia Aura veni, Dia, altaque Virtus
 Influe. Et interea bis quinque exegerat orbes
 Lux, & tunc ibat placido nitidissima vultu 20
 Per sudum. Ecce autem ruere omnia visa repente,
 e Vastusque audiri fragor. Ut cum, turbine rupto,
 Frontibus adversis Boreasque, Notusque protervi
 Confligunt, imisque ruunt radicibus ornos.

Contremuere domus sanctæ penetralia: totum 25
 Axe suo abruptum credas descendere cælum.
 Sed majus quid erat: nam descendebat Olympo
 f Aura potēs, Amor Omnipotens, Vigor omnia cōplens,
 Ipse DEUS, DEUS ipse, DEUS, Genitoque, Patriq;
 Compar, & amborum communis mutuus ardor, 30
 Majestate unus, septempace munere dives

Spi-

- d Erant perseverantes unanimiter in oratione. Ibid. v. 14.
 e Factus est repente de cælo sonus tanquam advenientis
 spiritus vehementis, & replevit totam domum, ubi erant
 sedentes. Act. 2. v. 2.
 f Spiritus Domini replevit orbem terrarum. Sap. 1. v. 7.

Spiritus. Æthereo simul unà vertice visus
 Cum sonitu irrumpens descendere flammeus imber,
 g Et superincubuisse: in linguas diditus aureas,
 Multifidusque illis supra caput additit ignis: 35
 Lambebatque comas blanda, atque innoxia tactu
 Flamma; altè tamen immiscens se, imisque medullis
 Insinuans, afflansque animis, membrisque vigorem
 Arcanum; insolitum, divinum. Quos modò segnes
 Omnes terrebant auræ, pavidique tremebant 40
 Unius ad vocem ancillæ; jam Numine tacti
 In gladios, mortemque ruunt: mortalia cuncta
 Spernunt: extinctumq; Ducem, atq; a morte reductum
 Magnifico ore tonant, regeruntque e pectore flammæ
 Ardentes, ignem spirant, incendia vibrant. 45
 Nec mortale sonant. DEUS insidet, aspiratque.
 Annua tum Solymis aderant solemnia, & ingens
 Undique visendi studio concursus ad urbem
 Sanctam, diversis acciti ab sedibus orbis,
 b Quà quàm stelliferum premit, ambit & omnia cælum. 50
 Illac & gens Isacidum confluxerat omnis,

Lit-
 g Et apparuerunt dispersitæ linguæ tanquam ignis, seditque
 supra singulos eorum. Act. 2. v. 3. Spiritus S. dabat elo-
 qui illis. v. 4.
 h Ex omni natione, quæ sub cælo est. Act. 2. v. 5.

Littore ab extremo maris, & Jordanis utraque
Ripa, abq; excelsis Libano, Hermonioque, Thaborq;
Illac & clari bello, celeresque sagitta

i Parthi: orbisque olim imperio, & virtute feroces 55
Et Medi, & Persæ, hi Cyro, illi Arbace superbi.
Qui Tigrym, Euphratemq; bibunt, latèque patentes
Inter utrumque colunt campos, ubi barbara moles
Tollere in astra caput, cælumque laceffere fronte
Ausu; peregrinas improvise intulit orbi 60
Linguas, & linguæ unanimis consortia secum
Obruit, & secum tulit, afflixitque ruina.

Et quos Thermodon, tumidusque interluit Iris:
Quos & Sangarius, rigat & quos amne Caycus:
Et quos tortilibus Mæander circumit undis, 65
Retro etiam auscultans quos margine pascit olores.
Quique tuas tondent felix Pamphilia sylvas,
Unde iter ingrediens immensum maximus orbis
Mons, altè incedit protendens brachia Taurus.
Et quibus ignotus venientis ab æthere telli 70

Ter.

i Parthi, & Medi, & Elamitæ, & qui habitant Me-
sopotamiam, Judæam, & Cappadociam, Pontum, &
Asiam, Phrygiam, & Pamphiliam, Ægyptum, & par-
tes Libyæ, quæ est circa Cyrenem, & advena Romani...
Cretes, & Arabes audivimus vos loquentes nostris lin-
guis magnalia DEI. Ibid. v. 9. &c.

Terror, & horrifco, faxofoque agmine grando,
 Elifufque ruens torvis e nubibus imber,
 Uno contenti Nilo, femperque fereno

Cælo: & qui terram jam tum fcindebat aratro,
 Qua fcteterant olim victæ Carthaginis arces; 75
 Vix jam ftramineis habitata mapalia tectis.

Et quos ubere alit læto celeberrima centum
 Urbibus, immiti & Rhadamanto! Gnoſſia tellus:
 Terrarumque orbis domini, rerumque potentes
 Romani, & Cyrenenſes, piſtique Sabæi, 80
 Diverſi linguis, habituque, & moribus omnes.

Et tamen ut cœpere loqui, & magno ore tonare
 Bis ſeni illi homines; eadem vox, & ſonus idem
 Jam non idem, alias (mirum!) totidemque ſonabat
 & Linguas, quot varias allabebatur ad aures. 85
 Ut ſolet in templis quæ centum ſurgit ahenis
 Machina arundinibus, variaque, & diſpare canna,
 Tot variare ſonos, dulces tot rumpere voces,
 Quot ſtant, quot circum ſunt ſpiramenta, tubique,
 Quà poſſit veniens prorumpere deſuper aura. 90
 Quifque videbatur patrio ſermone loquentes
 Audire, & magna circumcingente corona,

Q. 2. Act.

k Cœperunt loqui varijs linguis. Act. 2. v. 3.

! Audiebat unusquiſque lingua ſua illos loquentes. Stupe-
 bant autem omnes, & mirabantur. Act. 2. v. 6. & 7.

Attoniti auscultabant, attonitique filebant
 Altè, & adorabant jam tum longo ordine gentes
 Omnes ad palmum confixum nuper IESUM: 95
m Quocum, bis seni hæc, nos manducavimus ipsi,
Et bibimus, postquam devicta morte trophæum
Extulit infernis rediens redivivus ab umbris.
 Magni instar tonitru, vox hæc audita per omnes
 Quà sese extremos in fines porrigit orbis. 100
 Exin Relligio, te, Spiritus alme, fovente
 Intus, & afflante ex alto, omnipotentibus auris
 Adveſta invaluit, totoque increbuit orbe.
 Teque ideo plena passim veneramur acerra,
 Teque Sacerdotes casti, populique frequentes 105
 Assiduo cantu celebramus, & ore cimus.
 Nunc quoque Sancte veni, sanctisque ardoribus orbem
 Usque senescentem, & dudum jam algida corda
 Ure: opus ipse tuum instaure, & tua numina firma.
 En contempta jacet, digitoque notata protervo 110
 Relligio! Descende, veni, compesce furentes,
 Infanosque ausus, tonitruque, & fulmine vindex
 • Ir.

- m Nobis, qui manducavimus, & bibimus cum illo postquam resurrexit a mortuis. Act. 10. v. 41.*
n In omnem terram exivit sonus eorum, & in fines orbis terræ verba eorum. Ps. 18. v. 5.

o Irrue. Vel potius (neque enim vis perdere tu nos)
Exsere divinum, blandum jubar, exsere lumen
Vitale, & ritu roris descende, benignusque
Ad meliora voca, & tacitus fera pectora molli,
Me quoque, quando adeo piuses, nil tale merentem
Desuper irroras. Quin totum concute pectus
Igne tuo, atque tuis imple præcordia flammis.

Hæc ego cum canerẽ; visa est audisse libenter
Illicet, & mœstam paulatim exporgere frontem,
Indeq̃ respirare, manumque abducere vultu,
Ac tandem luctus posuisse, & carmina dextra,
Mellitoque etiam cantu excepisse Poësis.

o *Non enim delectaris in perditionibus nostris; Tob. 3.
v. 22.*



FINIS.

ERRATA.

Pag. 9. v. 144. Prosumque
 Ibid. v. 145. Est ut
 Pag. 14. v. 72. impetu
 Pag. 21. v. 73. presens
 Pag. 28. v. 20. tenet
 Pag. 30. v. 61. vincula
 Pag. 32. v. 94. obicere
 Pag. 39. v. 63. virentia
 Pag. 45. post versum 71
 Pag. 52. v. 62. nihil
 Pag. 105. v. 8. prætigia
 Pag. 147. post versum 76
 Pag. 196. post vers. 47
 Pag. 223. v. 70. Mater no
 vultum
 Pag. 228. v. 38. diffusa
 Pag. 237. post vers. 101
 Pag. 238. lit. b. lin. 2. Oculos

CORRIGE.

Prosumque
 Est &
 impeto
 præsens
 tentet
 vincla
 obicere
 virentia
 abra de punctum
 nil
 prætigiæ
 abra de punctum
 abra de punctum
 Materno vultum
 diffusa
 abra de punctum
 Oculus







